

# মধ্য-লীলা ।

## পঞ্চদশ পরিচ্ছেদ

সার্কভৌমগৃহে ভুঞ্ন্ স্বনন্দকমমোঘকম্ ।  
অঙ্গীকুর্কন্ স্ফুটাং চক্রে গৌরঃ স্বাং ভক্তবশ্ততাম্ ॥ ১  
জয়জয় শ্রীচৈতন্য জয় নিত্যানন্দ ।  
জয়াদৈতচন্দ্র জয় গৌরভক্তবন্দ ॥ ১

জয় শ্রীচৈতন্যচরিতশ্রোতা ভক্তগণ ।  
চৈতন্যচরিতামৃত যার প্রাণধন ॥ ২  
এই মত মহাপ্রভু ভক্তগণ-সঙ্গে ।  
নীলাচলে রহি করে নৃত্যগীত রঙ্গে ॥ ৩

শ্লোকের সংস্কৃত টীকা ।

অমোঘকং তন্মামানং ভট্টাচার্য্য-জামাতারন্ । চক্রবর্তী । ১

গৌর-কৃপা-তরঙ্গিণী টীকা ।

মধ্যলীলার এই পঞ্চদশ পরিচ্ছেদে শ্রীঅদ্বৈতকর্তৃক শ্রীচৈতন্যের ও শ্রীচৈতন্যকর্তৃক শ্রীঅদ্বৈতের পূজা, শ্রীকৃষ্ণজন্মোৎসব-লীলা, অলঙ্কিতভাবে শ্রীশচীমাতার গৃহে প্রভুর ভোজন, গোড়ীয়-ভক্তদের গুণকীর্তনপূর্বক বিদায়,, সার্কভৌমগৃহে প্রভুর ভোজন, অমোঘের প্রতি কৃপা প্রভৃতি বর্ণিত হইয়াছে ।

শ্লো ১। অম্বয় । গৌরঃ ( শ্রীগৌরচন্দ্র ) সার্কভৌমগৃহে ( সার্কভৌম-ভট্টাচার্য্যের গৃহে ) ভুঞ্ন্ ( ভোজন করিয়া ) স্বনন্দকং ( নিজের নিন্দাকারী ) অমোঘকং ( অমোঘকে ) অঙ্গীকুর্কন্ ( অঙ্গীকার করিয়া ) স্বাং ( স্বীয় ) ভক্তবশ্ততাং ( ভক্তবশ্ততাকে ) স্ফুটাং ( স্পষ্টরূপে ব্যক্ত ) চক্রে ( করিয়াছিলেন ) ।

অনুবাদ । শ্রীগৌরচন্দ্র সার্কভৌম-ভট্টাচার্য্যের গৃহে ভোজন করিয়া নিজের ( প্রভুর ) নিন্দাকারী অমোঘকে অঙ্গীকারপূর্বক স্পষ্টরূপে স্বীয় ভক্তবশ্ততাকে ব্যক্ত করিয়াছিলেন । ১

সার্কভৌম-ভট্টাচার্য্য একদিন প্রভুকে নিমন্ত্রণ করিয়াছিলেন ; প্রভু আহায়ে বসিয়াছেন, সার্কভৌম ভোজনগৃহের দ্বারে বসিয়া আছেন । সার্কভৌমের জামাতা অমোঘ দূর হইতে প্রভুর ভোজন দেখিয়া বলিয়া উঠিল—“একা এক সম্যাসী এত অন্ন খাইবে ?”—বলিয়াই অমোঘ পলাইয়া গেল ; সার্কভৌম হায় হায় করিতে করিতে পশ্চাতে ধাবিত হইলেন ; কিন্তু অমোঘকে ধরিতে পারিলেন না ; নিমন্ত্রিত প্রভুর নিন্দা শুনিয়া সার্কভৌম ও তাঁহার গৃহিণী আত্মধিকার দিতে লাগিলেন । যাহাউক, আহা করিয়া প্রভু বাসায় গেলেন ; সঙ্গীক সার্কভৌম প্রভুর নিন্দাজনিত হুঃখে উপবাস করিতে লাগিলেন । এদিকে শুনা গেল—বিশ্বেচিকায় অমোঘের মুমূর্ অবস্থা ; তাহার শব্দ-শব্দ শুনিয়া তাবিলেন—প্রভুকে যে নিন্দা করে, তাহার মৃত্যুই শ্রেয়ঃ । প্রভু শুনিলেন ; শুনিয়া তিনি অস্থির হইয়া পড়িলেন ; তাঁহার প্রিয়তম ভক্ত সার্কভৌমের জামাতার প্রাণ যায়, ভক্তবৎসল প্রভু কিরূপেই বা স্থির থাকিতে পারেন ? তিনি তাড়াতাড়ি অমোঘের নিকটে আসিয়া তাহার বুকে হাত দিয়া তাহাকে উঠিতে বলিলেন ; অমোঘ “কৃষ্ণ কৃষ্ণ” বলিয়া তাড়াতাড়ি উঠিল এবং প্রেমোন্মত্ত হইয়া নৃত্য করিতে লাগিল ; পরে প্রভুর নিন্দাজনিত অপরাধ খণ্ডনের জন্ত প্রভুর চরণে ধরিয়া ক্ষমা প্রার্থনা করিল । তদবধি অমোঘ প্রভুর পরম ভক্ত ।

সার্কভৌম হইলেন প্রভুর পরম ভক্ত ; তাঁহার প্রতি যে প্রভুর বাৎসল্য, সেই ভক্তবাৎসল্যের বশীভূত হইয়াই তিনি সার্কভৌমের জামাতাকে—যিনি স্বয়ং প্রভুকেও সাক্ষাতে নিন্দা করিয়াছিলেন, সেই অমোঘকে—উদ্ধার করিলেন ; ইহা দ্বারা প্রভু তাঁহার ভক্তবাৎসল্যের অলঙ্ঘন দৃষ্টান্ত প্রকটিত করিলেন ।

প্রথমাবসরে জগন্নাথ দরশন ।  
 নৃত্য গীত দণ্ডবৎ প্রণাম স্তবন । ৪  
 উপল লাগিলে করে বাহিরে বিজয় ।  
 হরিদাস মিলি আইসে আপন নিলয় ॥ ৫  
 ঘরে আসি করে কভু নামসঙ্কীর্তন ।  
 অদ্বৈত আসিয়া করে প্রভুর পূজন ॥ ৬  
 স্নগন্ধি সলিলে দেন পাচ-আচমন ।  
 সর্ববাস্তে লেপয়ে প্রভুর স্নগন্ধি-চন্দন ॥ ৭  
 গলে মালা দেয়, মাথায়—তুলসীমঞ্জরী ।

যোড়হস্তে স্তুতি করে পদে নমস্কারি ॥ ৮  
 পূজাপাত্রে পুষ্প-তুলসী শেষ যে আছিল ।  
 সেই সব লঞা প্রভু আচার্য্যে পূজিল ॥ ৯  
 ‘যোহসি সোহসি নমোহস্ত তে’ এই মন্ত্র পড়ে ।  
 মুখবাণ্ড করি প্রভু হাসে আচার্য্যেরে ॥ ১০  
 এইমত অন্তোন্তে করেন নমস্কার ।  
 প্রভুকে নিমন্ত্রণ আচার্য্য করে বারবার ॥ ১১  
 আচার্য্যের নিমন্ত্রণ আশ্চর্য্য-কথন ।  
 বিস্তার বর্ণিয়াছেন দাস বৃন্দাবন ॥ ১২

গৌর-কৃপা-তরঙ্গিণী টীকা ।

এই শ্লোকে এই পরিচ্ছেদের একটা প্রধান ঘটনার (অমোঘের উদ্ধারের) উল্লেখ করিয়া কবিরাজ গোস্বামী প্রভুর ভক্তবৃণ্ডতার দৃষ্টান্ত দেখাইলেন ।

৪। প্রথমাবসরে—দিনের মধ্যে সর্বপ্রথম স্নযোগে ; মঙ্গল-আরত্নিক-সময়ে ।

৫। উপল—উপলভোগ ; শ্রীজগন্নাথের প্রাতঃকালীন ভোগ । উপল-শব্দের অর্থ পাষণ্ডও হয়, রত্নও হয় । সম্ভবতঃ পাষণ্ড (বা পাথর)-ভাণ্ডে, অথবা রত্নভাণ্ডে, অথবা রত্নখচিত পাষণ্ড-ভাণ্ডে করিয়া এই ভোগ দেওয়া হয় বলিয়াই ইহার নাম উপল-ভোগ । বাহিরে বিজয়—বাহিরে গমন । উপলভোগের সময় পর্য্যন্ত প্রভু শ্রীমন্দিরে থাকেন । তারপর বাহির হইয়া হরিদাসঠাকুরের সহিত সাক্ষাৎ করিয়া প্রভু নিজ বাসায় যান । নিলয়—বাসা ।

৬। একদিন প্রভু শ্রীমন্দির হইতে নিজবাসায় আসিয়া নামসঙ্কীর্তন করিতেছেন, এমন সময় শ্রীঅদ্বৈত-আচার্য্য আসিয়া প্রভুর পূজা করিলেন । পূজার বিবরণ পরবর্ত্তী পয়ারদ্বয়ে দেওয়া যইয়াছে ।

৭-৮। সলিল—জল । মাথায় তুলসীমঞ্জরী—মহাপ্রভু ভক্তভাব অঙ্গীকার করিয়াছেন বলিয়া চরণে তুলসী গ্রহণ করিবেন না, ইহা বুঝিয়া শ্রীঅদ্বৈত মহাপ্রভুর মস্তকেই তুলসীমঞ্জরী দিলেন ।

শ্রীঅদ্বৈত স্নগন্ধিজলে মহাপ্রভুর পাচ ও আচমন দিলেন, প্রভুর সর্বাঙ্গে স্নগন্ধিচন্দন লেপিয়া দিলেন, গলায় ফুলের মালা ও মাথায় তুলসীমঞ্জরী দিলেন এবং চরণে নমস্কার করিয়া করযোড়ে প্রভুর স্তুতি করিতে লাগিলেন ।

৯-১০। শ্রীঅদ্বৈতকৃত পূজার পরে পুষ্প-তুলসী যাহা অবশিষ্ট ছিল, তাহা দ্বারা প্রভুও আবার শ্রীঅদ্বৈতকে পূজা করিলেন এবং “যোহসি সোহসি” মন্ত্র পড়িয়া মুখবাণ্ড করিতে করিতে অদ্বৈতের দিকে চাহিয়া প্রভু হাসিতে লাগিলেন ।

যোহসি সোহসি—যে হও সে হও । তুমি যাহা হওনা কেন, তোমাকে নমস্কার । যোহসি সোহসি—যাহা তাহা বলার উদ্দেশ্য এই, যে তোমার (শ্রীঅদ্বৈতের) তত্ত্ব জুজ্ঞেয় । এইটি শিবমন্ত্রের অংশবিশেষ ; অদ্বৈত-আচার্য্য সদাশিব-তত্ত্ব বলিয়া প্রভু শিবমন্ত্রে তাঁহার পূজা করিলেন । তত্ত্বোক্ত সম্পূর্ণ মন্ত্রটি এই :—“রাধে কৃষ্ণ রমে বিষ্ণো সীতে রাম শিবে শিব । যাসি সাসি নমো নিত্যং যোহসি সোহসি নমোহস্ততে ।”

মুখবাণ্ড—মুখে বোন্, বোন্ শব্দ ; ইহা শিবের সন্তোষকর । হাসে আচার্য্যেরে—অদ্বৈতের দিকে চাহিয়া হাসেন ।

১১। অন্তোন্তে—পরস্পর ; একে অণ্ডকে । বারবার—পুনঃপুনঃ ।

১২। একদিন শ্রীঅদ্বৈত মহাপ্রভুকে নিমন্ত্রণ করিয়া আসিলেন । ঘরে আসিয়া তিনি নিজেই পাক করিতে লাগিলেন, তাঁহার গৃহিণী পাকের যোগাড় দিতে লাগিলেন ; উভয়েই পরমানন্দে, প্রভু যে সকল দ্রব্য ভালবাসেন,

পুনরুক্তিভয়ে তাহা না কৈল বর্ণন ।  
 আর ভক্তগণ প্রভুকে করে নিমন্ত্রণ ॥ ১৩  
 একেক দিন একেক ভক্ত-গৃহে মহোৎসব ।  
 প্রভু-সঙ্গে তাহাঁ ভোজন করে ভক্তসব ॥ ১৪  
 কেহো ঘরভাত করে—কেহো প্রসাদান্ন ।  
 এইমত বৈষ্ণবগণ করে নিমন্ত্রণ ॥ ১৫  
 চারিমান রহিলা সভে মহাপ্রভুসঙ্গে ।  
 জগন্নাথের নানা যাত্রা দেখে মহারঙ্গে ॥ ১৬  
 এইমত নানারঙ্গে চাতুর্মাশ্য গেলা ।  
 কৃষ্ণজন্মযাত্রায় প্রভু গোপবেশ হৈলা ॥ ১৭

কৃষ্ণজন্মযাত্রা দিনে নন্দ-মহোৎসব ।  
 গোপবেশ হৈলা প্রভু লৈয়া ভক্তসব ॥ ১৮  
 দধি-দুগ্ধ-ভার সভে নিজস্বন্ধে করি ।  
 মহোৎসবের স্থানে আইলা বলি ‘হরিহরি’ ॥ ১৯  
 কানাগ্রি-খুটিয়া আছে নন্দবেশ ধরি ।  
 জগন্নাথমাহিতী হইয়াছে ব্রজেশ্বরী ॥ ২০  
 আপনে প্রতাপরুদ্র আর মিশ্র কাশী ।  
 সার্বভৌম আর পড়িছাপাত্র তুলসী ॥ ২১  
 ইহা সভা লৈয়া প্রভু করে নৃত্য-রঙ্গ ।  
 দধি-দুগ্ধ-হরিদ্রাজলে ভরে সভার অঙ্গ ॥ ২২

গৌর-কৃপা-তরঙ্গিনী ঢাকা ।

সে সকল দ্রব্য পাক করিতে লাগিলেন । পাক করিতে করিতে শ্রীঅদ্বৈত ভাবিলেন—“প্রভুর সঙ্গে সর্বদাই তাঁহার অন্তরঙ্গ সন্ন্যাসিগণ আসেন; সন্ন্যাসী সঙ্গে থাকিলে প্রভু ভাল করিয়া খান না; যে সকল দ্রব্য আমি তৈয়ার করিতেছি, একেলা প্রভুকে খাওয়াইতে পারিলেই আমার আনন্দের আর সীমা থাকিবেনা; প্রভুর সঙ্গে সন্ন্যাসিগণ যদি আজ না আসেন, তাহা হইলেই ভাল হয়।” শ্রীঅদ্বৈত এরূপ চিন্তা করিতেছেন, আর পাক করিতেছেন । এদিকে মধ্যাহ্ন হইল দেখিয়া প্রভু এবং সঙ্গীয় লোকগণ স্নানাদি করিতে গেলেন । হঠাৎ ভয়ানক বাড়-বৃষ্টি আরম্ভ হইল—এত বাড়-বৃষ্টি সহসা আর সে অঞ্চলে হয় নাই; বাড়বৃষ্টির চোটে কে কোথায় গেল, তাহার আর ঠিক নাই । আশ্চর্যের বিষয়—সর্বত্রই ভয়ানক বাড়বৃষ্টি, কিন্তু অদ্বৈতের গৃহে সামান্য একটু বৃষ্টিমাত্র । যাহাউক, এই বাড়বৃষ্টির সময়েই অদ্বৈতের রান্না শেষ হইল, তিনি প্রভুর ভোগ সাজাইয়া তাহার উপরে তুলসী মঞ্জরী দিয়া প্রভুর ধ্যান করিতে লাগিলেন—প্রভু যেন একাকীই আসেন, ধ্যানের সঙ্গে সঙ্গে এই ইচ্ছাও শ্রীঅদ্বৈত জানাইতে লাগিলেন । বস্তুতঃ প্রভু একাকীই “হরেকৃষ্ণ হরেকৃষ্ণ” বলিয়া অদ্বৈতের গৃহে উপস্থিত হইলেন; সঙ্গীয় সন্ন্যাসিগণের কাহাকে বাড়বৃষ্টি কোন্ দিকে ঠেলিয়া লইয়া গিয়াছে বলা যায় না; প্রভু যখন বাসা হইতে অদ্বৈতের গৃহে রওনা হইলেন, তখন কেহই সেখানে ছিলেন না । অদ্বৈতের আনন্দ যেন আর ধরে না; তিনি নিজ হাতে পরিবেশন করিয়া ইচ্ছামুগ্ধভাবে প্রভুকে খাওয়াইলেন ( শ্রীচৈতন্যভাগবত, অন্ত্য, ৯ম অধ্যায় ) ।

বিস্তার বর্ণিয়াছেন ইত্যাদি—শ্রীচৈতন্যভাগবতে, অন্ত্যখণ্ডে, ৯ম অধ্যায়ে ।

১৫। ঘরভাত করে—নিজের ঘরেই অন্ন-ব্যাঞ্জাদি পাক করেন । কেহ প্রসাদান্ন—কেহবা শ্রীজগন্নাথের মহাপ্রসাদ কিনিয়া আনিয়া প্রভুকে খাওয়ান । সম্ভবতঃ ব্রাহ্মণ-ভক্তগণই “ঘর ভাত” করিতেন ।

১৬। চারিমান—রথযাত্রার পরবর্তী চারিমান; চাতুর্মাশ্যের চারিমান । নানাযাত্রা—শ্রীজগন্নাথের মন্দিরে নানাবিধ উৎসব । মহারঙ্গে—মহা আনন্দে ।

১৭। কৃষ্ণজন্মযাত্রায়—শ্রীকৃষ্ণের জন্মাষ্টমীতে । গোপবেশ হৈলা—গোয়ালার বেশ ধারণ করিলেন ।

১৮। কৃষ্ণজন্ম যাত্রা দিনে ইত্যাদি—শ্রীকৃষ্ণজন্মাষ্টমী-উপলক্ষ্যে নন্দোৎসবের দিনে, অর্থাৎ জন্মাষ্টমীর পরের দিন ।

২০। কানাগ্রি খুটিয়া সাজিয়াছেন শ্রীকৃষ্ণের পিতা নন্দমহাজ; আর জগন্নাথ মাহিতী সাজিয়াছেন শ্রীকৃষ্ণের মাতা ব্রজেশ্বরী যশোদা ।

২১-২২। প্রতাপরুদ্র, কাশীমিশ্র, সার্বভৌম, তুলসী পড়িছাপাত্র—ইহারা সকলেও গোপবেশ ধারণ করিয়াছেন; স্বয়ং প্রভু ইহাদের সঙ্গে নৃত্য করিতেছেন; দধি, দুগ্ধ, আর হরিদ্রাজলে সকলের অঙ্গই ভিজিয়া গিয়াছে ।

অদ্বৈত কহে—সত্য কহি, না করহ কোপ ।  
 লগুড় ফিরাইতে পার, তবে জানি গোপ ॥ ২৩  
 তবে লগুড় লৈয়া প্রভু ফিরাইতে লাগিলা ।  
 বার বার আকাশে ফেলি লুফিয়া ধরিলা ॥ ২৪  
 শিরের উপরে পৃষ্ঠে সম্মুখে দুইপাশে ।  
 পাদমধ্যে ফিরায় লগুড়, দেখি লোক হাসে ॥ ২৫  
 অলাতচক্রের প্রায় লগুড় ফিরায় ।  
 দেখি সব লোক চিত্তে চমৎকার পায় ॥ ২৬  
 এইমত নিত্যানন্দ ফিরায় লগুড় ।  
 কে জানিবে তাঁহাদোহার গোপভাব গুঢ় ॥ ২৭

প্রতাপরুদ্রের আজ্ঞায় পড়িছা তুলসী ।  
 জগন্নাথের প্রসাদবস্ত্র এক লঞা আসি ॥ ২৮  
 বহুমুখ্য বস্ত্র প্রভুর মস্তকে বান্ধিল ।  
 আচার্য্যাদি প্রভুর সব গণে পরাইল ॥ ২৯  
 কানাগ্রি-খুটিয়া জগন্নাথ দুইজন ।  
 আবেশে বিলাইল ঘরে ছিল যত ধন ॥ ৩০  
 দেখি মহাপ্রভু বড় সন্তোষ পাইল ।  
 পিতামাতা-জ্ঞানে দৌহায় নমস্কার কৈল ॥ ৩১  
 পরম-আবেশে প্রভু আইলা নিজঘর ।  
 এইমত লীলা করে গৌরানন্দ ॥ ৩২

গৌর-রূপা-তরঙ্গিণী টীকা ।

২৩। উৎসব উপলক্ষ্যে লাঠি-ঘুরান গোপজাতির একটা স্বাভাবিক-রীতি; ইহাতে দক্ষতাই তাঁহাদের গোপত্বের একটা লক্ষণ; এজ্জুই অদ্বৈতপ্রভু বলিলেন—“তোমরা যে গোপবেশ ধারণ করিয়াছ, কেবল তাহাতেই তোমাদিগকে গোপ বলিব না; যদি দক্ষতার সহিত লাঠি ঘুরাইতে পার, তবেই বুঝিব তোমরা বাস্তবিকই গোপ ।

২৪। বারবার ইত্যাদি—পুনঃ পুনঃ লাঠিটাকে আকাশের দিকে ছুঁড়িয়া ফেলিয়া আবার পড়িবার সময় প্রভু তাহা ধরিয়া ফেলিলেন । ইহা লাঠিখেলার একটা কৃতিত্ব ।

২৫। শিরের—মাথার । প্রভু কখনও মাথার উপরে, কখনও পৃষ্ঠভাগে, কখনও দুই পাশে, আবার কখনও বা দুই পায়ের মধ্যে দিয়া লাঠি ফিরাইতে লাগিলেন; লাঠিচালনায় প্রভুর কৌশল ও ক্ষিপ্ততা দেখিয়া লোক আনন্দে হাসিতে লাগিল ।

২৬। অলাতচক্র—একখণ্ড জলন্ত কাঠকে চক্রাকারে দ্রুতবেগে ঘুরাইলে যাহা হয়, তাহাকে অলাতচক্র বলে । তখন ইহাকে একটা আগুনের চক্রের মত দেখায় ।

প্রভুও এত দ্রুতবেগে লাঠি ঘুরাইতে লাগিলেন যে, স্বতন্ত্রভাবে লাঠিটা আর দেখা যাইতেছিল না । দেখা যাইতে লাগিল কেবল একটা চক্রাকার লাঠি বা লাঠির চক্র ।

২৭। শ্রীমন্ মহাপ্রভু, আর শ্রীমন্ নিত্যানন্দ প্রভু উভয়েই ব্রাহ্মণ; তাঁহারা যে গোপের মত দক্ষতার সহিত লাঠি ঘুরাইতেছেন, ইহা দেখিয়া সকলেই অশ্চর্য্যাম্বিত হইলেন । ব্রজলীলায় উভয়েই যে গোপ ছিলেন, ইহা সকলে জানিত না, এজ্জুই সকলে আশ্চর্য্যাম্বিত হইল । বাস্তবিক তাঁহারা স্বরূপতঃ গোপ ছিলেন বলিয়াই লাঠি ঘুরাইতে পারিয়াছিলেন । গোপভাব গুঢ়—গোপনীয় গোপভাব । তাঁহারা যে গোপ ছিলেন, একথা গোপনীয় ছিল, সকলে জানিত না । প্রভু এই কলিতে ছন্ন অবতার কি না; তাই ব্রাহ্মণত্বের আবরণে-তাঁহার এবং তাঁহার অভিন্ন-কলেবর শ্রীনিত্যানন্দের গোপত্বও প্রচ্ছন্ন হইয়া পড়িয়াছে । এক্ষণে নন্দোৎসবের গোপ-লীলায় তাহা প্রকট হইয়া পড়িয়াছে । এই লীলায় প্রভুর রূপভাব অভিব্যক্ত ।

৩০। জগন্নাথ—জগন্নাথমাহিতী । আবেশে—নন্দ ও যশোদার আবেশে । কানাগ্রি খুটিয়া সাজিয়া-ছিলেন নন্দ, আর জগন্নাথমাহিতী সাজিয়াছিলেন যশোদা ।

৩১। পিতামাতা-জ্ঞানে—ব্রজলীলার ভাবে আবিষ্ট হওয়ায় নন্দ ও যশোদা-জ্ঞানে ।

বিজয়াদশমী লঙ্কাবিজয়ের দিনে ।  
 বানরসৈন্য হয় প্রভু লৈয়া ভক্তগণে ॥ ৩৩  
 হনুমানাবেশে প্রভু বৃক্ষশাখা লৈয়া ।  
 লঙ্কার গড়ে চটি ফেলে গড় ভাঙ্গিয়া ॥ ৩৪  
 ‘কাঁহাঁ রে রাবণা !’ প্রভু কহে ক্রোধাবেশে ।  
 ‘জগন্মাতা হরে পাপী, মারিমু সবংশে’ ॥ ৩৫  
 গোসাঞির আবেশ দেখি লোক চমৎকার ।  
 সর্বলোক ‘জয়জয়’ বোলে বারবার ॥ ৩৬  
 এইমত রাসযাত্রা আর দীপাবলী ।  
 উত্থানদ্বাদশীযাত্রা দেখিল সকলি ॥ ৩৭  
 একদিন মহাপ্রভু নিত্যানন্দ লৈয়া ।  
 দুইভাই যুক্তি কৈল নিভূতে বসিয়া ॥ ৩৮  
 কিবা যুক্তি কৈল দৌহে, কেহো নাহি জানে ।

ফলে অনুমান পাছে কৈল ভক্তগণে ॥ ৩৯  
 তবে মহাপ্রভু সবভক্তে বোলাইল ।  
 ‘গৌড়দেশে যাহ সভে’ বিদায় করিল ॥ ৪০  
 সভারে কহিল প্রভু—প্রত্যক্ষ আসিয়া ।  
 গুণ্ডিচা দেখিয়া যাবে আমারে মিলিয়া ॥ ৪১  
 আচার্য্যেরে আজ্ঞা দিলা করিয়া সম্মান—  
 আচণ্ডালাদি করিহ কৃষ্ণভক্তি দান ॥ ৪২  
 নিত্যানন্দে আজ্ঞা দিল—যাহ গৌড়দেশে ।  
 অনর্গল প্রেমভক্তি করিহ প্রকাশে ॥ ৪৩  
 রামদাস-গদাধর আদি কথোজনে ।  
 তোমার মহায় লাগি দিল তোমা সনে ॥ ৪৪  
 মধ্যে মধ্যে আমি তোমার নিকটে যাইব ।  
 অলক্ষিতে রহি তোমার নৃত্য দেখিব ॥ ৪৫

গৌর-কৃপা-তরঙ্গিণী টীকা ।

৩৩-৩৪ । বানরসৈন্য হয়—শ্রীরামের পক্ষীয় বানরসৈন্য সাজিলেন । হনুমানাবেশে—হনুমানের ভাবের আবেশে ; প্রভু নিজেকে হনুমান মনে করিয়াছিলেন । গড়ে—প্রাচীরে । জগন্মাতা—সীতাদেবীকে । হরে—হরণ করে । স্বমাধুর্য্য আশ্বাদনের নিমিত্তই শ্রীশ্রীগৌরসুন্দররূপে শ্রীকৃষ্ণচন্দ্রের আবির্ভাব । অখিল-রসানুভব-বারিধি শ্রীকৃষ্ণচন্দ্রের সকল রস-বৈচিত্রীর আশ্বাদনেই স্বমাধুর্য্য আশ্বাদনেরও পূর্ণতা । শ্রীরাম-নৃসিংহাদি ভগবৎ-স্বরূপ হইলেন তাঁহার বিভিন্ন রসবৈচিত্রীর মূর্তরূপ । দাক্ষিণাত্য-ভ্রমণে বিভিন্ন ভগবদ্ভক্তির বিভিন্ন ভগবৎ-স্বরূপের বিগ্রহদর্শনে তত্তৎ-স্বরূপে অভিব্যক্ত তত্তৎ-রসবৈচিত্রীর আশ্বাদনের আনন্দেই প্রভু নৃত্যকীর্তনাদি করিয়াছেন । শ্রীহনুমানের ভাবেই শ্রীরামচন্দ্রে অভিব্যক্ত রসবৈচিত্রীর সম্যক আশ্বাদন সম্ভব । প্রভুও তাই শ্রীহনুমানের ভাবে আবিষ্ট হইয়া লঙ্কাবিজয়ের দিনে শ্রীরামচন্দ্রের মাধুর্য্য বৈচিত্রী আশ্বাদন করিয়াছেন ।

৩৭ । দীপাবলী—কার্তিকমাসের অমাবস্তায় দীপাবলিতা-পার্বণ ।

৩৯ । ফলে—ফল দেখিয়া ; উভয়ের গোপন-পরামর্শের ফল দেখিয়া । পরবর্তী পয়ার সমূহের মর্ম্ম হইতে বুঝা যায়, গৌড়দেশে কি ভাবে ভক্তিধর্ম্ম প্রচার করিতে হইবে, তৎসম্বন্ধেই উভয়ে গোপনে বসিয়া পরামর্শ করিয়াছিলেন ।

৪১ । প্রত্যক্ষ—প্রতি বৎসরে । গুণ্ডিচা—রথযাত্রা । আমারে মিলিয়া—আমার সহিত সাক্ষাৎ করিয়া ।

৪২ । আচার্য্যেরে—শ্রীঅষ্টৈত-আচার্য্যকে । আচণ্ডালাদি—জাতি-বর্ণ বিচার না করিয়া সকলকেই ; চণ্ডাল হইতে ব্রাহ্মণ পর্য্যন্ত সকলকেই ।

৪৩ । অনর্গল—বিষম্ভূত ; অবিচারে । অনর্গল প্রেমভক্তি—অধিকারী, অনধিকারী, জাতিবর্ণ, উচ্চ নীচ ইত্যাদি বিচার না করিয়া সর্বত্র প্রেমভক্তি প্রচার করিবে । “প্রেমভক্তি” স্থলে কোনও কোনও গ্রন্থে “কৃষ্ণভক্তি” পাঠ আছে । অর্গল নাই বাহাতে, তাহা অনর্গল । অর্গল-শব্দের অর্থ কপাটের হুড়কা ; যে কপাটে হুড়কা নাই, তাহাকে অনর্গল কপাট বলা যায় । কপাটে হুড়কা না থাকিলে যে কেহই ঘরে প্রবেশ করিতে পারে, কাহারও পক্ষেই কোনওরূপ বাধাবিঘ্ন বা নিষেধ থাকেনা । প্রভুর আদেশের তাৎপর্য্য এই যে—প্রেমভক্তির ভাণ্ডারের কপাট খুলিয়া দিবে, সকলেই যেন ঐ ভাণ্ডারে প্রবেশ করিতে পারে ; কাহারও জন্তও কোনরূপ বাধাবিঘ্ন যেন না থাকে ।

৪৫ । এস্থলে “আবির্ভাবে” যাওয়ার কথাই বলিতেছেন । লোক যে উপায়ে সাধারণতঃ একস্থান হইতে



শ্রীবাসপণ্ডিতে প্রভু করি আলিঙ্গন ।

কণ্ঠে ধরি কহে তাঁরে মধুর বচন—॥ ৪৬

তোমার গৃহে কীর্তনে আমি নিত্য নাচিব ।

তুমি দেখা পাবে, আর কেহো না দেখিব ॥ ৪৭

এই বস্ত্র মাতাকে দিহ এ সব প্রসাদ ।

দণ্ডবৎ করি আমার ক্ষমাইহ অপরাধ ॥ ৪৮

তাঁর সেবা ছাড়ি আমি করিয়াছি সন্ন্যাস ।

ধর্ম্য নহে, কৈল আমি নিজধর্ম্য নাশ ॥ ৪৯

তাঁর প্রেমবশ আমি, তাঁর সেবা ধর্ম্য ।

তাহা ছাড়ি করিয়াছি বাতুলের কর্ম্ম ॥ ৫০

বাতুল-বালকের মাতা নাহি লয় দোষ ।

এত জানি মাতা মোরে মানিবে সন্তোষ ॥ ৫১

কি কার্য্য সন্ন্যাসে মোর প্রেম নিজধন ।

যেকালে সন্ন্যাস কৈল, ছন্ন হৈল মন ॥ ৫২

গৌর-কৃপা-তরঙ্গিণী টীকা ।

অত্যাচারে যার, সে সমস্ত সাধারণ উপায়ে না বাঁচিয়া হঠাৎ কোনও একস্থানে প্রকটিত হইয়া কাহারও কাহারও দৃষ্টির গোচরীভূত হওয়াকেই আবির্ভাব বলে। একমাত্র সর্বব্যাপক বিতুবন্ত ভগবানের পক্ষেই এইরূপ আবির্ভাব সম্ভব; তিনি সর্বদা সকল স্থানে তো বিচক্ষমান আছেনই—তবে কেহ তাঁহাকে দেখিতে পায় না; তিনি কৃপা করিয়া যখন ঐহাকে দেখা দেন, তখনই সে ব্যক্তি তাঁহাকে দেখিতে পান। এইরূপে যদি ভগবান্ কখনও কাহাকেও দর্শন দেন, তখনই বলা হয়, তাঁহার নিকটে ভগবানের আবির্ভাব হইয়াছে। যেখানে ভগবান্ আবির্ভাবে কাহাকেও দেখা দেন, সেই স্থানেও সকলে তাঁহাকে দেখিতে পায় না, ঐহাকে তিনি দেখা দিতে ইচ্ছা করেন, কেবল তিনিই দেখেন।  
**অলক্ষিতে**—অচ্ছো না দেখে এই ভাবে।

৪৮। এই বস্ত্র—শ্রীকৃষ্ণজন্ম-যাত্রার দিনে প্রভু যে জগন্নাথের প্রসাদী বস্ত্র পাইয়াছিলেন, তাহা। **অপরাধ**—প্রভু বলিতেছেন, “মাতার সেবা ছাড়িয়া আমি যে সন্ন্যাস করিয়াছি, তাতে তাঁহার চরণে আমার অপরাধ হইয়াছে; আমার এই অপরাধের জন্ত তাঁহার চরণে ক্ষমা প্রার্থনা করিও।”

৫০। **সেবা ধর্ম্ম**—মাতার সেবাই সন্তানের ধর্ম্ম। **বাতুল**—পাগল।

৫২। **কি কার্য্য সন্ন্যাসে মোর** ইত্যাদি—এই বাক্যটির দুইটি অর্থ হইতে পারে; একটা যথার্থ অর্থ—বহিরঙ্গ অর্থ; অপরটা গূঢ় বা অন্তরঙ্গ অর্থ। বহিরঙ্গ অর্থটি এই—“কি কার্য্য সন্ন্যাসে মোর”—সন্ন্যাসে আমার কি প্রয়োজন? অর্থাৎ কোনও প্রয়োজন নাই। যেহেতু আমার “প্রেম নিজধন”—প্রেমই আমার অতীষ্ট বস্তু। আমার অতীষ্ট বস্তু, আমার লক্ষ্য—শ্রীকৃষ্ণপ্রেমলাভ; সন্ন্যাসগ্রহণ ব্যতীতও এই প্রেম-প্রাপক ভজন হইতে পারে; স্মৃতরাং সন্ন্যাস-গ্রহণের আমার কোনও প্রয়োজনই ছিল না। সন্ন্যাস গ্রহণ করা আমার বরং অশ্রায়ই হইয়াছে; কারণ, সন্ন্যাস গ্রহণ করায়—প্রথমতঃ, আমি মাতৃসেবা হইতে বঞ্চিত হইয়াছি। দ্বিতীয়তঃ, মাতৃসেবাত্যাগের অপরাধ আমার ভজনের অন্তরায় হইয়াছে। তৃতীয়তঃ, সন্ন্যাসের কঠোরতায় চিত্ত কঠিন হইলে কোমলস্বভাবা ভক্তিদেবীর উপবেশনের অযোগ্য হওয়ার আশঙ্কা আছে। চতুর্থতঃ, সন্ন্যাস সাধারণতঃ মোক্ষকামীরাই সাধনপন্থা; মোক্ষকামী শ্রীকৃষ্ণসেবা হইতে বঞ্চিত। সন্ন্যাসের প্রভাবে মন মোক্ষানুসন্ধিৎসু হইলে শ্রীকৃষ্ণসেবা হইতে বঞ্চিত হওয়ার আশঙ্কা আছে। সন্ন্যাস গ্রহণ না করিয়া গৃহে থাকিয়া ভজন করিলে শ্রীকৃষ্ণপ্রেমলাভ আমার পক্ষে হয়ত সহজ হইত; কারণ, মাতৃসেবা-ত্যাগের অপরাধ আমার ভজনের অন্তরায় হইত না। মাতার চরণসেবা দ্বারা তাঁহার আশীর্ব্বাদ লাভ করিলে আমার ভজনের আশুকুল্যই হইত। এই অবস্থায় সন্ন্যাসগ্রহণ আমার পক্ষে বাতুলের কার্য্যই হইয়াছে।

গূঢ় বা অন্তরঙ্গ অর্থ এই—“কি কার্য্য সন্ন্যাসে মোর”—আমার নিজের কাজের জন্ত ( নিজ উদ্দেশ্য-সিদ্ধির জন্ত ) সন্ন্যাসের কি প্রয়োজন? অর্থাৎ কোনও প্রয়োজন নাই। যেহেতু আমার “প্রেম নিজধন—প্রেম আমার নিজ-সম্পত্তি।” নিজমাধুর্য্যাদি আনন্দনের নিমিত্ত শ্রীকৃষ্ণ শ্রীরাধার ভাবকান্তি অঙ্গীকার করিয়া গৌররূপে নবদ্বীপে অবতীর্ণ হইয়াছেন। ইহাই গৌর-অবতারের মুখ্য—অন্তরঙ্গ—কারণ। শ্রীকৃষ্ণের মাধুর্য্যাদি-আনন্দনই গৌরের নিজ

নীলাচলে আছৌ মুঞি তাঁহার আঙ্কিতে ।  
 মধ্যমধ্যে আসিমু তাঁর চরণ দেখিতে ॥ ৫৩  
 নিত্য যাই দেখি মুই তাঁহার চরণে ।  
 ক্ষুণ্ণজ্ঞানে তেঁহো তাহা সত্য নাহি মানে ॥ ৫৪  
 একদিন শাল্যগ্রাম ব্যঞ্জন পাঁচ-সাত ।  
 শাক মোচাঘন্ট ভূট পটোল নিম্বপাত ॥ ৫৫

লেবু আদাখণ্ড দধি দুধ খণ্ডসার ।  
 শালগ্রামে সমর্পিল বহু উপহার ॥ ৫৬  
 প্রসাদ লইয়া কোলে করেন ক্রন্দন ।  
 নিমাত্রের প্রিয় মোর এ সব ব্যঞ্জন ॥ ৫৭  
 নিমাত্র নাহিক ঘরে, কে করে ভোজন ? ।  
 মোর দ্ব্যনে অশ্রুজলে ভরিল নয়ন ॥ ৫৮

গৌর-কৃপা-তরঙ্গিণী টীকা ।

অন্তরঙ্গ বা গূঢ় উদ্দেশ্য । যে প্রেম দ্বারা শ্রীরাধা শ্রীকৃষ্ণের অসমোর্ক-মাধুর্য্য অসমোর্কভাবে আশ্বাদন করেন, সেই প্রেমব্যতীত শ্রীকৃষ্ণের মাধুর্য্য আশ্বাদন করা যায় না ; শ্রীকৃষ্ণ এজ্জন্মই শ্রীরাধার প্রেম নিজে অঙ্গীকার করিয়া গৌর হইয়াছেন ; ঐ প্রেম এখন গৌরের নিজ-সম্পত্তি । এই প্রেমের দ্বারা যে কোনও স্থানে যে কোনও অবস্থায় শ্রীশ্রীগৌর শ্রীকৃষ্ণমাধুর্য্য আশ্বাদন করিতে পারিতেন ; নবদ্বীপে গৃহস্থাত্মমে থাকিয়াই ইহা করিতে পারিতেন—সন্ন্যাস করিয়া নীলাচলে আসার প্রয়োজন ছিল না । তাই তিনি বলিয়াছেন—“কি কার্য্য সন্ন্যাসে মোর”—যেহেতু আমার “প্রেম নিজধন” । “শ্রীকৃষ্ণমাধুর্য্য-আশ্বাদনই আমার প্রয়োজন, আর প্রেমই সেই মাধুর্য্য-আশ্বাদনের উপায় ; সেই প্রেম ত আমার আছেই, উহা ত আমার নিজ-সম্পত্তিই ; সুতরাং ঐ প্রেম-লাভের জন্ত সন্ন্যাস গ্রহণ করার আমার কোনও দরকার ছিল না । নবদ্বীপ ছাড়িয়া নীলাচলে আসারও প্রয়োজন ছিল না ।” বাস্তবিক শ্রীশ্রীগৌরাজ নবদ্বীপে নিত্য-বিরাজমান ; শ্রীনবদ্বীপে থাকিয়া শ্রীরাধার ভাবে তিনি নিত্য শ্রীকৃষ্ণ-মাধুর্য্যাদি আশ্বাদন করিয়া তাঁহার গূঢ় উদ্দেশ্য সিদ্ধ করিতেছেন । তাঁহার অবতারের বহিরঙ্গ-কারণ—জীব-উদ্ধার ; এই জীব-উদ্ধারের জন্মই তাঁর সন্ন্যাসগ্রহণ, এইজন্মই তাঁহার নবদ্বীপ ছাড়িয়া প্রকটে নীলাচল গমন । আদিলীলার ৭ম পরিচ্ছেদ দ্রষ্টব্য ।

ছন্ন—ভালমন্দ জ্ঞানশূন্য ; পাগলের প্রায় । আমার মনের তখন স্বাভাবিক অবস্থা ছিল না বলিয়া, মন তখন হিতাহিত বিচারের ক্ষমতা হারাইয়াছিল বলিয়াই আমি সন্ন্যাস গ্রহণ করিয়াছি ( ইহা বাজ্যর্থ ) ।

গূঢ় অর্থ—ছন্ন—প্রচ্ছন্ন, আবিষ্ট ; জীব-উদ্ধারের ভাবে আবিষ্ট । যখন আমি সন্ন্যাস গ্রহণের ইচ্ছা করিয়াছিলাম, তখন জীব-উদ্ধারের ভাবেই আমি আবিষ্ট ছিলাম । কিসে কলির জীব সংসার-সমুদ্র হইতে পরিত্রাণ পাইবে, কিসে ভক্তিবহির্ন্থ পড়ুয়া তাকিকাদি ভক্তিবর্ষ গ্রহণ করিবে—ইহা ভাবিয়াই আমি ব্যাকুল হইয়াছিলাম ; মনে করিয়াছিলাম, সন্ন্যাস গ্রহণ করিলেই আমার অভীষ্ট কার্য্য সিদ্ধ হইবে, তাই আমি সন্ন্যাস গ্রহণ করিয়াছি ( ১১৭।২৫৪-৫৮ ) ।

৫৩ । আসিমু—নবদ্বীপে আসিব অর্থাৎ যাইব, ( অবশ্য আবির্ভাবে ) ।

৫৪ । নিত্য যাই ইত্যাদি—আবির্ভাবে যাই ( পূর্ববর্তী ৪৫ পয়ারের টীকা দ্রষ্টব্য ) । ক্ষুণ্ণজ্ঞানে ইত্যাদি—মাতাও আমাকে দেখেন, কিন্তু তাহা সত্য বলিয়া মানেন না, মনে করেন, তাঁহার চিন্তে আমার ক্ষুণ্ণ হইয়াছে—আমার সম্বন্ধে গাঢ় চিন্তার ফলে আলেয়ার মত যেন আমার রূপ ক্ষণেকের জন্ত দেখিতেছেন ।

৫৫ । প্রভু যে মাতার গৃহে গিয়া ভোজনাদি করেন, একদিনের কথা উল্লেখ করিয়া তাহার দৃষ্টান্ত দিতেছেন ।  
 ভূট পটোল—পটল ভাজা ।

৫৬ । শ্রীজগন্নাথমিশ্রের গৃহদেবতা নিত্যসেবিত শালগ্রামকে শ্রীশচীমাতা সমস্ত নিবেদন করিয়া দিলেন ।

৫৭-৮ । শালগ্রামের ভোগের পরে প্রসাদের প্রতি দৃষ্টি করিয়াই নিমাইয়ের কথা শচীমাতার মনে পড়িল । প্রিয়ব্যক্তি যাহা ভালবাসে, তাহার অল্পপস্থিতিতে সেই বস্তু দেখিলেই তাহার কথা মনে পড়ে । সেইদিন শচীমাতা যে যে জিনিস শালগ্রাম-রূপী বালগোপালের ভোগে দিয়াছিলেন, তৎসমস্তই তাঁহার প্রাণ-নিমাইয়ের খুব প্রিয় জিনিস, তাই সে সমস্ত জিনিস দেখিয়াই নিমাইয়ের কথা মায়ের মনে পড়িল ; অমনি তাঁহার চিত্ত হাহাকার করিয়া

শীঘ্র যাই মুঞি সব করিছু ভক্ষণ ।  
 শূণ্যপাত্র দেখে অশ্রু করিয়া মার্জ্জন ॥ ৫৯  
 কে অন্ন ব্যঞ্জন খাইল, শূণ্য কেনে পাত ? ।  
 হেন বুঝি বালগোপাল খাইল সব ভাত ॥ ৬০  
 কিবা মোর মনঃকথায় ভ্রম হৈয়া গেল ।  
 কিবা কোন জন্তু আসি সকল খাইল ॥ ৬১  
 কিবা আমি ভ্রমে পাতে অন্ন না বাটিল ।  
 এত চিন্তি পাকপাত্র যাইয়া দেখিল । ৬২  
 অন্নব্যঞ্জনপূর্ণ দেখি সকল ভাজন ।  
 দেখিয়া সংশয় কিছু চমৎকার মন ॥ ৬৩  
 ঈশানদ্বারায় পুন স্থান লেপাইল ।

পুনরপি গোপালেরে অন্ন সমর্পিল ॥ ৬৪  
 এইমত যবে করে উত্তম রক্ষন ।  
 মোরে খাওয়াইতে করে কৎকণা-ক্রন্দন ॥ ৬৫  
 তাঁর প্রেমে আনি মোরে করায় ভোজনে ।  
 অন্তরে মানয়ে সুখ, বাহ্যে নাহি মানে ॥ ৬৬  
 এই বিজয়াদশমীতে হৈল এই রীতি ।  
 তাঁহাকে পুছিয়া তাঁরে করাইহ প্রতীতি ॥ ৬৭  
 এতেক কহিতে প্রভু বিহ্বল হইলা ।  
 লোক বিদায় করিতে প্রভু ধৈর্য্য করিলা ॥ ৬৮  
 রাঘবপণ্ডিতে কহে বচন সরস— ।  
 তোমার শুদ্ধপ্রেমে আমি হই তোমার বশ ॥ ৬৯

গৌর-কৃপা-তরঙ্গিণী টীকা ।

উঠিল—“কে এসব অন্নব্যঞ্জন খাইবে ? থাকিত যদি নিমাই ঘরে, সে এসব দেখিয়া কত সুখী হইত, কত প্রীতির সহিত বাছা আমার এসব খাইত ।” এরূপ ভাবিয়া শচীমাতা কান্দিতেছেন, আর নিমাইয়ের চিন্তা করিতেছেন । অন্তর্যামী প্রভু তাহা জানিতে পারিয়া তাড়াতাড়ি শচীমাতার সাক্ষাতে আবিভূত হইয়া সমস্ত খাইয়া ফেলিলেন ; পাত্র শূণ্য হইয়া গেল । হঠাৎ শচীমাতার চিন্তাধারা ছুটিয়া গেল, শূণ্য পাত্র দেখিয়া ভাবিলেন—এ সব অন্নব্যঞ্জন কি হইল ? কে খাইল ? তবে কি বালগোপাল ( শালগ্রামরূপী ) সমস্ত খাইয়া ফেলিল ? না কি কোনও জন্তু আসিয়া খাইয়া গেল ? না কি ভুলে আমিই অন্নব্যঞ্জন পাতে লই নাই ?” ইহা ভাবিয়া, উঠিয়া গিয়া পাকপাত্র দেখিলেন ; দেখেন—যেমন পাক করিয়াছিলেন, পাকপাত্রে তেমনিই সব জিনিস রহিয়াছে—দেখিয়া তাঁহার মনে সংশয়ও হইল, বিশ্বয়ও হইল । যাহা হউক, ভৃত্য ঈশানদ্বারা পুনরায় ভোগের বায়গা লেপাইয়া পুনরায় ভোগ লাগাইলেন ।

৬১। মনঃকথায়—মনের চিন্তায় ।

৬৩। ভাজন—পাকপাত্র । সংশয়—সন্দেহ । যাহা পাক করিয়াছিলেন, তৎসমস্তই বালগোপালের ভোগে দিয়াছেন বলিয়া তাঁহার মনে পড়ে ; অথচ পাকপাত্রও অন্নব্যঞ্জনাদিতে পূর্ণ রহিয়াছে ; তবে কি পূর্বে তিনি ভোগ দেন নাই ? এরূপ সন্দেহ তাঁহার মনে উদিত হইল । আরও কতক্ষণ চিন্তার পরে পূর্বের সমস্ত কথা মনে করিয়া তিনি নিশ্চিত বুঝিতে পারিলেন যে, পূর্বে তিনি ভোগ দিয়াছেন । ভোগ বাড়ার পরে পাকপাত্র খালি ছিল ; অথচ এখন কিরূপে পাকপাত্র আবার অন্নব্যঞ্জনে পূর্ণ হইয়া গেল ? পূর্ব ভোগের প্রসাদই বা গেল কোথায় ? নিমাইকেও যেন ভোগ-ঘরে একটু একটু দেখিয়াছিলেন বলিয়া—নিমাই অন্নব্যঞ্জন খাইয়াছেন বলিয়া—একটু একটু মনে পড়ে ; কিন্তু তাহাই বা কিরূপে সম্ভব ? নিমাই তো নীলাচলে ! ইত্যাদি ভাবিয়া শচীমাতার তখন চমৎকার হৈল মন—মন বিস্মিত হইয়া গেল । অন্নব্যঞ্জন পূর্ণ ইত্যাদি—প্রভুর কৃপাতেই পাকপাত্রাদি আবার অন্নব্যঞ্জনপূর্ণ হইয়াছিল । ভগবানের ভোগে যাহা দেওয়া হয়, ভগবান তাহা গ্রহণ করেন, এবং তাঁহারই অচিন্ত্যশক্তিতে তত্তৎসবো আবার ভোগপাত্রাদি পূর্ণ হইয়া থাকে—এইরূপই ভক্তদের বিশ্বাস ।

৬৪। ঈশান—শচীমাতার গৃহের ভৃত্য ।

৬৫। উৎকণ্ঠা-ক্রন্দন—উৎকণ্ঠার সহিত ক্রন্দন ।

৬৭। এই বিজয়াদশমীতে—যে সময়ে প্রভু এই সকল কথা বলিতেছিলেন, তাহার অব্যবহিত পূর্ববর্তী বিজয়াদশমীর দিনই ৫৫-৬৪ গয়ারোক্ত ঘটনা ঘটিয়াছিল । তাঁহাকে পুছিয়া ইত্যাদি—প্রভু জীবানকে বলিলেন—



ইঁহার কৃষ্ণসেবার কথা শুন সর্বজন ।  
 পরমপবিত্র সেবা অতি সর্বোত্তম ॥ ৭০  
 আর দ্রব্য রহ, শুন নারিকেলের কথা ।  
 পাঁচগুণা করি নারিকেল বিকায় যথাতথা ॥ ৭১  
 বাড়ীতে কতশত বৃক্ষ, লক্ষলক্ষ ফল ।  
 তথাপি শুনে যথা মিষ্ট নারিকেল ॥ ৭২  
 একেক ফলের মূল্য দিয়া চারিচারি পণ ।  
 দশকোশ হৈতে আনায় করিয়া যতন ॥ ৭৩  
 প্রতিদিন পাঁচ-ছয় ফল ছোলাইয়া ।  
 সুশীতল করিতে রাখে জলে ডুবাইয়া ॥ ৭৪  
 ভোগের সময়ে পুন ছোলি শঙ্খ করি ।  
 কৃষ্ণে সমর্পণ করে মুখে ছিদ্র করি ॥ ৭৫  
 কৃষ্ণ সেই নারিকেল-জল পান করি ।  
 কভু শূন্য ফল রাখে কভু জল ভরি ॥ ৭৬  
 জলশূন্য ফল দেখি পণ্ডিত হরষিত ।  
 ফল ভাঙ্গি শস্য কৈল সৎপাত্র-পূরিত ॥ ৭৭  
 শস্য সমর্পিয়া করে বাহিরে ধেয়ান ।  
 শস্য খাঞা কৃষ্ণ করে শূন্য ভাজন ॥ ৭৮

কভু শস্য খাঞা পুন পাত্র ভরে শাঁসে ।  
 শ্রদ্ধা বাঢ়ে পণ্ডিতের প্রেমসিন্ধু ভাসে ॥ ৭৯  
 একদিন দশ ফল সংস্কার করিয়া ।  
 ভোগ লাগাইতে সেবক আইলা লইয়া ॥ ৮০  
 অবসর নাহি হয়, বিলম্ব হইল ।  
 ফলপাত্র-হাথে সেবক দ্বারেতে রহিল ॥ ৮১  
 দ্বারের উপর ভিত্তে তেঁহো হাথ দিল ।  
 সেই হাতে ফল ছুঁইল, পণ্ডিত দেখিল ॥ ৮২  
 পণ্ডিত কহে—দ্বারে লোক করে যাতায়াতে ।  
 তার পদধূলি উড়ি লাগে উপর ভিতে ॥ ৮৩  
 সেই ভিতে হাথ দিয়া ফল পরশিল ।  
 কৃষ্ণযোগ্য নহে ফল অপবিত্র হৈলা ॥ ৮৪  
 এত বলি ফল ফেলে প্রাচীর লঙ্ঘিয়া ।  
 ঐছে পবিত্র প্রেমসেবা জগৎ জিনিয়া ॥ ৮৫  
 তবে আর নারিকেল সংস্কার করাইল ।  
 পরমপবিত্র করি ভোগ লাগাইল ॥ ৮৬  
 এইমত কলা আত্র নারঙ্গ কাঁঠাল ।  
 যাহাঁ-যাহাঁ দূরগ্রামে শুনে আছে ভাল ॥ ৮৭

গৌর-কৃপা-তরঙ্গিণী টকা ।

“পণ্ডিত, তুমি নাকে জিজ্ঞাসা করিও, আমি যাহা বলিলাম, তাহা সত্য কিনা । আমি যে নিত্যই মায়ের কাছে গিয়া তাঁহার দেওয়া জিনিস খাই—এসকল কথা বলিয়া, তাহাতে তুমি তাঁহার বিশ্বাস জগাইও । তাহা হইলে মায়ের মনে কিছু সাস্থনা আসিবে ।” প্রতীতি—বিশ্বাস ।

৭০ । ইঁহার—রাঘব-পণ্ডিতের ।

৭১ । পাঁচগুণা ইত্যাদি—সর্বত্রই টাকায় পাঁচ গুণা নারিকেল পাওয়া যায় ।

৭৩ । একেক ফলের ইত্যাদি—চারি আনা দিয়া প্রত্যেকটা নারিকেল কিনিয়া । দশকোশ হৈতে—বহুদূর হইতেও । যেখানে ভাল জিনিস পাওয়া যায়, তাহা যতদূরেই হউক, কিম্বা তাহার যত মূল্যই হউক, শ্রীকৃষ্ণের ভোগের জন্য রাঘবপণ্ডিত তাহা আনিবেনই—শ্রীকৃষ্ণে এতই তাঁহার প্রীতি ।

৭৫ । শঙ্খ করি—ছুলিয়া শঙ্খের আকৃতি করিয়া । এস্থলে ডাব-নারিকেলের কথা বলা হইতেছে ।

৭৭ । শস্য—শাঁস ; নারিকেল । সৎপাত্র-পূরিত—উত্তম পাত্র নারিকেল পূর্ণ করিয়া ।

৮১ । অবসর নাহি—সেবাসম্বন্ধীয় অশ্রুকাঞ্জে ব্যাপৃত ছিলেন বলিয়া সেবকের হাত হইতে তাড়াতাড়ি নারিকেল লওয়ার অবকাশ ছিলনা, নারিকেল লইতে বিলম্ব হইল ।

৮১-২ । এদিকে সেবক এক হাতে নারিকেল রাখিয়া অপর হাত মন্দিরের উপরের দাওয়ায় একবার রাখিল ; সেই হাত তুলিয়া লইয়া সেই হাতেই আবার নারিকেল ধরিল—রাঘবপণ্ডিত মন্দিরের ভিতর হইতে তাহা দেখিলেন ।

৮৪ । কৃষ্ণযোগ্য—শ্রীকৃষ্ণের ভোগের যোগ্য ।

বহুমূল্য দিয়া আনে করিয়া যতন ।  
 পবিত্র সংস্কার করি করে নিবেদন ॥ ৮৮  
 এইমত ব্যঞ্জনের শাক মূল ফল ।  
 এইমতে চিড়া ছুড়ুম সন্দেশ সকল ॥ ৮৯  
 এইমতে পিঠা পানা ক্ষীর ওদন ।  
 •পরমপবিত্র আর করে সর্বোত্তম ॥ ৯০  
 কাসন্দী-আদি আচার অনেক প্রকার ।  
 গন্ধ বস্ত্র অলঙ্কার সব দ্রব্যসার ॥ ৯১  
 এইমত প্রেমে সেবা করে অনুপম ।  
 যাহা দেখি সর্বলোকের জুড়ায় নয়ন ॥ ৯২  
 এত বলি রাঘবেরে কৈল আলিঙ্গন ।  
 এইমত সম্মানিল সব ভক্তগণ ॥ ৯৩  
 শিবানন্দসেনে কহে করিয়া সম্মান—।

বাসুদেব দত্তের তুমি করিহ সমাধান ॥ ৯৪  
 পরম উদার ইহো যে-দিনে যে আইসে ।  
 সেই দিনে ব্যয় করে, নাহি রাখে শেষে ॥ ৯৫  
 গৃহস্থ হয়েন ইহো, চাহিয়ে সঞ্চয় ।  
 সঞ্চয় না কৈলে কুটুম্ব-ভরণ না হয় ॥ ৯৬  
 ইহার ঘরের আয়-ব্যয় সব তোমাস্থানে ।  
 সরথেল হএণা তুমি করিহ সমাধানে ॥ ৯৭  
 প্রতিবর্ষ আমার সব ভক্তগণে লএণা ।  
 গুণ্ডিচায় আসিবে সভায় পালন করিয়া ॥ ৯৮  
 কুলীনগ্রামীরে কহে সম্মান করিয়া—।  
 প্রত্যক আসিবে যাত্রায় পট্টডোরী লৈয়া ॥ ৯৯  
 গুণরাজখান কৈল ‘শ্রীকৃষ্ণবিজয়’ ।  
 তাহাঁ এক বাক্য তাঁর আছে প্রেমময়—॥ ১০০

গৌর-কৃপা-ভরঙ্গিনী টীকা ।

৯০। ক্ষীর ও ওদন—ক্ষীর ( দুগ্ধ ) ও ওদন ( অন্ন ) ।

৯৪। সমাধান—সাংসারিক কাজকর্ম সুচারু রূপে নির্বাহ ।

৯৫। পরম উদার—পরম দাতা ; যে যাহা চাহে, থাকিলে তখনই তাহা দিয়া ফেলেন । শেষে—অবশিষ্ট ।

৯৬। কুটুম্ব ভরণ—স্ত্রী-পুত্র-আত্মীয়-স্বজনাদির রক্ষণাবেক্ষণ । গৃহস্থাত্মনে থাকিয়া আত্মীয়-স্বজনের ভরণ-পোষণ করিতে না পারিলে, তাঁহাদের অবস্থা-প্রয়োজনীয় জিনিসের সংস্থান করিতে না পারিলে, ভজনে বিঘ্ন জন্মিবার আশঙ্কা আছে । এজতাই কিঞ্চিৎ সঞ্চয়ের প্রয়োজন । বিলাসিতার জন্ত, বা কেবল সঞ্চয়ের জন্তই, সঞ্চয় এই পন্থারের অভিপ্রেত নয় ।

৯৭। ইহার ঘরের ইত্যাদি—বাসুদেব-দত্তের যাহা কিছু আয় হয়, তোমার হাতেই তাহা রাখিবে ; তাঁহার জন্ত যাহা যাহা ব্যয় করিতে হয়, তোমার হাতে তোমার বিবেচনামতেই তাহা করিবে । সরথেল—সরকার ; কার্ধ্যনির্বাহক । সমাধানে—নির্বাহ ।

৯৮। পালন করিয়া—সকলের রক্ষণাবেক্ষণ করিয়া, সকলের পথের খরচাদি দিয়া ।

৯৯। প্রত্যক—প্রতিবৎসরে । যাত্রায়—রথযাত্রায় । পট্টডোরী—২।১৪।২৩৪ পয়্যার দ্রষ্টব্য ।

১০০। গুণরাজ-খান—ইহার নাম শ্রীমালাধর বসু ; “গুণরাজ-খান” ছিল তাঁহার কোনও এক গোড়েশ্বর-দত্ত উপাধি । ইহার এক পুত্রের নাম শ্রীলক্ষ্মীনাথ বসু—উপাধি সত্যরাজ খান । সত্যরাজ খানের পুত্র হইলেন শ্রীরামানন্দ বসু । এই দুইজনই গৌর-পার্ষদ ছিলেন ; ইহাদের নামই পরবর্তী ১০৩ পয়্যারে উল্লিখিত হইয়াছে । গুণরাজখান “শ্রীকৃষ্ণবিজয়”-নামক এক গ্রন্থ প্রণয়ন করিয়াছিলেন—বাঙ্গালা পয়্যারাদি ছন্দে । ইহা শ্রীমদ্ভাগবতের পঞ্চাশুবাদ, কিন্তু আক্ষরিক অনুবাদ নহে ; ইহাতে শ্রীমদ্ভাগবতের ১০ম এবং ১১শ স্কন্ধের আখ্যায়িকাংশের এবং ১১শ স্কন্ধের তাত্ত্বিক অংশের তাৎপর্য্যানুবাদ দৃষ্ট হয় । শ্রীকৃষ্ণবিজয়ই বোধ হয় বাঙ্গালা ভাষায় শ্রীমদ্ভাগবতের সর্বপ্রথম অনুবাদ । শ্রীকৃষ্ণবিজয়ের উক্তি হইতে জানা যায়, ১৩৯৫-শকে এই গ্রন্থের লেখা আরম্ভ হয় এবং ১৪০২-শকে শেষ হয় ; সুতরাং শ্রীমদ্ব্যাসপ্রভুর আবির্ভাবের পূর্বেই এই গ্রন্থের লেখা শেষ হইয়াছিল । তাঁহা—সেই শ্রীকৃষ্ণবিজয়-নামক গ্রন্থে । বাক্য প্রেমময়—শ্রীকৃষ্ণের প্রতি গুণরাজখানের হৃদয়ের প্রেম-প্রকাশক বাক্য ।

‘নন্দের নন্দন কৃষ্ণ মোর প্রাণনাথ’ ।  
 এইবাক্যে বিকাইনু তাঁর বংশের হাথ ॥ ১০১  
 তোমার কা কথা, তোমার গ্রামের কুকুর ।  
 সেহ মোর প্রিয়—অন্যজন রহু দূর ॥ ১০২  
 তবে রামানন্দ আর সত্যরাজখান ।  
 প্রভুর চরণে কিছু কৈল নিবেদন—॥ ১০৩  
 গৃহস্থ বিষয়ী আমি, কি মোর সাধনে ? ।  
 শ্রীমুখে আজ্ঞা কর প্রভু ! নিবেদি চরণে ॥ ১০৪  
 প্রভু কহে—কৃষ্ণসেবা বৈষ্ণবসেবন ।  
 নিরন্তর কর কৃষ্ণনাম সঙ্কীৰ্ত্তন ॥ ১০৫

সত্যরাজ কহে—বৈষ্ণব চিনিব কেমনে ? ।  
 কে ‘বৈষ্ণব’ কহ তার সামান্য লক্ষণে ॥ ১০৬  
 প্রভু কহে—যার মুখে শুনি একবার ।  
 কৃষ্ণনাম, পূজ্য সেই শ্রেষ্ঠ সভাকার ॥ ১০৭  
 এক কৃষ্ণনামে করে সর্বপাপক্ষয় ।  
 নববিধ ভক্তি পূর্ণ নাম হৈতে হয় ॥ ১০৮ .  
 দীক্ষাপুরশ্চর্য্যাবিধি অপেক্ষা না করে ।  
 জিহ্বাস্পর্শে আচণ্ডাল সভারে উদ্ধারে ॥ ১০৯  
 আনুঘঙ্গ ফলে করে সংসারের ক্ষয় ।  
 চিত্ত আকর্ষণ করে কৃষ্ণপ্রেমোদয় ॥ ১১০

গৌর-কৃপা-তরঙ্গিণী টীকা ।

১০১। নন্দের নন্দন কৃষ্ণ মোর প্রাণনাথ—ইহাই গুণরাজখানের প্রেমময়-বাক্য । এই বাক্যে তিনি নন্দনন্দনকে তাঁর “প্রাণনাথ” বলিয়াছেন ; প্রেমের গাঢ়তা না থাকিলে এরূপ উক্তি অসম্ভব । গুণরাজখানের গ্রন্থে এই বাক্যটী দেখিয়া, তাঁহার প্রেমের পরিচয় পাইয়া শ্রীমন্মহাপ্রভু তাঁহার বংশকে অঙ্গীকার করিয়াছিলেন ।

১০২। রামানন্দ-সত্যরাজ খানকে লক্ষ্য করিয়া একথা বলা হইয়াছে । গুণরাজখানের সহিত সম্বন্ধ আছে বলিয়া কুলীনগ্রামের পশুপক্ষীও প্রভুর প্রিয় । ভক্ত-পদরজ-পুত স্থানের এমনই মাহাত্ম্য ।

১০৫। প্রভু বলিলেন, (১) কৃষ্ণ সেবা, (২) বৈষ্ণবসেবা এবং (৩) নিরন্তর কৃষ্ণ-নামকীৰ্ত্তন—ইহাই গৃহস্থ-বিষয়ীর সাধন ।

১০৭। যাহার মুখে একবার কৃষ্ণনাম শুনা যায়, তিনিই বৈষ্ণব ; তিনিই পূজ্য, তিনি সকলের শ্রেষ্ঠ ।

১০৮-১০। একবার কৃষ্ণনাম করিলে কিরূপে বৈষ্ণব হয়, তাহা এই তিন প্যারে বলিতেছেন । (১) একবার কৃষ্ণনাম করিলে সমস্ত পাপ ক্ষয় হয় ; (২) নাম হইতে শ্রবণকীৰ্ত্তনাদি নববিধা ভক্তি পূর্ণ হয় ; (৩) নাম জিহ্বায় স্পর্শ হওয়া মাত্র আচণ্ডাল সমস্ত প্রাণিকে উদ্ধার করে । (৪) নামে চিত্ত-আকর্ষণ করিয়া কৃষ্ণপ্রেম জন্মায় । (৫) নামে দীক্ষা বা পুরশ্চর্য্যাবিধির অপেক্ষা নাই এবং (৬) উক্ত ফল-সমূহ লাভের সঙ্গে সঙ্গে বিনা চেষ্টায় আনুঘঙ্গিক ভাবে সংসারের ক্ষয় হয় ।

দীক্ষা-পুরশ্চর্য্যাবিধি অপেক্ষা না করে—শ্রীকৃষ্ণনাম স্বীয় ফল প্রদান করিতে দীক্ষা বা পুরশ্চর্য্যার অপেক্ষা করে না । দীক্ষা—উপদেশ । পুরশ্চর্য্য—পুরশ্চরণ ; শ্রীগুরুর নিকটে প্রাপ্ত মন্ত্রের সিদ্ধির নিমিত্ত পঞ্চাঙ্গ-উপাসনারূপ যে অহুষ্ঠান, তাহাকে পুরশ্চরণ বলে । প্রত্যহ ত্রিকালীন অর্চনা, প্রত্যহ জপ, প্রত্যহ তর্পণ, প্রত্যহ ব্রাহ্মণভোজন, এই পঞ্চাঙ্গই পুরশ্চরণ বলিয়া কীর্তিত । “পঞ্চাঙ্গোপাসনং ভক্তৈঃ পুরশ্চরণমুচ্যতে । \* \* \* পূজা ত্রৈকালিকী নিত্যং জপতর্পণমেব চ । হোমো ব্রাহ্মণভুক্তিচ্চ পুরশ্চরণমুচ্যতে ।”—শ্রীহরিতত্ত্ববিলাস । ১৭।৭-২ ।

গুরুর নিকট হইতে যথাবিধি মন্ত্রোপদেশ গ্রহণ করিতে হয়, ইহাই দীক্ষা । দীক্ষা ব্যতীত কোনও মন্ত্রই ফলদায়ক হয় না ; কিন্তু শ্রীকৃষ্ণনাম দীক্ষাব্যতীতও ফল প্রদান করে । যদি কেহ কাহারও নিকট উপদেশ গ্রহণ না করিয়া নিজেই কৃষ্ণনাম জপ করিতে থাকেন, তাহা হইলেও তিনি নামের ফল পাইবেন । পরবর্ত্তী শ্লোকের শেষে আলোচনা দ্রষ্টব্য । পুরশ্চর্য্যাসম্বন্ধেও এই কথা ; সাধারণতঃ পুরশ্চরণব্যতীত মন্ত্র ফলপ্রদ হয় না ; কিন্তু শ্রীকৃষ্ণনাম পুরশ্চরণব্যতীতও ফলদান করিয়া থাকে । জিহ্বাস্পর্শে—সম্পূর্ণ নাম উচ্চারণ না করিলেও—শ্রীকৃষ্ণনাম জিহ্বাকে স্পর্শমাত্র করিলেও চণ্ডালপর্য্যন্ত সমস্ত জীবকে উদ্ধার করে । আনুঘঙ্গফল করে ইত্যাদি—সংসারক্ষয় শ্রীকৃষ্ণনামের

তথাহি পঠাবল্যাম্ ( ২৯ )—

আকৃষ্টিঃ কৃতচেতসাং স্তমহতানুচ্চাটনং চাংহসা-  
মাচাণ্ডালমমুকলোকস্থলভো বশ্যশ্চ মুক্তিপ্রিয়ঃ ।

নো দীক্ষাং ন চ সংক্রিয়াং ন চ পুরশ্চর্যাং

মনাগীকৃতে

মন্ত্রোহয়ংরসনাস্পৃগেব ফলতি শ্রীকৃষ্ণনামাত্মকঃ ॥ ২

শ্লোকের সংস্কৃত টীকা ।

আকৃষ্টিঃ ইতি । অয়ং শ্রীকৃষ্ণনামাত্মকঃ মন্ত্রঃ রসনাস্পৃগেব জিহ্বাস্পর্শমাত্রেন ফলতি ফলবান্ ভবতীত্যর্থঃ । দীক্ষামুপদেশং মনাক্ অন্নমপি ন দীক্ষতে নাপেক্ষতে ইত্যর্থঃ । সংক্রিয়াং সংকর্ম্ম নেক্ষতে পুরশ্চর্যাং মন্ত্রসিদ্ধার্থং ক্রিয়াবিশেষং নেক্ষতে । কথ্যদ্রুতঃ মন্ত্রঃ কৃতচেতসাং পুণ্যাশ্রনাং তথা স্তমহতসাং সাধুনাং আকৃষ্টিঃ প্রেক্ষাকম্পাদিকং করোতীত্যর্থঃ । অংহসাং পাপানাং উচ্চাটনং দূরীকরণশীলঃ আচাণ্ডালং তৎপর্যন্তং অমুকলোকানাং ক্ষুদ্রলোকানাং স্থলভঃ স্তম্ভ লভনীয়ঃ মুক্তিলক্ষ্যাঃ বশ্যঃ বশয়িতা মুক্তিপ্রিয় ইতি কর্ম্মণি বশী । শ্লোকমালা । ২

গৌর-কৃপা-তরঙ্গিণী টীকা ।

মুখ্যফল নহে ; নানোচ্চারণের মুখ্যফল শ্রীকৃষ্ণপ্রেম ; এই প্রেম লাভের সঙ্গে সঙ্গে বিনা চেষ্টায় এবং বিনা আকাঙ্ক্ষায় আপনা-আপনিই সংসার-বন্ধন ক্ষয় হইয়া যায় ; আলোকের আগমনে যেমন অন্ধকার আপনা-আপনিই দূরীভূত হইয়া যায়—তদ্রূপ । চিত্ত-আকর্ষণ ইত্যাদি—শ্রীকৃষ্ণনাম নাম-গ্রহণকারীর চিত্তকে শ্রীকৃষ্ণের দিকে আকর্ষণ করিয়া তাঁহার চিত্তে কৃষ্ণপ্রেমের উদয় করে । “এক কৃষ্ণনাম করে সর্বপাপ নাশ । প্রেমের কারণ ভক্তি করেন প্রকাশ ॥ প্রেমের উদয়ে হয় প্রেমের বিকার । স্বৈদ-কম্প-পুলকাদি গদগদাশ্রধার ॥ অনায়াসে ভবক্ষয়, কৃষ্ণের সেবন । এক কৃষ্ণনামের ফলে পাই এত ধন ॥ ১।৮।২২-২৪ ॥”

১০৮-১০ পরারোত্তির প্রমাণরূপে নিম্নে পঠাবলীর একটা শ্লোক উদ্ধৃত হইয়াছে ।

শ্লো। ২ । অয়ম্ । কৃতচেতসাং ( পুণ্যাশ্রাদিগের ) আকৃষ্টিঃ ( আকর্ষণকারী ), স্তমহতাং ( অতি মহৎ ) অংহসাং ( পাপ সমূহের ) উচ্চাটনং ( দূরীকরণশীল ), আচাণ্ডালম্ অমুকলোকানাং ( চণ্ডাল পর্যন্ত ক্ষুদ্রলোক সকলের—অথবা বাক্শক্তিসম্পন্ন জীবসকলের ) স্থলভঃ ( স্থলভ—সহজপ্রাপ্য ) চ ( এবং ) মুক্তিপ্রিয়ঃ ( মুক্তিসম্পত্তির ) বশ্যঃ ( বশীকারকঃ ) অয়ং ( এই ) শ্রীকৃষ্ণনামাত্মকঃ ( শ্রীকৃষ্ণনামাত্মক ) মন্ত্রঃ ( মন্ত্র ) নো দীক্ষাং ( না দীক্ষাকে ) ন চ সংক্রিয়াং ( না সংক্রিয়াকে বা সদাচারকে ) ন চ পুরশ্চর্যাং ( না পুরশ্চর্যাকে ) মনাক্ ( অন্নমাত্রও ) দীক্ষতে ( অপেক্ষা করে ), [ সং মন্ত্রঃ ] ( সেই মন্ত্র ) রসনাস্পৃক্ এব ( রসনাস্পর্শমাত্রেই ) ফলতি ( ফলিত হয়—ফল প্রদান করে ) ।

অনুবাদ । এই শ্রীকৃষ্ণনামাত্মক মন্ত্র ( অর্থাৎ শ্রীকৃষ্ণনাম ) কোনওরূপ দীক্ষার অপেক্ষা করে না, সদাচারের অপেক্ষা করে না, কিম্বা পুরশ্চরণের অপেক্ষাও করে না ; কেবলমাত্র জিহ্বাস্পর্শমাত্রেই ইহা ফল প্রদান করিয়া থাকে । এই শ্রীকৃষ্ণনাম স্বভাবতঃই পুণ্যাশ্রা লোকদিগের চিত্তকে আকর্ষণ করিয়া থাকে এবং অতি মহৎপাপ সমূহকে দূরীকৃত করিয়া থাকে ; ইহা চণ্ডাল পর্যন্ত সমস্ত ক্ষুদ্রলোকদিগের ( কিম্বা বাক্শক্তিসম্পন্ন জীবসমূহের ) পক্ষেও স্থলভ এবং ইহা মোক্ষসম্পত্তিরও বশীকারক বা প্রাপক । ২

কৃতচেতসাং—পুণ্যাশ্রালোকদিগের, মহৎ লোকদিগের । আকৃষ্টিঃ—আকর্ষণ । শ্রীকৃষ্ণনাম পুণ্যাশ্রা মহৎ-লোকদিগের পক্ষে আকর্ষণতুল্য ; শ্রীকৃষ্ণনাম তাদৃশ লোকদিগের চিত্তকে আকর্ষণ করে—নিজের দিকে ( অর্থাৎ নামের দিকে ) এবং শ্রীকৃষ্ণের দিকে । তাদৃশ লোকগণ আপনা-আপনিই শ্রীনামকীর্তন করিতে প্রলুব্ধ হয় । ইহা শ্রীনামের স্বাভাবিক ধর্ম্ম । স্তমহতাং অংহসাং—অতিমহৎ পাপসমূহের উচ্চাটনং—উৎপাটনকারী ; শ্রীনামের অপূর্ব-শক্তিতে মহৎ-পাপও দূরীভূত হয় । “স্তোনঃস্বরাপো মিত্রধ্বজব্রহ্মহা গুরুতল্লগা । জীরাজপিভৃগোহস্তা যে চ পাতকিনোহপরে ॥ সর্বৈবামপ্যবতামিদমেব স্তনিকৃতম্ । নামব্যবহরণং বিষ্ণো র্থতন্তুবিষয়া মতিঃ ॥ শ্রীঃ ভাঃ ৬।২৯-১০ ॥ স্বর্ণস্তেয়ী, মণ্ডপায়ী, মিত্রদ্রোহী, ব্রহ্মণ, গুরুপত্নীগামী, জীহত্যাকারী, রাজহত্যাকারী, পিতৃহত্যাকারী, গোহত্যাকারী এবং অগ্ন্যা যে সকল মহাপাতকী নর আছে, তাহাদের সকল পাপেরই শ্রেষ্ঠ প্রায়শ্চিত্ত এই নারায়ণ-নাম ; যেহেতু,

গৌর-কৃপা-তরঙ্গিণী টীকা ।

নারায়ণ-নাম উচ্চারণ করিবামাত্রই উচ্চারণকারীর সম্বন্ধে শ্রীনারায়ণ মনে করেন—এই নামোচ্চারণকারী ব্যক্তি আমার লোক, ইহাকে সর্বতোভাবে রক্ষা করা আমার কর্তব্য ।” জ্ঞানতঃই হউক, কি অজ্ঞানতঃই হউক, যে কোনও প্রকারে উত্তমশ্লোক ভগবানের নাম উচ্চারণ করিলেই—অগ্নি যেমন কাষ্ঠরাশিকে দগ্ধ করে, তদ্রূপ, সেই নাম সমস্ত পাপকে ভস্মসাৎ করিয়া ফেলে । “অজ্ঞানাদপবা জ্ঞানাত্তত্তমশ্লোক নাম যৎ । সঙ্কীৰ্ত্তিতমঘং পুংসো দহেদেধো যথানলঃ ॥ শ্রীঃ ভাঃ ৬।২।১৮ ॥” **অমুকলোকানাং**—অমুক ( যাহারা মুক—বোবা—বাক্শক্তিহীন নহে ) তাহাদের ; বাক্শক্তি আছে যাহাদের স্মরণে যাহারা নাম উচ্চারণ করিতে পারে, তাহাদের পক্ষে ( অথবা ক্ষুদ্রলোকদিগের পক্ষে ) এই নাম অত্যন্ত **মূলভঃ**—মূলভ, সহজ । অতীত ভজনাঙ্গের অধিকার বা যোগ্যতা সকলের না থাকিতে পারে ; কিন্তু নামগ্রহণে কাহারও বাধা নাই, কোনও অসুবিধা নাই—কেবল বাক্শক্তি থাকিলেই যে কেহ শ্রীকৃষ্ণনাম উচ্চারণ করিতে—গ্রহণ করিতে—পারে । **মুক্তিশ্রিয়ঃ**—মুক্তি ( মোক্ষ ) রূপ শ্রী ( সম্পত্তি ) মুক্তিশ্রী ; তাহার **বশ্যঃ**—বশীকারক, প্রাপক । মোক্ষ-কামীরা এই শ্রীকৃষ্ণনাম গ্রহণ করিলেই মোক্ষলাভ করিতে পারে—নামের কৃপায় । শ্রীকৃষ্ণনাম-গ্রহণের প্রধান সুবিধা এই যে—ইহা দীক্ষার অপেক্ষা রাখে না, সদাচারের অপেক্ষা রাখে না, পুরুষের অপেক্ষাও রাখে না । যে কোনও লোক, যে কোনও অবস্থায়, যে কোনও ভাবে নাম গ্রহণ করিলেই নামের ফল পাইতে পারে । কিন্তু শ্রীকৃষ্ণমন্ত্রাদিতে দীক্ষার অপেক্ষা আছে ।

নামের এইরূপ অসাধারণ-মহিমার হেতু এই যে—নাম চিদানন্দময় ; নাম ও নামীতে কোনওরূপ ভেদ নাই ; পরম-স্বতন্ত্র ভগবানের সহিত অভিন্ন বলিয়া নামও ভগবানের স্থায় পরম-স্বতন্ত্র, স্বপ্রকাশ ; তাই ফল-প্রকাশ-বিষয়ে নাম অতীত কিছুই অপেক্ষা রাখে না—নাম-গ্রহণকারীর চিন্তার অবস্থা, মনের লক্ষ্য, ইত্যাদি কোনও কিছুই অপেক্ষা রাখে না ; কোনও বিধি-নিষেধের, দেশ-কাল-পাত্রাদিরও অপেক্ষাও রাখে না । “নো দেশ-কালাবস্থাশ্চ গুণ্যাদিকমপেক্ষতে । কিন্তু স্বতন্ত্রমৈবৈতন্নাম কামিত-কামদম্ ॥ হ, ভ, বি, ১।২।০৪ ॥” নামই কৃপা করিয়া নাম-গ্রহণকারীর অসদাচারাদি দূর করিয়া তাহাকে পরম-পবিত্র করিয়া লইবেন ; যেহেতু, নাম নিজেই পবিত্রকর । “চক্রায়ুধস্ত নামানি সদা সৰ্বত্র কীৰ্ত্তয়েৎ । নারোচং কীৰ্ত্তনে তস্ত স পবিত্রকরো যতঃ ॥ হ, ভ, বি, ১।২।০৩ ॥” ১।১৭।১৯-২০ পয়ারের টীকা দ্রষ্টব্য ।

এক্ষণে প্রশ্ন হইতে পারে—শ্রীকৃষ্ণমন্ত্রাদিতেই বা দীক্ষার অপেক্ষা কেন ? শ্রীজীবগোস্বামী ভক্তিসন্দর্ভে এই প্রশ্ন তুলিয়া আলোচনা করিয়াছেন । “নম্র ভগবান্নামাত্মকা এব মন্ত্রাঃ । তত্র বিশেষেণ নমঃশব্দাৎলঙ্কতাঃ শ্রীভগবতা শ্রীমদ্ব্যধিভিচ্চাহিত-শক্তিবিশেষাঃ শ্রীভগবতা সমনাস্বসম্বন্ধবিশেষপ্রতিপাদকাস্চ । তত্র কেবলানি শ্রীভগবান্নামাত্মপি নিরপেক্ষাণ্যেব পরমপুরুষার্থপর্যাপ্তদানসমর্থানি । ততো মন্ত্রেষু নামতোইপ্যধিকসামর্থ্যে লব্ধে কথং দীক্ষাঅপেক্ষা ?—মন্ত্রও ভগবানের নামাত্মকই ; মন্ত্রের মধ্যে বিশেষত্ব এই যে,—মন্ত্র নমঃশব্দাদি দ্বারা অলঙ্কৃত, মন্ত্রে শ্রীভগবান্ এবং ঋষিগণ একটা বিশেষ শক্তি সঞ্চারিত করিয়া দিয়াছেন এবং মন্ত্র শ্রীভগবানের সহিত সাধকের নিজের একটা সম্বন্ধপ্রতিপাদক । ( এসমস্ত বিশেষত্ব হইতে বুঝা যায়, নাম অপেক্ষা মন্ত্রের সামর্থ্য বেশী ) । এক্ষণে, ভগবানের কেবল ( পূৰ্বোক্ত বিশেষত্বাদিহীন কেবল ) নামই যখন ( দীক্ষাদির ) কোনও অপেক্ষা না রাখিয়া পরমপুরুষার্থ পর্যাপ্ত ফল দান করিতে সমর্থ, তখন নাম-অপেক্ষা অধিক শক্তিবিশিষ্ট মন্ত্রেরই বা দীক্ষার অপেক্ষা থাকিবে কেন ?”

এই প্রশ্নের উত্তরে শ্রীজীব বলিতেছেন—“যতপি স্বরূপতো নাস্তি, তথাপি প্রায়ঃ স্বভাবতো দেহাদিসম্বন্ধেন কদর্যশীলানাং বিক্ষিপ্তচিত্তানাং জনানাং তত্তৎ-সঙ্কোচীকরণায় শ্রীমদ্ ঋষিপ্রভৃতিভিরত্মার্ত্তনমার্গে কচিৎ কচিৎ কাচিৎ কাচিৎস্বার্থাদা স্থাপিতাস্তি । ততস্তদ্ব্যবস্থানে শাস্ত্রং প্রায়শ্চিত্তমুদ্ভাবয়তি । তত উভয়মপি নাসামঞ্জসমিতি । তত্র তত্তদপেক্ষা নাস্তি । যথা শ্রীরামচন্দ্রমুদিত্য রামার্ত্তনচন্দ্রিকায়াং—বৈষ্ণবেষপি মন্ত্রেষু রামমন্ত্রাঃ ফলাধিকাঃ । গাণপত্যাদিমন্ত্রেভ্যঃ কোটিকোটিশুনাধিকাঃ ॥ বিনৈব দীক্ষাং বিপ্রৈস্তে পুরুষাণ্যং বিনৈব হি । বিনৈব স্ত্যাসবিধিনা



গৌর-কৃপা-তরঙ্গিনী টীকা ।

জপমাত্রাণে সিদ্ধিদা ইতি ॥—( শ্রীকৃষ্ণ-নামের ছায় শ্রীকৃষ্ণ-মন্ত্রাদির পক্ষে দীক্ষার অপেক্ষা ) যদিও স্বরূপতঃ নাই, তথাপি স্বভাবতঃ দেহাদিসম্বন্ধবশতঃ কদর্য্য-চরিত্র বিক্ষিপ্তচিত্ত জনসমূহের বিক্ষিপ্ত চিত্তকে সঙ্কুচিত করিবার উদ্দেশ্যে ঋষিগণ অর্চনামার্গে কখনও কখনও কোনও কোনও মর্য্যাদাকে স্থাপিত করিয়াছেন ( অর্থাৎ বিধি-নিষেধ পালনের ব্যবস্থা দিয়াছেন ) । সে সমস্ত মর্য্যাদার ( বিধিনিষেধের ) লক্ষ্যনে শাস্ত্র আবার প্রায়শ্চিত্তের ব্যবস্থাও দিয়াছেন । এতদুভয়ের ( বিধিনিষেধের অপেক্ষার এবং অপেক্ষাহীনতার ) অসামঞ্জস্য নাই । যেস্থলে বিধিনিষেধের বা মর্য্যাদার কোনও অপেক্ষা নাই, তাহার উদাহরণও আছে ; রামার্চনচক্রিকায় শ্রীরামচন্দ্রকে লক্ষ্য করিয়া বলা হইয়াছে—“বৈষ্ণবমন্ত্রসমূহের মধ্যে রামমন্ত্রের ফলই অধিক ; গাণপত্যাদি মন্ত্র হইতে রামমন্ত্র কোটি কোটি গুণ অধিক । হে বিপ্রেজ্ঞ ! এই রামমন্ত্র দীক্ষা ব্যতীত, পুরুষাচর্য্য ব্যতীত এবং ছাসবিধি ব্যতীতও জপমাত্রাণেই সিদ্ধি দান করিয়া থাকে ।”

ইহার পরে মন্ত্রদেব-প্রকাশিকা, তন্ত্র, সনৎকুমার-সংহিতাদি হইতে প্রমাণ উদ্ধৃত করিয়া শ্রীজীব দেখাইয়াছেন যে—সৌরমন্ত্র, নারসিংহাদি বৈষ্ণবমন্ত্র, বরাহমন্ত্র, গোপালমন্ত্রাদি সম্বন্ধে সাধ্যসিদ্ধাদি বিচারেরও অপেক্ষা নাই । এবং শ্রীগোপালমন্ত্র যে সকল বর্ণ, সকল আশ্রম এবং জীলোকেরও অতীষ্ট ফল দান করে, তৎসম্বন্ধেও ( অর্থাৎ বর্ণাশ্রম-জী-পুরুষাদির অপেক্ষাহীনতা সম্বন্ধেও ) শ্রীজীব প্রমাণ উদ্ধৃত করিয়াছেন ।

এইরূপে মর্য্যাদার অপেক্ষাহীনতা দেখাইয়া—ব্রহ্মযামল, শ্রীমদ্ভাগবত এবং পদ্মপুরাণের প্রমাণ উদ্ধৃত করিয়া মর্য্যাদার অপেক্ষাও দেখাইয়াছেন । এই উভয়বিধ মতের কোনওরূপ সমাধান শ্রীজীব করেন নাই ; সমাধান আছে কিনা, তাহাও বলা যায় না ; মতভেদের প্রমাণ মাত্র পাওয়া যায় । তবে শ্রীজীব বলিয়াছেন—উভয়মপি নাসামঞ্জ-সমিতি—এই মতভেদে অসামঞ্জস্য নাই । এইরূপ বলার হেতু বোধ হয় এই যে—দীক্ষাদির অপেক্ষা বাঁহারা স্বীকার করেন না, তাঁহারাও একথা বলেন না যে—দীক্ষাদি গ্রহণ করিলে ক্ষতি হইবে । তাঁহারা বলেন—দীক্ষাদির প্রয়োজন নাই, তবে দীক্ষা গ্রহণাদিতে আপত্তিও তাঁহাদের নাই । কিন্তু বাঁহারা দীক্ষাদি-মর্য্যাদার অপেক্ষা রাখেন, তাঁহারা বলেন—দীক্ষাদির বিধির অপালনে অনিষ্টের আশঙ্কা আছে । উভয়মতের আলোচনা করিয়া দেখা যাইতেছে—দীক্ষাদি-মর্য্যাদার পালনে মঙ্গলের সম্ভাবনা আছে, কিন্তু অমঙ্গলের আশঙ্কা কিছু নাই ; ইহা বিবেচনা করিয়াই বোধ হয় শ্রীজীব বলিয়াছেন—উভয় মতে কোনও অসামঞ্জস্য নাই ।

যাহা হউক, পূর্ব্বোল্লিখিত আলোচনা হইতে ইহা বুঝা গেল—কেবলমাত্র অর্চন-প্রসঙ্গেই দীক্ষার প্রসঙ্গ উঠিয়াছে । শ্রীশ্রীহরিভক্তিবিলাসের দীক্ষাপ্রকরণেও অদীক্ষিতব্যক্তির মন্ত্রদেবতার্চনে অধিকার জন্মে না বলিয়াই দীক্ষার আবশ্যকতার কথা বলা হইয়াছে । “দ্বিজানামমুপেতানাং স্বকর্মাধ্যয়নাদিষু । যথাধিকারো নাস্তীহ শ্রাচ্যোপনয়নাদিষু ॥ তথাত্রাদীক্ষিতানাং মন্ত্রদেবার্চনাদিষু । নাধিকারোহস্ত্যতঃ কুর্যাদাত্মানং শিবসংস্তুতম্ ॥—শ্রীহরিভক্তিবিলাস । ২।৩ ॥” ভক্তিসন্দর্ভে শ্রীজীবগোস্বামীও অর্চনপ্রকরণে এই শ্লোকটী উদ্ধৃত করিয়াছেন এবং তিনি ইহাও বলিয়াছেন যে—“অগ্নির্অর্চনমার্গেহবশ্যং বিধিরপেক্ষণীয়ঃ । ততঃ পূর্ব্বং দীক্ষা কর্তব্য৷ ।—অর্চনমার্গে অবশ্যই বিধির অপেক্ষা রাখিতে হইবে । অর্চনারন্তরে পূর্ব্ব দীক্ষা গ্রহণ করিতে হইবে ।” ইহা হইতেও বুঝা গেল—অর্চনার জগুই দীক্ষার অত্যাৱশ্যকতা । কিন্তু অর্চনা নববিধা ভক্তির একটি অঙ্গমাত্র ; নববিধা ভক্তির যে কোনও এক অঙ্গের সাধনেই যখন সাধ্যবস্তু লাভ হইতে পারে, তখন অর্চনান্তরে অবশ্য-কর্তব্যতাও লক্ষিত হইতেছে না । ভক্তিসন্দর্ভে অর্চনপ্রসঙ্গে শ্রীজীবগোস্বামীও এই কথা বলিয়াছেন—“যতপি শ্রীভাগবতমতে পঞ্চরাত্রাদিবদর্চন-মার্গশ্রাবশ্যকত্বং নাস্তি, তদ্বিনাপি শরণাপত্তাদীনামেকতরেণাপি পুরুষার্থসিদ্ধিরতিহিতত্বাৎ, তথাপি শ্রীনারদাদি-বল্লীভূসরদ্বিঃ শ্রীভগবতাসহ সম্বন্ধবিশেষং দীক্ষাবিধানেন শ্রীগুরুচরণ-সম্পাদিতং চিকীর্ষদ্বিঃ কৃত্য্যাং দীক্ষায়াং অর্চনমবশ্যং ক্রিয়ৈতৈব । ২৮৩ ।—শ্রীভাগবতমতে পঞ্চরাত্রাদির ছায় অর্চনমার্গের আবশ্যকতা নাই, যেহেতু শরণাপত্তাদির যে কোনও এক অঙ্গের অলুপ্তানেই—অর্চনব্যতীতও—পুরুষার্থসিদ্ধি হইতে পারে । তথাপি, শ্রীনারদাদি-প্রদর্শিত পন্থার

গৌর-কৃপা-তরঙ্গিনী টীকা ।

অনুসরণ পূর্বক বাঁহারা শ্রীগুরুদেব-সম্পাদিত দীক্ষাবিধানের দ্বারা শ্রীভগবানের সহিত সম্বন্ধ বিশেষ স্থাপন করিতে ইচ্ছুক, তাঁহাদের পক্ষে দীক্ষার পরে অর্চনা অবশ্যকর্তব্য ।”

শ্রীমন্মহাপ্রভুর অনুগত বৈষ্ণবদের ভজন সম্বন্ধানুগ; মন্ত্রদীক্ষাদ্বারা অতীষ্ট সম্বন্ধ স্থাপিত হইতে পারে বলিয়া শ্রীজীবও উদ্ধৃত বচনসমূহে বলিয়াছেন; সুতরাং শ্রীনামকীর্তনের সঙ্গে সঙ্গে শাস্ত্রোক্ত-লক্ষণাবিত গুরুর নিকট হইতে মন্ত্রদীক্ষাগ্রহণে অনিষ্টের আশঙ্কা কিছু থাকিতে পারে না, বরং ইষ্টের সম্ভাবনাই বেশী ।

কিন্তু যদি কেহ বলেন—শ্রীকৃষ্ণনামকীর্তনদ্বারা যে শ্রীকৃষ্ণের সঙ্গে সাধকের অতীষ্ট সম্বন্ধ স্থাপিত হইতে পারে না, তাহারও কোনও প্রমাণ নাই । যাদৃশী ভাবনা যন্ত সিদ্ধির্ভবতি তাদৃশী—এই প্রমাণ বলে, নামকীর্তনের সঙ্গে সঙ্গে অতীষ্ট সম্বন্ধের অমুরূপ চিন্তাদ্বারা সেই সম্বন্ধ স্থাপিত হইতেও পারে । শ্রীরামচন্দ্রকে দর্শন করার পরেই শ্রীরাধারমণ শ্রীকৃষ্ণকে গোপীভাবে ভজন করার নিমিত্ত দণ্ডকারণ্যবাসী মুনিদিগের ইচ্ছা হইল; তৎপূর্বে—এমন কি তাহার পরেও—কান্তাভাবের অমুরূপ কোনও ময়ে তাঁহাদের দীক্ষার কথা জানা যায় না; কিন্তু তাঁহারা যে গোপীভাবে গোপীজনবল্লভের সেবা পাইয়াছিলেন, ইহাও শাস্ত্রপ্রসিদ্ধ ঘটনা । ইহা হইতে বুঝা যায়, গোপীভাবে অমুরূপ চিন্তা দ্বারাই ভগবৎ-কৃপায় তাঁহাদের অতীষ্ট সিদ্ধ হইয়াছিল । ঋতিগণের দীক্ষার কথাও জানা যায় না; অথচ তাঁহাদের গোপীভাবে অনুগত্যে সাধনের কথা জানা যায়; সম্ভবতঃ তাঁহারাও ভাবানুরূপ চিন্তাদ্বারাই গোপীভাবে অমুরূপ সেবা পাইয়াছিলেন । এসমস্ত দৃষ্টান্ত দ্বারা মনে হয়—স্বীয় ভাবানুরূপ সিদ্ধিদেহে স্বীয় অতীষ্ট লীলাবিলাসী শ্রীকৃষ্ণের সেবা-চিন্তাই ভাবানুরূপ সেবাপ্রাপ্তির মুখ্য সাধন । শ্রীল ঠাকুরমহাশয়ও বলিয়াছেন—“সাধন স্রবণ লীলা ।” বাঁহাদের দীক্ষা আছে, গুরুদেব তাঁহাদের সিদ্ধিদেহের দিগ্ দর্শন দিয়াছেন; আর বাঁহারা দীক্ষার অপেক্ষা স্বীকার করেন না, দণ্ডকারণ্যবাসী মুনিদিগের ছায় কিম্বা ঋতিদিগের ছায় তাঁহারা নিজেরাই শাস্ত্রানুসারে ভাবানুরূপ সিদ্ধিদেহ করণা করিয়া চিন্তা করিয়া থাকেন । এই যুক্তির বলে এবং “শ্রীকৃষ্ণমন্ত্রেও স্বরূপতঃ দীক্ষার অপেক্ষা নাই”—শ্রীজীবের এই ( ভক্তিসন্দর্ভ । ২৮৪ ) উক্তির বলে কেহ কেহ হয়তো বলিতে পারেন যে—অর্চনার জহুই যখন দীক্ষার একান্ত প্রয়োজনীয়তা এবং অর্চন ব্যতীতও যখন পরম-পুরুষার্থ লাভ হইতে পারে এবং শ্রীকৃষ্ণের সহিত অভিলষিত সম্বন্ধও স্থাপিত হইতে পারে, তখন দীক্ষার আর কোনও প্রয়োজনীয়তাই নাই । এরূপ বাঁহারা বলেন, তাঁহাদের কথার উত্তরে ইহাই বলা যাইতে পারে যে—“মহৎকৃপা বিনা কোন কক্ষে ভক্তি নয় । কৃষ্ণভক্তি দূরে রহ সংসার নহে ক্ষয় ।” জীবের মায়ামলিন চিত্তের মলিনতা দূর করার নিমিত্ত, বহির্গুণ চিত্তকে অন্তর্গুণ করার নিমিত্ত, নানাদিকে বিক্ষিপ্ত চিত্তকে ভজনবিষয়ে কেন্দ্রীভূত করার নিমিত্ত কোনও নিক্ষিপ্ত মহাপুরুষের রূপার প্রয়োজন; যদি উপযুক্ত গুরুর নিকটে দীক্ষাগ্রহণ করা যায়, তাহা হইলে তাঁহার কৃপাতেই বিক্ষিপ্ত চিত্ত ভজন-বিষয়ে কেন্দ্রীভূত হইতে পারে । অর্চনের অত্যাৱশ্যকতা না থাকিলেও বিষয়-বিক্ষিপ্তচিত্তকে ভজনীয় বিষয়ে কেন্দ্রীভূত করার সুবিধা হইবে তাবিয়াই শ্রীজীবও অর্চনাত্মকের অমুষ্ঠানের এবং তন্নিমিত্ত দীক্ষা গ্রহণেরও পরামর্শ দিয়াছেন, তাহা পূর্বোদ্ধৃত ভক্তিসন্দর্ভ ( ২৮৪ ) বচনেই দৃষ্ট হইবে । সম্ভবতঃ এজহুই স্বয়ং শ্রীমন্মহাপ্রভুও জীবজগতে ভজনাদর্শ স্থাপনের উদ্দেশ্যে শ্রীপাদ ঈশ্বর-পুরীর নিকটে মন্ত্রদীক্ষা গ্রহণ করিয়াছিলেন এবং চৌষটি-অঙ্গ-ভক্তির প্রসঙ্গে গুরুপদাশ্রয়ের উপদেশও দিয়াছেন ।

শ্রীকৃষ্ণনাম গ্রহণ সম্বন্ধে যে দীক্ষাদির কোনও অপেক্ষাই নাই, তাহা বলাই বাহুল্য; “আকৃষ্টিঃ কৃতচেতসাং”—শ্লোকই ইহার প্রমাণ এবং এই শ্লোকটী শ্রীপাদ রূপ গোস্বামীই পদ্মাবলীতে সংগৃহীত করিয়াছেন; সুতরাং ইহা শ্রীকৃষ্ণের অনুমোদিত এবং শ্রীজীবও যখন অর্চনাস্থ ব্যতীত অস্ত্র দীক্ষার অবশ্যকর্তব্যতাসম্বন্ধে কিছু বলেন নাই, তখন ইহা যে শ্রীজীবেরও অনুমোদিত তাহাও বুঝিতে হইবে; বিশেষতঃ “কেবলানি শ্রীভগবন্নামাশ্রয় নিরপেক্ষাণ্যেব পরমপুরুষার্থ-ফলপর্যন্তদানসমর্থানি ।” ইত্যাদি বাক্যে—পরমপুরুষার্থদান করার পক্ষে শ্রীভগবন্নাম যে দীক্ষাদির কোনও অপেক্ষা রাখে না, শ্রীজীব তাহা স্পষ্টই বলিয়া গিয়াছেন । আর এই সম্বন্ধে শ্রীচৈতন্যচরিতামৃতের মধ্যলীলার পঞ্চদশ

অতএব যার মুখে এক কৃষ্ণনাম ।  
 সেই বৈষ্ণব, করি তার পরম সন্মান ॥ ১১১  
 খণ্ডের মুকুন্দদাস, শ্রীরঘুনন্দন ।  
 শ্রীনরহরি—এই মুখ্য তিনজন ॥ ১১২  
 মুকুন্দদাসেরে পুছে শ্রীশচীনন্দন—।  
 তুমি পিতা, পুত্র তোমার শ্রীরঘুনন্দন ॥ ১১৩  
 কিবা রঘুনন্দন পিতা, তুমি তাহার তনয় ? ।  
 নিশ্চয় করিয়া কহ, যাউক সংশয় ॥ ১১৪  
 মুকুন্দ কহে—রঘুনন্দন মোর পিতা হয় ।  
 আমি তার পুত্র, এই আমার নিশ্চয় ॥ ১১৫

আমাসভার কৃষ্ণভক্তি রঘুনন্দন হৈতে ।  
 অতএব রঘু পিতা, আমার নিশ্চিতে ॥ ১১৬  
 শুনি হর্ষে কহে প্রভু—কহিলে নিশ্চয় ।  
 যাহা হৈতে কৃষ্ণভক্তি, সে-ই গুরু হয় ॥ ১১৭  
 ভক্তের মহিমা প্রভু কহিতে পায় সুখ ।  
 ভক্তের মহিমা কহিতে হয় পঞ্চমুখ ॥ ১১৮  
 ভক্তগণে কহে—শুন মুকুন্দের প্রেম ।  
 নিগূঢ় নির্মল প্রেম—যেন দধি হেম ॥ ১১৯  
 বাহ্যে রাজবৈভব ইঁহো করে রাজসেবা ।  
 অন্তরে কৃষ্ণপ্রেম ইঁহার জানিবেক কেবা ? ॥ ১২০

গৌর-কৃপা-তরঙ্গিণী টীকা ।

পরিচ্ছেদের ১০৮-১১০ পর্যায়ে তাহা বলা হইয়াছে, তাহা শ্রীমন্ মহাপ্রভুরই উক্তি ; শ্রীভগবান্নাম যে দীক্ষাপুরশ্চর্যাতির অপেক্ষা রাখে না, ইহা মহাপ্রভুরই কথা । শ্রীমন্ মহাপ্রভু তপনমিশ্রকে নামকীর্তনের উপদেশই দিয়াছিলেন, মন্ত্রদীক্ষা দেওয়ার কথা জানা যায় না । দক্ষিণ ভারতে ও পশ্চিম ভারতে ভ্রমণকালে প্রভু যে অসংখ্য লোককে বৈষ্ণব করিয়াছিলেন, তাহাও কেবল হরিনামদ্বারাই—মন্ত্রদীক্ষা দ্বারা নহে । আধুনিক বৈষ্ণব-সমাজে মন্ত্রদীক্ষার জায় যে নামদীক্ষারও একটা রীতি প্রচলিত হইয়াছে, সেই রীতিতেও প্রভু কাহাকেও নামদীক্ষা দেন নাই—কেবল মুখেই হরিনাম করার উপদেশ দিয়াছেন ; তবে এই উপদেশের মধ্যে বিশেষত্ব এই যে, প্রভু সকলের মধ্যে একটা কৃপাশক্তি সঞ্চারিত করিয়া দিয়াছেন ; এই শক্তির প্রভাবেই সকলের মধ্যে নামের ফল শীঘ্র শীঘ্র প্রকটিত হইয়াছিল । বস্তুতঃ শ্রীহরিনাম-গ্রহণবিষয়েও যদি কোনও নিক্ষিপ্ত পরমভাগবত মহাত্মার কৃপালাভ করা যায়, তাহা হইলে নামের ফল যে শীঘ্র শীঘ্রই অল্পভবযোগ্য হইতে পারে, তাহাতে সন্দেহ থাকিতে পারে না ।

১১১। অতএব—১০৮-১০ পর্যায়োক্ত হেতুবশতঃ, যাহার মুখে একবার কৃষ্ণনাম উচ্চারিত হয়, তিনিই বৈষ্ণব, তাহাকেই খুব সন্মান করিবে ।

১১২। খণ্ডের—শ্রীখণ্ডের । মুকুন্দদাসের পুত্র ছিলেন শ্রীরঘুনন্দন ।

১১৬। রঘুনন্দন হইতেই আমাদের কৃষ্ণভক্তি জন্মিয়াছে ; তাই প্রাকৃতদেহের জন্মদাতা বলিয়া আমি তাহার পিতা হইলেও প্রকৃত প্রস্তাবে রঘুনন্দনই আমার পিতা ।

পিতা-শব্দের অর্থ পালনকর্তা ; যিনি কৃষ্ণভক্তি দান করেন, জন্ম-মৃত্যু-আদি হইতে রক্ষা করিয়া একটা নিত্য-শাস্ত্রত দেহলাভের উপায় করিয়া দেন বলিয়া তিনিই প্রকৃত পালনকর্তা বা পিতা । মুকুন্দদাসের পূর্বেই রঘুনন্দনের কৃষ্ণভক্তি জন্মিয়াছে ; সুতরাং মুকুন্দদাসের পূর্বেই তাহার ভাগবত-জন্ম ( ২।১।১২৫ পর্যায়ের টীকা দ্রষ্টব্য ) লাভ হইয়াছে ; তাই ভক্তির দিক্ দিয়া রঘুনন্দনই মুকুন্দের জ্যেষ্ঠ ; আবার, রঘুনন্দন হইতে মুকুন্দের কৃষ্ণভক্তি লাভ হওয়ায় রঘুনন্দন হইতেই মুকুন্দের ভাগবত-জন্ম লাভ হইল—রঘুনন্দনই মুকুন্দের ভাগবত-জন্মদাতা ; তাই ভক্তির দিক্ দিয়া রঘুনন্দনই মুকুন্দের পিতা—ভাগবত-জন্মদাতা পিতা এবং পালনকর্তা পিতা ।

১১৭। বাস্তবিক, যাহা হইতে কৃষ্ণভক্তি বা মুক্তির কোনও উপায় পাওয়া যায় না, লৌকিক হিসাবে তিনি গুরু হইলেও প্রকৃতপ্রস্তাবে গুরু নহেন । “গুরুন স শ্রীং স্বজনো ন স শ্রীং পিতা ন স শ্রীজ্ঞানী ন স শ্রীং । দৈবং ন তং শ্রীং ন পতিশ্চ স শ্রীং ন মোচয়েৎ যঃ সমুপেতমৃত্যুং ॥ শ্রী. ভা. ৫।৫।১৮ ॥”

১২০। রাজবৈভব—রাজার—গৌড়েশ্বরের—চিকিৎসক ।

একদিন শ্বেচ্ছরাজার উচ্চ টুঙ্গীতে ।  
 চিকিৎসার বাত কহে তাহার অগ্রেতে ॥ ১২১  
 হেনকালে এক ময়ূর-পুচ্ছের আড়ানী ।  
 রাজার শিরোপরি ধরে এক সেবক আনি ॥ ১২২  
 ময়ূর-পুচ্ছ দেখি মুকুন্দ প্রেমাবিষ্ট হৈলা ।  
 অতি উচ্চ টুঙ্গী হৈতে ভূমিতে পড়িলা ॥ ১২৩  
 রাজার জ্ঞান—রাজবৈতের হইল মরণ ।  
 আপনে নামিয়া রাজা করাইল চেতন ॥ ১২৪  
 রাজা কহে—ব্যথা তুমি পাইলে কোন ঠাঞি ? ।

মুকুন্দ কহে—অতিবড় ব্যথা নাহি পাই ॥ ১২৫  
 রাজা কহে—মুকুন্দ ! তুমি পড়িলা কি লাগি ? ।  
 মুকুন্দ কহে—মোর এক ব্যাধি আছে মৃগী ॥ ১২৬  
 মহা-বিদগ্ধ রাজা সেই সব বাত জানে ।  
 মুকুন্দেরে হৈল তাঁর মহাসিদ্ধ-জ্ঞানে ॥ ১২৭  
 রঘুনন্দন সেবা করে কৃষ্ণের মন্দিরে ।  
 দ্বারে পুষ্করিণী তার বান্ধাঘাট-তীরে ॥ ১২৮  
 কদম্বের বৃক্ষ এক ফুটে বারমাসে ।  
 নিত্য দুই পুষ্প হয় কৃষ্ণ-অবতংসে ॥ ১২৯

গৌর-কৃপা-তরঙ্গিণী টীকা ।

১২১। শ্বেচ্ছরাজার—গৌড়ের মুসলমান রাজার। টুঙ্গী—উচ্চমঞ্চবিশেষ। চিকিৎসার বাত—রাজার চিকিৎসা সম্বন্ধীয় কথা। তাহার অগ্রেতে—রাজার সম্মুখে।

১২২। আড়ানী—বড় পাখা ( বাতাস করার জন্ত ) ; ব্যজন। শিরোপরি—মাথার উপরে।

১২৩। ময়ূরপুচ্ছে কৃষ্ণের বর্ণের সাদৃশ্য দেখিয়া ( অথবা ময়ূরপুচ্ছ দর্শনে শ্রীকৃষ্ণের চূড়ার ময়ূরপুচ্ছের স্মৃতিতে ) মুকুন্দের চিত্তে শ্রীকৃষ্ণের উদ্দীপন হইল ; তাহাতে তিনি প্রেমাবিষ্ট হইয়া মূর্ছিত-অবস্থায় নীচে পড়িয়া গেলেন।

১২৬। মৃগী—মূর্ছা। আত্মগোপনের জন্ত মুকুন্দ বলিলেন যে, তাঁহার মৃগীরোগ আছে ; তাহাতে মাঝে মাঝে তাঁহার হঠাৎ মূর্ছা হয়। ঠাকুরমহাশয় বলিয়াছেন—“আপন ভজন কথা, না বলিবে যথা তথা, ইহাতে হইবে সাবধান।” তিনি আরও বলিয়াছেন—“অন্যবোল গণ্ডগোল, না শুনহ উত্তরোল, রাখ প্রেম হৃদয়ে ভরিয়া ॥”—প্রেমভক্তিচন্দ্রিকা।

কোনও কোনও গ্রন্থে এই পয়ার-স্থলে এইরূপ পাঠ দৃষ্ট হয় :—“রাজা কহে মুকুন্দ তুমি পড়িলা কি কারণে। ইহার আমাতে তুমি কহিবা কারণে ॥ মুকুন্দ কহে এক মোর আছে ব্যাধি মৃগী। আমার শরীরে সেই ব্যাধি হয় ভোগী ॥” ব্যাধি হয় ভোগী—সেই ব্যাধি আমার দেহে ভোগ করে।

১২৭। মহাবিদগ্ধ—মহাপণ্ডিত। সব বাত জানে—সর্বজ্ঞ ; মূর্ছারোগের লক্ষণাদি জানেন ; তাহাতে বুঝিলেন, মুকুন্দের মূর্ছারোগ নাই। ইহাও বুঝিলেন, ময়ূরপুচ্ছ দেখিয়া শ্রীকৃষ্ণ-উদ্দীপনেই মুকুন্দের মূর্ছা হইয়াছে। “সববাত” স্থলে “সর্বতত্ত্ব” পাঠও কোনও গ্রন্থে আছে।

মুকুন্দেরে হৈল ইত্যাদি—মুকুন্দ একজন সাধনসিদ্ধ মহাপুরুষ, এই রূপই রাজার বিশ্বাস জন্মিল।

১২৯। ফুটে—ফুল ফুটে। অবতংস—কর্ণভূষণ। মুকুন্দের ভক্তির মহিমায়ে সেই কদম্ববৃক্ষে বৎসরের মধ্যে প্রত্যহই ফুল ফুটিয়া থাকিত এবং মুকুন্দও প্রত্যহ দুইটী কদম্বফুল আনিয়া শ্রীকৃষ্ণবিগ্রহের কর্ণভূষণরূপে পরাইয়া দিতেন।

ভক্তবাঞ্ছা পূর্ণ করিতে ভগবানের বড়ই আনন্দ এবং আগ্রহ ; প্রত্যহ কদম্বফুল দিয়া তাঁহার সেবিত শ্রীকৃষ্ণ-বিগ্রহকে সাজাইবার নিমিত্ত মুকুন্দের বলবতী ইচ্ছা ছিল ; তাহা জানিয়া শ্রীকৃষ্ণও তাঁহার অচিন্ত্যশক্তিপ্রভাবে পুষ্করিণীতীরস্থ কদম্ব-গাছটীতে নিত্যই ফুল ফুটাইয়া রাখিতেন। গীতায় শ্রীকৃষ্ণ নিজেও বলিয়াছেন—“অনন্তশিস্ত্যন্তো মাং যে জনাঃ পশ্যুর্নাসতে। তেষাং নিত্যাত্মিকানাং যোগক্ষেমং বহাম্যহম্ ॥ ৯।২২॥—যাঁহারা অনন্তশিস্ত্যাপরায়ণ হইয়া আমার উপাসনা করেন, সেই সমস্ত নিত্যাত্মিক ভক্তদের যোগক্ষেম আমিই বহন করি। নিত্যাত্মিক—পণ্ডিত, অথবা নিত্যসংযোগস্থাবান্। যোগ—ধ্যানাদিলাভ। ক্ষেম—শরীরপোষণভার। চক্রবর্তী।” অথবা,

মুকুন্দের কহে পুন মধুর বচন—।

তোমার যে কার্য—ধর্ম্যে ধন-উপার্জন ॥ ১৩০

রঘুনন্দনের কার্য—শ্রীকৃষ্ণসেবন।

কৃষ্ণসেবা বিনা ইহার অন্ত্র নাহি মন ॥ ১৩১

নরহরি ! রহ আমার ভক্তগণ সনে।

এই তিন কার্য্য সদা কর তিনজনে ॥ ১৩২

সার্বভৌম বিজ্ঞাবাচম্পতি দুইভাই।

দুইজনে কৃপা করি কহেন গোসাঞি ॥ ১৩৩

দারু-জলরূপে কৃষ্ণ প্রকট সম্প্রতি।

দরশনে স্নানে করে জীবের মুকতি ॥ ১৩৪

দারুব্রহ্মরূপে সাক্ষাৎ শ্রীপুরুষোত্তম।

ভাগীরথী সাক্ষাৎ হয় জলব্রহ্ম-সম ॥ ১৩৫

সার্বভৌম ! কর দারু-ব্রহ্ম আরাধন।

বাচম্পতি ! কর জল-ব্রহ্মের সেবন ॥ ১৩৬

মুরারিগুপ্তেরে গৌর করি আলিঙ্গন।

তাঁর ভক্তিনিষ্ঠা কহে শুনে ভক্তগণ— ॥ ১৩৭

পূর্বের আমি ইহাঁরে লোভাইল বারবার।

“পরম মধুর গুপ্ত ! ব্রজেন্দ্রকুমার ॥ ১৩৮

স্বয়ংভগবান্ সর্ব-অংশী সর্বপ্রায়।

বিশুদ্ধ নির্মল প্রেম সর্ববরসময় ॥ ১৩৯

গৌর-কৃপা-তরঙ্গিণী-টীকা।

এই কদম্ববৃক্ষটীও হয়তো সাধারণ বৃক্ষ নহে। কোনও পরম-ভাগবতই হয়তো ফুলের দ্বারা নিত্য ভগবৎ-সেবার আনুকূল্য সাধন করিয়া নিজেকে কৃতার্থ করার উদ্দেশ্যেই কদম্ব-বৃক্ষরূপে আত্মপ্রকট করিয়াছেন।

১৩০। ধর্ম্যে ধন উপার্জন—ধর্ম্যপথে থাকিয়া, ধর্ম্যকে রক্ষা করিয়া, সাধন-ভজনের অমুকূলভাবে বা অপ্রতিকূলভাবে ধন উপার্জন। ধর্ম্যের নামে ব্যবসায় করিয়া, ভজনাঙ্গকে পণ্যদ্রব্যে পরিণত করিয়া যে ধন উপার্জন, তাহাকে “ধর্ম্যে ধন উপার্জন” বলা যায় না; কারণ ইহা ভক্তিবিরোধী; ভজনাঙ্গের অনুষ্ঠানে শ্রীকৃষ্ণ প্রীতিবাসনা-বাতীত—ধনোপার্জনের বাসনাদি—অন্ত যে কোনও বাসনা প্রকাশে বা অপ্রকাশে বিদ্যমান থাকিলেই তাহা ভক্তিবিরোধী হইবে; যেহেতু, কৃষ্ণপ্রীতির অমুকূল এবং অমুখ্যভিলাষিতাশূন্য কৃষ্ণানুশীলনই ভক্তি। ২।১৯।১৪০-৩ পর্য্যায় দ্রষ্টব্য। লাভ-পূজাদিকে প্রভু ভক্তিলতার উপশাখাই বলিয়াছেন। ২।১৯।১৪১ ॥

প্রভু মুকুন্দকে বলিলেন—“তুমি ধর্ম্যে ধন উপার্জন করিও; ইহাই তোমার কার্য্য।”

১৩২। মুকুন্দের কার্য্য—ধর্ম্যে ধন উপার্জন; রঘুনন্দনের কার্য্য—শ্রীকৃষ্ণসেবা (গৃহে প্রতিষ্ঠিত শ্রীকৃষ্ণ-বিগ্রহসেবার উপলক্ষ্যে); আর নরহরির (সরকার-ঠাকুরের) কার্য্য—ভক্তসঙ্গে থাকা; ভক্তসঙ্গে থাকিয়া তাঁহাদের সহিত কৃষ্ণকথার আলোচনা করা।

১৩৪। দারু-জলরূপে—দারুরূপে ও জলরূপে; দারুরূপে অর্থাৎ দারুব্রহ্ম শ্রীজগন্নাথরূপে; জলরূপে অর্থাৎ শ্রীগঙ্গারূপে। দরশনে স্নানে—দারুব্রহ্ম দর্শন দিয়া এবং জলব্রহ্ম স্নান করাইয়া জীবকে উদ্ধার করেন।

১৩৮। পূর্বের—গৃহস্থপ্রায়ে থাকাকালে। লোভাইল—শ্রীকৃষ্ণের মাধুর্য্যাদির কথা বলিয়া শ্রীকৃষ্ণ-ভজনের লোভ জন্মাইতে চেষ্টা করিয়াছিলাম। (মুরারিগুপ্ত রাম-উপাসক ছিলেন)।

পরম মধুর ইত্যাদি—হে গুপ্ত ! ব্রজেন্দ্র-নন্দন পরম-মধুর।

কি কথা বলিয়া প্রভু মুরারিগুপ্তের লোভ জন্মাইতে চেষ্টা করিয়াছিলেন, তাহা ১৩৮-৪২ পর্য্যায়ের উক্ত হইয়াছে।

১৩৯। সর্ব-অংশী—অন্ত সমস্ত ভগবৎ-স্বরূপের মূল অংশী; শ্রীকৃষ্ণ হইতেই শ্রীরামাদি অন্ত ভগবৎ-স্বরূপ-সমূহ প্রকটিত হইয়াছেন। সর্বপ্রায়—সমস্ত ভগবৎ-স্বরূপের, সমস্ত অপ্রাকৃত ধামের এবং অপ্রাকৃত ধামস্থ পরিকরাদির এবং সমগ্র প্রাকৃত বিশ্বব্রহ্মাণ্ডাদির আশ্রয় বা আধার। সর্ববরসময়—সমস্ত রসের আধার বা প্রতিমূর্তি; অখিলরসামৃতমূর্তি।



বিদগ্ধ-চতুর-ধীর-রসিকশেখর ।  
 সকল-সদগুণবৃন্দরত্ন-রত্নাকর ॥ ১৪০  
 মধুর চরিত্র কৃষ্ণের মধুর বিলাস ।  
 চাতুর্য্য-বৈদগ্ধ্য করে য়েহো লীলা রাস ॥ ১৪১  
 সেই কৃষ্ণ ভজ তুমি, হও কৃষ্ণাশ্রয় ।  
 কৃষ্ণবিনা উপাসনা মনে নাহি লয় ॥” ১৪২  
 এইমত বারবার শুনিয়া বচন ।  
 আমার গৌরবে কিছু ফিরি গেল মন ॥ ১৪৩  
 আমারে কহেন—আমি তোমার কিস্কর ।  
 তোমার আজ্ঞাকারী আমি, নহি স্বতন্তর ॥ ১৪৪  
 এত বলি ঘরে গেলা, চিন্তে রাত্রিকালে ।  
 রঘুনাথত্যাগ চিন্তি হইলা বিহ্বলে ॥ ১৪৫  
 “কেমনে ছাড়িব রঘুনাথের চরণ ? ।  
 আজি রাত্রে রাম ! মোর করাহ মরণ ॥” ১৪৬  
 এইমত সর্ববরাত্রি করেন ক্রন্দন ।  
 মনে স্বাস্থ্য নাহি, রাত্রি কৈল জাগরণ ॥ ১৪৭  
 প্রাতঃকালে আসি মোর ধরিয়া চরণ ।  
 কান্দিতে কান্দিতে কিছু করে নিবেদন— ॥ ১৪৮  
 রঘুনাথ-পায়ে মুঞি বেচিয়াছি মাথা ।  
 কাটিতে না পারোঁ মাথা, মনে পাণ্ড্ ব্যথা ॥ ১৪৯  
 শ্রীরঘুনাথের চরণ ছাড়ান না যায় ।  
 তোমার আজ্ঞা ভঙ্গ হয়, কি করোঁ উপায় ? ১৫০

তাতে মোরে এই কৃপা কর দয়াময় ।।  
 তোমার আগে মৃত্যু হউক, যাউক সংশয় ॥ ১৫১  
 এত শুনি আমি মনে বড় সুখ পাইল ।  
 ইহারে উঠাইয়া তবে আলিঙ্গন কৈল ॥ ১৫২  
 ‘সাধুসাধু’ গুপ্ত । তোমার স্নদৃঢ় ভজন ।  
 আমার বচনে তোমার না টলিল মন ॥ ১৫৩  
 এইমত সেবকের প্রীতি চাহি প্রভু-পায় ।  
 প্রভু ছাড়াইলে পদ ছাড়ন না যায় ॥ ১৫৪  
 তোমার ভাবনিষ্ঠা জানিবার তরে ।  
 তোমারে আগ্রহ আমি কৈল বারেবারে ॥ ১৫৫  
 সাক্ষাৎ হনুমান্ তুমি শ্রীরামকিস্কর ।  
 তুমি কেনে ছাড়িবে তাঁর চরণকমল ? ॥ ১৫৬  
 সেই মুরারিগুপ্ত এই মোর প্রাণসম ।  
 ইহার দৈন্ত্য শুনি মোর ফাটে জীবন ॥ ১৫৭  
 তবে বাসুদেবে প্রভু করি আলিঙ্গন ।  
 তার গুণ কহে হৈয়া সহস্রবদন ॥ ১৫৮  
 নিজ গুণ শুনি দত্ত মনে লজ্জা পাঞা ।  
 নিবেদন করে প্রভুর চরণে ধরিয়া— ॥ ১৫৯  
 জগৎ তারিতে প্রভু । তোমার অবতার ।  
 মোর নিবেদন এক কর অঙ্গীকার ॥ ১৬০  
 করিতে সমর্থ তুমি প্রভু দয়াময় ।  
 তুমি মন কর যবে অনায়াসে হয় ॥ ১৬১

গৌর-কৃপা-তরঙ্গিণী টীকা ।

- ১৪০ । সদগুণবৃন্দরত্ন-রত্নাকর—সমস্ত সদগুণ রূপ রত্ন-সমূহের আকর ( মূল আধার ) ।  
 ১৪১ । চাতুর্য্য-বৈদগ্ধ্য ইত্যাদি—রাসলীলায় যিনি স্বীয় চাতুর্য্য ও বৈদগ্ধ্যের পরাকাষ্ঠা প্রদর্শন করেন ।  
 ১৪২ । কৃষ্ণ বিনা ইত্যাদি—শ্রীকৃষ্ণের উপাসনা ব্যতীত অস্ত্রের উপাসনায় আমার মন প্রসন্ন হয় না ।  
 শ্রীরামচন্দ্রে মুরারিগুপ্তের নিষ্ঠা পরীক্ষার ছলে জীবকে ইষ্ট-নিষ্ঠার আদর্শ দেখাইবার নিমিত্তই প্রভু এসকল কথা বলিয়াছেন ।  
 ১৪৩ । আমার গৌরবে—আমার প্রতি প্রদ্বাবশতঃ ।  
 ১৫৩ । সাধু সাধু—উত্তম উত্তম ।  
 ১৫৪ । প্রীতি চাহি—প্রীতি হওয়া উচিত । প্রভু ছাড়াইলে—প্রভু সেবককে পদ হইতে ছাড়াইয়া দিলেও  
 সেবক যেন সেই পদ না ছাড়ে, প্রভুপদে সেবকের এইরূপ প্রীতি থাকা উচিত ।  
 ১৫৬ । মুরারিগুপ্ত পূর্বলীলায় হনুমান ছিলেন ।  
 ১৫৭ । জীবন—প্রাণ ।  
 ১৫৯ । দত্ত—বাসুদেব দত্ত ।

জীবের দুঃখ দেখি মোর হৃদয় বিদরে ।  
 সব জীবের পাপ প্রভু ! দেহ মোর শিরে ॥ ১৬২  
 জীবের পাপ লঞা মুক্তি করোঁ নরকভোগ ।  
 সকল জীবের প্রভু ! যুগাও ভব-রোগ ॥ ১৬৩  
 এত শুনি মহাপ্রভুর চিত্ত দ্রবিল ।  
 অশ্রু কম্প স্বরভঙ্গে বলিতে লাগিল—॥ ১৬৪

তোমার এই চিত্র নহে, তুমিত প্রহ্লাদ ।  
 তোমার উপরে কৃষ্ণের সম্পূর্ণ প্রসাদ ॥ ১৬৫  
 কৃষ্ণ সেই সত্য করে, যেই মাগে ভৃত্য ।  
 ভৃত্যবাজ্ঞাপূর্ত্তি-বিনু নাহি অগ্ন কৃত্য ॥ ১৬৬  
 ব্রহ্মাণ্ড-জীবের তুমি বাজিলে নিস্তার ।  
 বিনা পাপভোগে হবে সভার উদ্ধার ॥ ১৬৭

গৌর-কৃপা-তরঙ্গিণী টীকা ।

১৬২-৬৩ । জীবের সংসার-দুঃখ দেখিয়া বাসুদেব-দত্তের হৃদয় গলিয়া গেল ; সমস্ত জীবের সমস্ত পাপ নিজে গ্রহণ করিয়া তিনি নরকভোগ করিতে প্রস্তুত—তাহাদের যেন আর কষ্টভোগ করিতে না হয়, তাহাদের যেন আর নরকভোগ করিতে না হয় ; তাহারা সকলে যেন সংসারবন্ধন হইতে রক্ষা পাইতে পারে ।

প্রভুর চরণে বাসুদেবদত্ত এইরূপ মিনতি জানাইলেন ।

১৬৫ । চিত্র—বিচিত্র ।

প্রভু বলিলেন—“বাসুদেব ! তুমি যে প্রার্থনা করিলে, তাহা তোমার পক্ষে বিচিত্র নহে ; কারণ, তুমি তো সাক্ষাৎ প্রহ্লাদ ; তোমার উপরে শ্রীকৃষ্ণের সম্পূর্ণ অমুগ্রহ আছে ।”

বাসুদেব দত্ত পূর্ব লীলায় প্রহ্লাদ ছিলেন ।

নৃসিংহদেবের নিকটে প্রহ্লাদও ভবনদীতে পতিত সমস্ত জীবের উদ্ধার কামনা করিয়াছিলেন—“এবং সৰ্ব্বপতিতং ভববৈতরণ্যামত্মোচ্ছিন্নজন্মরূপাশনভীতভীতম্ । পশুন্ জনং স্বপরিবিগ্রহবৈবৈমৈত্রং হস্তেতি পারচরং পীপুহি মূঢ়মগ্ন ॥ শ্রী. ভা. ৭:৯৮১ ॥”—ইত্যাদি বাক্যে স্ব-স্ব-কৰ্মফলে সংসাররূপ বৈতরণী মধ্যে পতিত জীবসমূহের উদ্ধার প্রার্থনা করিয়া প্রহ্লাদ বলিয়াছিলেন—“নৈতান্ বিহায় কৃপণান্ বিমুক্ষু একঃ—ইহাদিগকে পরিত্যাগ করিয়া আমি একা মুক্তি চাইনা । শ্রীভা, ৭:৯৮৪ ॥” নিজের উদ্ধারের সঙ্গে অগ্ন সকলের উদ্ধারই প্রহ্লাদ প্রার্থনা করিয়াছিলেন এবং অগ্ন সকলকে ত্যাগ করিয়া—ভবসমুদ্রে ফেলিয়া রাখিয়া—নিজের উদ্ধার তিনি চাহেন নাই । ধ্বনি এই যে, অগ্ন সকল যদি উদ্ধার না পায়, তিনিও তাহাদের সঙ্গে সংসারেই থাকিবেন । সকলের উদ্ধার-কামনার দিক্ দিয়া প্রহ্লাদের সঙ্গে বাসুদেব দত্তের সাম্য আছে ; তাই প্রভু বাসুদেবকে বলিয়াছেন—“তুমি তো প্রহ্লাদ, সমস্ত জীবের উদ্ধার-কামনা তোমার পক্ষে বিচিত্র নহে ; পূর্বলীলায়ও তুমি এরূপ প্রার্থনা করিয়াছিলে ।” কিন্তু অগ্ন বিষয়ে প্রহ্লাদ অপেক্ষাও বাসুদেব দত্তের এক অপূর্ব উৎকর্ষ আছে । সকলের পাপ মস্তকে বহন করিয়া বাসুদেব নরক ভোগ করিতেও যে প্রস্তুত, তাহা প্রভুর নিকটে জানাইয়াছেন ; তিনি সকলের উদ্ধার চাহিয়াছেন, নিজের উদ্ধার চাহেন নাই । কিন্তু সকলের সঙ্গে নিজেরও উদ্ধার প্রহ্লাদের অনভিপ্রেত ছিলনা ; সকলের কৰ্মফলের জগ্ন সকলের প্রতিনিধিরূপে তিনি নরক ভোগ করিবেন, সকলে উদ্ধার লাভ করিয়া কৃতার্থ হউক—একথা প্রহ্লাদ বলেন নাই ; কিন্তু বাসুদেব বলিয়াছেন । এ স্থলেই বাসুদেবের পরম-বৈশিষ্ট্য । এই অপূর্ব-বৈশিষ্ট্যের হেতু বোধ হয় এই । গৌর-স্বরূপে ভগবানের করুণার যে অপূর্ব সৰ্ব্বাতিশায়ী বিকাশ, অগ্ন স্বরূপে তদ্রূপ দৃষ্ট হয় না । তাই গৌর-স্বরূপের পার্শ্ব-ভক্তের মধ্যেও জীবের অতি করুণার সৰ্ব্বাতিশায়ী বিকাশ ।

১৬৬ । ভৃত্যবাজ্ঞাপূর্ত্তিবিনু—সেবকের বাসনা পূরণ করা ব্যতীত । অগ্নকৃত্য—অগ্নকার্য্য । “মদভক্তানাং বিনোদার্থং করোমি বিবিধাঃ ক্রিয়াঃ ॥”—ইহাই শ্রীভগবদুক্তি ( পদ্মপুরাণ ) ।

১৬৭ । ব্রহ্মাণ্ডজীবের—ব্রহ্মাণ্ডস্থ সমস্ত জীবের ।

বিনাপাপভোগে—ব্রহ্মাণ্ডস্থ জীবগণেরও আর তাহাদের পাপের ফলভোগ করিতে হইবে না এবং

অসমর্থ নহে কৃষ্ণ ধরে সর্ববল ।

তোমাকে বা কেনে ভুঞ্জাইবে পাপফল ? ১৬৮

তুমি যার হিত বাঞ্ছ, সে হৈল বৈষ্ণব ।

বৈষ্ণবের পাপ কৃষ্ণ দূর করে সব ॥ ১৬৯

তথাহি ব্রহ্মসংহিতায়াম্ ( ৫।৫৪ )—

যন্তিঙ্গগোপমথবেন্দ্রমহো স্বকর্ম-

বন্ধাহুরূপফলভাজনমাতনোতি ।

কর্মাণি নির্দ্বিহতি কিন্তু চ ভক্তিভাজাং

গোবিন্দমাদিপুরুষং তমহং ভজামি ॥ ৩ ॥

শ্লোকের সংস্কৃত টীকা ।

তত্র তত্র সর্বৈশ্বরস্ব পর্জ্জলবদুষ্টব্য ইতি চ্যায়েন কর্মাহুরূপফলদাতৃত্বেন সাম্যোহপি ভক্তে তু পক্ষপাতবিশেষং করোতীত্যাহ যন্তিঙ্গতি । সমোহহং সর্বভূতেষু ন মে দ্বেষোহস্তি ন প্রিয়ঃ । যে ভজন্তি তু মাং ভক্ত্যা ময়ি তে তেষু চাপাহমিতি । অনচ্যাস্তিচ্যুস্তো মাং যে জনাঃ পৰ্য্যাপাসতে । তেবাং নিত্যাভিযুক্তানাং যোগক্ষেমং বহাম্যহম্ ॥ ইতি চ শ্রীগীতাভ্যঃ । শ্রীজীব । ৩

গৌর-কৃপা-তরঙ্গিনী টীকা ।

তোমাকেও তাহাদের পাপগ্রহণ করিয়া নরকে যাইতে হইবে না ( তাহাদের হইয়া তোমাকেও পাপভোগ করিতে হইবে না ) ।

১৬৮ । অসমর্থ নহে—পাপভোগ ব্যতীত উদ্ধার করিতে অসমর্থ নহেন । ধরে সর্ববল—তিনি সর্ব-শক্তিধারী । তোমাকে বা ইত্যাদি—তোমাকেই বা ব্রহ্মাণ্ডবাসীর পাপের ফল ভোগ করাইবেন কেন ?

১৬৯ । ভোগব্যতীত কর্মফলের নিবৃত্তি হইতে পারে না, সুতরাং পাপভোগব্যতীত কিরূপে জীবগণ উদ্ধার লাভ করিতে পারে, তাহাই বলিতেছেন ।

বাসুদেবদত্ত পরম বৈষ্ণব ; কোনও পরম বৈষ্ণব যদি কাহারও মঙ্গল কামনা করেন, তাহা হইলে সে ব্যক্তিও বৈষ্ণব হইয়া যায় ; কারণ, ভক্তের ইচ্ছানুসারে ভক্তবৎসল ভগবান্ তখনই তাঁহাকে অঙ্গীকার করিয়া লয়েন । যিনি বৈষ্ণব, শ্রীকৃষ্ণ রূপা করিয়া তাঁহার সমস্ত পাপ ভোগ না করাইয়াই দূরীভূত করাইয়া দেন । বাসুদেবদত্ত যখন ব্রহ্মাণ্ডবাসী সকলেরই মঙ্গল কামনা করিয়াছেন, তখন সকলেই বৈষ্ণব হইয়া গেলেন ; সুতরাং ভোগ্যব্যতীত সকলের পাপই ভগবান্ দূরীভূত করিয়া দিবেন ।

মহাপুরুষের কৃপা হইলে এইভাবেই জীবের নাস্ত্যবন্ধন যুচিয়া যায় ।

কৃষ্ণ যে বৈষ্ণবের পাপ দূরীভূত করেন, তাহার প্রমাণরূপে নিম্নে একটি শ্লোক উদ্ধৃত হইয়াছে ।

শ্লো। ৩। অন্বয় । অহো যঃ ( যিনি ) ইন্দ্রগোপং ( ইন্দ্রগোপনামক রক্তবর্ণ ক্ষুদ্র কীটকে ) অথবা ( অথবা ) ইন্দ্রং ( দেবরাজ ইন্দ্রকে ) স্বকর্মবন্ধাহুরূপফলভাজনং ( নিজকর্মাহুরূপ ফলভোগের পাত্র ) আতনোতি ( করিয়া থাকেন ), কিন্তু চ ( কিন্তু যিনি ) ভক্তিভাজাং ( ভক্তগণের ) কর্ম্মাণি ( কর্ম্ম সকলকে ) নির্দ্বিহতি ( নিঃশেষ-রূপে দক্ষ করেন—বিনাশ করেন ), তং ( সেই ) আদিপুরুষং ( আদিপুরুষ ) গোবিন্দং ( গোবিন্দকে ) অহং ( আমি ) ভজামি ( ভজন করি ) ।

অনুবাদ । যিনি ইন্দ্রগোপ-নামক ক্ষুদ্র রক্তবর্ণ কীটবিশেষ অথবা দেবরাজ ইন্দ্র ( অতি ক্ষুদ্র কীট হইতে ইন্দ্র পর্য্যন্ত ) সকলেরই নিজ-কর্ম্মাহুরূপ ফল প্রদান করিয়া থাকেন, কিন্তু যিনি ভক্তগণের সর্ববিধ কর্ম্ম নিঃশেষরূপে বিনাশ করেন, সেই আদিপুরুষ গোবিন্দকে আমি ভজনা করি । ৩

ভক্তদিগের ( বৈষ্ণবদিগের ) কর্ম্ম ( অর্থাৎ কর্ম্মফলরূপ পাপ-পুণ্যাদি ) যে শ্রীকৃষ্ণ নিঃশেষে বিনষ্ট করিয়া দেন, তাহার প্রমাণ এই শ্লোক ।

তোমার ইচ্ছামাত্রে হবে ব্রহ্মাণ্ডমোচন ।

সর্ববস্তু করিতে কৃষ্ণের নাহি কিছু শ্রম ॥ ১৭০

এক উড়ুস্বর-বৃক্ষে লাগে কোটি ফলে ।

কোটি ব্রহ্মাণ্ড ভাসে বিরজার জলে ॥ ১৭১

তার এক ফল পড়ি যদি নষ্ট হয় ।

তথাপি বৃক্ষ না মানে নিজ অপচয় ॥ ১৭২

তৈছে এক ব্রহ্মাণ্ড যদি মুক্ত হয় ।

তবু অল্প-হানি কৃষ্ণের মনে নাহি লয় ॥ ১৭৩

অনন্ত ঐশ্বর্য্য কৃষ্ণের বৈকুণ্ঠাদি ধাম ।

তার গড়খাই 'কারণাক্ষি' যার নাম ॥ ১৭৪

তাতে ভাসে মায়া লঞা অনন্ত ব্রহ্মাণ্ড ।

গড়খাইতে ভাসে যেন রাইপূর্ণ ভাণ্ড ॥ ১৭৫

গৌর-কৃপা-তরঙ্গিণী টীকা ।

১৭১-৭৩। উড়ুস্বরবৃক্ষ—ডুমুর গাছ। বিরজা—কারণ-সমুদ্র। একটা ডুমুর-গাছে যেমন কোটি কোটি ফল ধরে, সেইরূপ এক বিরজাতে কোটি কোটি ব্রহ্মাণ্ড ভাসিতেছে। ডুমুর-গাছের কোটি কোটি ফলের মধ্যে একটা ফল পড়িয়া যদি নষ্ট হইয়া যায়, তাতে যেমন গাছের কোনও অনিষ্ট হয় না, সেইরূপ কোটি কোটি ব্রহ্মাণ্ডের একটা ব্রহ্মাণ্ড যদি উদ্ধার হইয়া যায়, তাহাতে ব্রহ্মাণ্ডপতি শ্রীকৃষ্ণের কোনও ক্ষতিই নাই।

অল্পহানি কৃষ্ণের মনে নাহি লয়—অল্পমাত্র হানি হইয়াছে বলিয়াও কৃষ্ণের মনে হয় না, অর্থাৎ কোনও হানিই হয় নাই বলিয়া মনে হয়।

ব্যবহারিক দৃষ্টিতেই এসকল কথা বলা হইতেছে; বাস্তবিক, এক ব্রহ্মাণ্ড কেন সমস্ত ব্রহ্মাণ্ডের জীবমণ্ডলী একই সময়ে উদ্ধার লাভ করিয়া গেলেও ভগবানের হানি কিছুই নাই; ইহাতে বরং তাঁহার আনন্দই হইবার কথা; কারণ, জীব-নিষ্ঠারের জন্মই তাঁহার সর্বদা উৎকণ্ঠা; “লোক নিষ্ঠারিব এই ঈশ্বর-স্বভাব। ৩২।৫॥”

১৭৪। অনন্ত ঐশ্বর্য্য ইত্যাদি—বৈকুণ্ঠাদি চিহ্নয় ধামসমূহ শ্রীকৃষ্ণের অনন্ত ঐশ্বর্য্যের বৈচিত্রী। এই সকল চিহ্নয় ধামের বাহিরে চিহ্নয় ধামসমূহকে বেঠন করিয়া পরিখার আকারে কারণার্ণব অবস্থিত।

গড়খাই—পরিখা; কোনও বাড়ী বা স্থানের চারি পার্শ্বে খালের মত জলপূর্ণ গর্তকে গড়খাই বলে। কারণাক্ষি—কারণার্ণব; কারণসমুদ্র।

১৭৫। তাতে—কারণার্ণবে। মায়া লঞা ইত্যাদি—অনন্ত ব্রহ্মাণ্ড লইয়া মায়া সেই কারণার্ণবে ভাসে।

মায়া—১।২।৮৫ পয়ারের টীকা দ্রষ্টব্য। রাই—সরিষা। রাইপূর্ণ ভাণ্ড—মায়াই সমস্ত প্রাকৃত ব্রহ্মাণ্ডের অধিষ্ঠাত্রী বলিয়া এবং সমস্ত প্রাকৃত ব্রহ্মাণ্ডই মায়ার বিকার বলিয়া মায়াকে রাইপূর্ণ ভাণ্ড ( অর্থাৎ রাইপূর্ণ ভাণ্ডের তুল্য ) বলা হইয়াছে।

১।৫।৪২ পয়ারে বলা হইয়াছে, “মায়াশক্তি রহে কারণাক্ষির বাহিরে। কারণসমুদ্র মায়া পরশিতে নারে ॥” অথচ ২।১৫।১৭৫ পয়ারে বলা হইল, কারণাক্ষিতে মায়া ভাসিতেছে—ইহার তাৎপর্য্য কি? বস্তুতঃ, জড়-মায়া চিহ্নয়-কারণাক্ষিকে স্পর্শ করিতে পারে না ( ১।৫।৪২ পয়ারের টীকা দ্রষ্টব্য ); সুতরাং মায়ার বিকার খুলকাণ্ড কারণ-সমুদ্রে ভাসিতেও পারে না। কারণসমুদ্রের এক তীরে চিহ্নয় পরব্যোম, অপর তীরে প্রাকৃত ব্রহ্মাণ্ড অবস্থিত। মধ্যস্থলে বহু বিস্তৃত নদীর দ্বারা কারণার্ণব অবস্থিত; তাই ইহার অপর নাম বিরজা নদী। বিস্তৃত নদীর একতীরে অবস্থিত বস্তুকে অপর তীর হইতে—অথবা নদী মধ্যস্থ কোনও দূরবর্তী স্থান হইতে—দেখিলে যেমন নদী গর্ভে ভাসমান বস্তু বলিয়াই মনে হয়, তদ্রূপ, প্রভু যখন মানসচক্ষুতে বহুদূর হইতে বিরজা-তীরস্থিত প্রাকৃত-ব্রহ্মাণ্ড সমূহের দিকে দৃষ্টিপাত করিলেন ( তাহাদের কথা মনে করিলেন ), তখন তাঁহারও মনে হইল যেন—( বিরজার বিস্তৃতির তুলনায় ) ঐসকল ( অতি ক্ষুদ্র ) ব্রহ্মাণ্ড যেন ( সর্বপের দ্বারা ) বিরজাতে ভাসিয়া বেড়াইতেছে। এইরূপ অর্থ না করিলে ১।৫।৪২ পয়ারোক্তির সহিত ২।১৫।১৭৫ পয়ারোক্তির সঙ্গতি থাকিতে পারে বলিয়া মনে হয় না। বিশেষতঃ ১৭০-১৭৮ পয়ারে যাহা বলা হইয়াছে, সমস্তই রূপকের সাহায্যেই প্রকাশ করা হইয়াছে; সুতরাং পূর্বোক্তিতে রূপকমূলক ব্যাখ্যা

তার এক-রাই-নাশে হানি নাহি মানি ।

এঁছে এক অগুনাশে কৃষ্ণের নাহি হানি ॥ ১৭৬

সব-ব্রহ্মাণ্ড-সহ যদি মায়ায় হয় ক্ষয় ।

তথাপি না মানে কৃষ্ণ কিছু অপচয় ॥ ১৭৭

কোটিকামধেনুপতির ছাগী যৈছে মরে ।

ষড়ৈশ্বর্যপতি কৃষ্ণের মায়া কিবা করে ? ॥ ১৭৮

তথাহি ( ভাঃ ১০।৮৭।১৪ )—

জয় জয় জহুজামজিত দোষগৃভীতগুণাং

স্বমসি বদাঅনা সমবরুদ্বসমস্তভগঃ ।

অগজগদোকসামখিলশক্ত্যববোধক তে

কচিদজয়ায়না চ চরতোহম্মচরেন্নিগমঃ ॥ ৪ ॥

শ্লোকের সংস্কৃত টীকা ।

জয় জয়েতি । ভো অজিত ! জয় জয় উৎকর্ষণাবিস্ক্রুর আদরে বীণা । কেন ব্যাপারেণ ? অগজগদোকসাং অগানি স্থাবরাণি জগন্তি জগমানি চ ওকাংসি শরীরানি যেষাং জীবানাং তেষামজাং অবিজ্ঞাং জহি নাশয় । কিমিতি গুণবতী হস্তব্যোত্যত আহঃ—দোষগৃভীতগুণাং দোষায়ানন্দাচ্ছাবরণায় গৃভীতা গুণা যয়া তাম্ “হুগ্রহোর্ভশ্চন্দসি” ইতি ভকারঃ ইয়ং হি শ্বৈরিণীব পরপ্রতারণায় গুণান্ গৃহ্নাত্যতো হস্তব্যোতি তর্হি ময়াপি দোষমাবহেদিতি ময়াপি তত্র কা শক্তিঃ শ্রাদত আহঃ—স্বমিতি । যদ্যশ্বাদ্বমাঅনা স্বরূপেণৈব সমবরুদ্বসমস্তভগঃ সম্ভ্রাপ্তসমস্তৈশ্বর্যোহসি বশীকৃতমায়ত্বাদিতি ভাবঃ । নহু স্বয়মেব তে জ্ঞানবৈরাগ্যাদিনা কিং ন হন্যুরিত্যত আহঃ—অখিলশক্ত্যববোধকেতি । তেষাং স্বমেবাস্ত্বর্য়ামী সর্গশক্ত্যববোধকঃ অতো ন তে জ্ঞানাদৌ স্বতন্ত্রা ইতি ভাবঃ । নহমকুণ্ডজ্ঞানৈশ্বর্যাদিগুণো জীবানাং কৰ্মজ্ঞানাশিত্যববোধনেন অবিজ্ঞাহস্তেত্যত্র কিং প্রমাণমিতি চেদহমেব প্রমাণমিত্যাহ, নিগমো বেদঃ, নহেবস্তুতে ময়ি কথং শ্রুতীনাং প্রবৃতিস্তত্রাহ—কচিদিতি । কদাচিৎ সৃষ্টাদিসময়ে অজয়া মায়ুচরতঃ ক্রীড়তো নিত্যং চালুপ্তভগতয়া সত্যজ্ঞানানন্তানন্দমাত্রৈকরসেনাঅনা চ চরতো বর্তমানশ্চ নিগমোহম্মচরেৎ প্রতিপাদয়েৎ কৰ্মণি যেষ্যো “যতো বা ইমানি ভূতানি জায়ন্তে । যো ব্রহ্মাণং বিদধাতিপূর্কং যো বৈ বেদাংশ্চ প্রহিণোতি তস্মৈ । তং হ দেবনাস্তবুদ্ধিপ্ৰকাশং মুমুকুর্কৈ শরণমহং প্রপণ্ডে । য আত্মনি তিষ্ঠন্ সত্যং জ্ঞানমনস্তং ব্রহ্ম । যঃ সর্বজ্ঞঃ সর্ববিৎ” ইত্যাদি নিগমকদম্ব-স্বামেবস্তুতং প্রতিপাদয়তীত্যর্থঃ ॥ স্বামী । ৪

গৌর-কৃপা-তরঙ্গিণী টীকা ।

এস্থলে অসমীচীন হইবে বলিয়াও আশঙ্কা করা যায় না । এইরূপ অর্থে তাতে ভাসে মায়া—এস্থলে ভাসে অর্থ হইবে—যেন ভাসে, ভাসে বলিয়া মনে হয় ।

১৭৬-৭৮ । এক অগুনাশে—একটি ব্রহ্মাণ্ড নষ্ট হইলে ; একটি ব্রহ্মাণ্ডের জীবগণ উদ্ধার পাইয়া গেলে ।

অপচয়—ক্ষতি । কোটিকামধেনুপতির—বাঁহার কোটি কোটি কামধেনু আছে, তাঁহার ।

কোটি কামধেনুর তুলনায় একটা ছাগী যেমন অতি তুচ্ছ, তদ্রূপ ভগবানের চিন্ময় ঐশ্বর্যের বিলাসরূপ পরব্যোমাদি-অপ্রাকৃত ধামসমূহের তুলনায় সমগ্র মায়িক-ব্রহ্মাণ্ড অতি তুচ্ছ । কোটিকামধেনুপতির একটা ছাগী মরিয়া গেলে যেমন তাঁহার কোনও ক্ষতিই হয় না, তদ্রূপ পরব্যোমাদি-চিন্ময় রাজ্যের অধিপতি শ্রীকৃষ্ণেরও—সমগ্র প্রাকৃত ব্রহ্মাণ্ড উদ্ধার পাইয়া গেলেও ক্ষতি নাই ।

ষড়ৈশ্বর্য-পতিকৃষ্ণের ইত্যাদি—শ্রীকৃষ্ণের ষড়ৈশ্বর্য হইল তাঁহার চিচ্ছক্তির বিলাস-বিশেষ ; এস্থলে ষড়ৈশ্বর্য-পতি-শব্দে তিনি যে চিচ্ছক্তির অধিপতি, তাহাই সূচিত হইতেছে ; তাঁহার চিচ্ছক্তিই তাঁহার সমগ্র ঐশ্বর্যের এবং সমগ্র বৈভবের একমাত্র হেতু ; মায়িক-বৈভবের হেতুও তাঁহার চিচ্ছক্তিই ; চিচ্ছক্তির প্রভাবেই মায়ায় প্রভাব—দৃষ্টিদ্বারা ভগবান্ যখন মায়াতে শক্তিসঞ্চার করেন, তখনই মাত্র মায়া স্বীয় কার্যের উপযোগিনী শক্তি লাভ করিয়া থাকে ; ভগবান্ মায়াতে শক্তিসঞ্চার না করিলে মায়া কিছুই করিতে পারে না । মায়া যদি নাও থাকে, তাহা হইলেও ভগবানের চিচ্ছক্তি এবং চিচ্ছক্তি-সম্ভূত ষড়ৈশ্বর্যাদি সমস্ত বৈভবই তাঁহার থাকিবে ; সূতরাং মায়ায় অভাব



গৌর-রূপা-তরঙ্গিণী টীকা ।

হইলেও বড়ৈধৰ্ম্মাশালী তগবানের কিছু আসিয়া যায় না। ইহাই এই পয়ারার্দ্ধের তাৎপর্য। বস্তুতঃ মায়া নিত্য, ভগবৎ-শক্তি; স্তুরাং মায়ার স্বরূপতঃ না থাকার প্রশ্নই উঠেনা। নিত্য বলিয়া মায়া সৰ্ব্বদাই থাকিবে, মায়ার বিনাশও কিছুতেই হইতে পারেনা; তবে জীবের উপর তাহার প্রভাব ভগবৎ-রূপায় বিনষ্ট হইতে পারে। ১৭৭-পয়ারে যে মায়ার ক্ষয়ের কথা বলা হইয়াছে, তাহার তাৎপর্য—মায়ার প্রভাবের ক্ষয়। ভগবান্ যে মায়ার অপেক্ষা রাখেন না, তাহা ব্যক্ত করাই এই (১৭৮)-পয়ারার্দ্ধের তাৎপর্য বলিয়া মনে হয়। ২১২-১২০৪ পয়ারের টীকা দ্রষ্টব্য।

পূর্ববর্তী ১৭১-৭৩ পয়ারের টীকার শেষাংশ দ্রষ্টব্য। এসমস্ত ব্যবহারিক দৃষ্টিমূলক উক্তির স্থূল মর্ম্ম এই যে—এক ব্রহ্মাণ্ড তো দূরের কথা, অনায়াসে সমস্ত ব্রহ্মাণ্ডের উদ্ধার সাধন করিতেও তিনি সমর্থ—যেহেতু তিনি বড়ৈধৰ্ম্ম-পতি, মায়াশক্তিরও অধীশ্বর; মায়ার অধীশ্বর বলিয়া ব্রহ্মাণ্ডসমূহকে মায়ার কবল হইতে মুক্ত করা তাঁহার পক্ষে অতি সহজ এবং এ কাজ তিনি বাতীত আর কেহ করিতেও পারে না; কারণ, অপর কাহারও মায়ার উপর কোনও কর্তৃত্বই নাই। এই উক্তির প্রমাণরূপে নিম্নে একটি শ্লোক উদ্ধৃত হইয়াছে।

শ্লো। ৪। অজয়। অজিত (হে অজিত) ! জয় জয় (তোমার জয় জয়); অগজগদোকমাং (স্বাবর-জঙ্গম-শরীরধারী জীবগণের) দোষগৃভীতগুণাং (আনন্দাদির আবরক-গুণবিশিষ্টা) অজাং (অবিষ্টাকে) জহি (বিনাশ কর); যৎ (যেহেতু) স্বং (তুমি) আত্মনা (স্বরূপদ্বারাই—স্বরূপভূত-চিহ্নজ্ঞিতদ্বারা) সমবরুদ্ধসমস্তভগঃ (সমস্ত ঐশ্বর্য্যকে সম্যক্রূপে প্রাপ্ত) অসি (আছ—হইয়াছ)। অখিলশক্ত্যববোধক (হে জীবগণের অখিল-শক্তির প্রকাশক) ! কচিৎ (কোনও সময়ে—সৃষ্টিসময়ে) অজয়া (মায়ার সহিত) চরতঃ (ক্ৰীড়াপরায়ণ) আত্মনাচ (এবং নিত্য-সচ্চিদানন্দবিগ্রহ বলিয়া স্ব-স্বরূপের সহিতও) [চরতঃ] (বিচ্যমান) তে (তোমাকে) নিগমঃ (শ্রুতি) অহুচরেৎ (প্রতিপাদন করেন)।

অনুবাদ। হে অজিত ! তোমার জয়, তোমার জয় (তুমি স্বীয় সর্বোৎকর্ষে বিরাজ কর)। স্বাবরদেহধারী ও জঙ্গমদেহধারী জীবগণের আনন্দাদির আবরক গুণ-বিশিষ্ট মায়াকে তুমি বিনষ্ট কর; যেহেতু, স্বরূপভূত চিহ্নজ্ঞিতদ্বারাই তুমি সমস্ত ঐশ্বর্য্যকে প্রাপ্ত হইয়াছ। হে জীবগণের অখিলশক্তির উদ্বোধক ! সৃষ্টিসময়ে তুমি যখন মায়ার সহিত ক্ৰীড়া কর এবং নিত্য সচ্চিদানন্দবিগ্রহবশতঃ স্ব-স্বরূপেও বিচ্যমান থাক (অর্থাৎ স্বস্বরূপে বিচ্যমান থাকিয়া স্বীয় নিত্যলীলাদিও সম্পাদন কর), তখন শ্রুতিগণ তোমাকে প্রতিপন্ন করিয়া থাকেন। ৪

শ্রীকৃষ্ণের প্রতি শ্রুতিগণের (শ্রুতির অধিষ্ঠাত্রী দেবীগণের) উক্তি এই শ্লোক। শ্রুতিগণ বলিলেন—হে অজিত ! মায়াদ্বারা অনতিভূত হে পরমেশ্বর। জয়জয়—তোমার জয়, তোমার জয়; তুমি তোমার উৎকর্ষকে আবিষ্কার কর, তোমার উৎকর্ষকে প্রকটিত কর। কিরূপে উৎকর্ষকে আবিষ্কার করিবেন? তাহা বলিতেছেন—অগজগদোকমাং—অগ (গতি নাই যাদের, স্বাবর-বস্তুসমূহ) এবং জগ (গমন করে যাহারা, জঙ্গম-বস্তুসমূহ) ওকঃ (শরীর) যাহাদের, স্বাবরদেহে ও জঙ্গমদেহে অবস্থিত আছে যে সমস্ত জীব, সে সমস্ত স্বাবর-জঙ্গমদেহধারী জীবগণের; মনুষ্য-পশু-পক্ষি-কীট-পতঙ্গ-বৃক্ষ-লতাদির অজাং—অবিষ্টাকে, মায়াকে জহি—নাশ কর; সমস্ত জীবের অবিষ্টাকে বিনষ্ট করিয়া, সকলের মায়াবন্ধন ঘুচাইয়া তুমি তোমার উৎকর্ষ প্রকটিত কর। টীকায় শ্রীপাদ বিশ্বনাথ চক্রবর্তী বলিয়াছেন—শ্রুতিগণ বলিতেছেন, “রূপাপূর্ব্বক জীবদিগকে তোমার স্বচরণ-মাধুর্য্য আশ্বাদন করাইয়া তোমার উৎকর্ষ খ্যাপিত কর; জীবের পক্ষে তোমার চরণ-সেবাপ্রাপ্তির অন্তরায়স্বরূপ অবিষ্টাকে বিনষ্ট কর। (ধেন পুনরায় সৃষ্টি-আদিতে প্রবৃত্ত হইয়া জীবদিগকে পুনরায় দুঃখ দিতে না পারে—বৈষ্ণবতোষণী)।” গুণবতী মায়াকে কেন হনন করিব? কেন বিনষ্ট করিব? এইরূপ প্রশ্ন আশঙ্কা করিয়া বলিতেছেন—দোষগৃভীতগুণাং—দোষের নিমিত্ত (গৃভীত) গৃহীত হইয়াছে গুণ যদ্বারা, তাদৃশী মায়াকে নষ্ট কর; গুণকে গ্রহণ করিয়া মায়া গুণবতী হইয়াছে সত্য; কিন্তু মায়া গুণকে গ্রহণ করিয়াছে কেবল দোষের নিমিত্ত—জীবমায়াংশে, জীবের জ্ঞান ও আনন্দাদিকে এবং জীবের স্বরূপজ্ঞানকে আবৃত করিবার নিমিত্ত এবং জীবের চিত্তকে ভগবান্ হইতে বিক্ষিপ্ত করিবার নিমিত্ত; আর গুণমায়াংশে,

গৌর-রূপা-ভরঙ্গিণী টীকা ।

জীবকে প্রাকৃত ভোগ্যবস্তুতে প্রলুব্ধ করাইবার উদ্দেশ্যে ত্রিগুণদ্বারা নানাবিধ ভোগ্যবস্তু প্রস্তুত করিয়া এবং জীবের প্রাকৃত ভোগ্যতন দেহ প্রস্তুত করিয়া জীবকে সর্বতোভাবে তোমা হইতে বহিষ্কৃত করিবার নিমিত্ত । স্বৈরিণী নারী যেমন পরকে প্রতারিত করিবার নিমিত্তই মিষ্টভাবিতাদিগুণকে অবলম্বন করে, তদ্রূপ এই মায়াও জীবের স্বরূপজ্ঞানকে আবৃত করিয়া, ভগবান্ হইতে জীবের চিত্তকে বিক্ষিপ্ত করিয়া বিষয়ে আসক্তি জন্মাইবার নিমিত্তই এবং এইরূপে জীবের সর্বনাশ করিবার নিমিত্তই গুণসমূহকে গ্রহণ করিয়াছে ; সুতরাং এই মায়া হত হওয়ার—বিনষ্ট হওয়ারই—যোগ্যা ; এই মায়া বিনষ্ট হইলে জীবের আর অমঙ্গলের আশঙ্কা থাকে না । আচ্ছা, বুঝা গেল, মায়াকে বিনষ্ট করাই সম্ভব ; কিন্তু তাহাকে বিনষ্ট করার উপযোগিনী কি শক্তি আমার আছে ? এরূপ প্রশ্ন আশঙ্কা করিয়া বলিতেছেন—তুমি—তুমি আত্মনা—স্বরূপদ্বারা, স্বরূপভূত চিচ্ছক্তিদ্বারা সমবরুদ্ধসমস্তভগঃ—সমবরুদ্ধ (সম্প্রাপ্ত) হইয়াছে সমস্ত ভগ (ঐশ্বর্য) যদ্বারা তাদৃশ,—সমস্ত ঐশ্বর্যকে সম্যকরূপে প্রাপ্ত হইয়াছ ; স্বরূপতঃই সমস্ত ঐশ্বর্য তোমাতে বর্তমান—স্বরূপতঃই তুমি সর্ববিধ ঐশ্বর্যপরিপূর্ণ বলিয়া এবং তুমি মায়াকর্তৃক অজিত—অনভিভূত—অপরাজিত বলিয়া এই মায়া স্বীয়গুণে ব্রহ্মাদিকে পর্যন্ত অভিভূত করিয়াছে, কেবলমাত্র তোমাকেই অভিভূত করিতে পারে নাই বলিয়া (চক্রবর্তী), সুতরাং চিচ্ছক্তির বিলাসভূত-ঐশ্বর্যদ্বারা জড়রূপা মায়াকে বশীভূত করিয়াছ বলিয়া—স্থলতঃ, তুমি মায়াধীশ বলিয়া, মায়াকে বিনষ্ট করার—শক্তি তোমার আছে । আচ্ছা, জ্ঞান-বৈরাগ্যাদির সাধন করিয়া জীবগণ নিজেরাই মায়াকে—তাহাদের মায়াবন্ধনকে—বিনষ্ট করুক না কেন ? এরূপ প্রশ্নের আশঙ্কা করিয়া বলিয়াছেন—হে অখিলশক্ত্যববোধক—হে সমস্ত শক্তির উদ্বোধক । তুমিই জীবগণের অন্তর্যামী ; সুতরাং তুমিই তাহাদের সমস্ত-শক্তির উদ্বোধক বা প্রকাশক ; সুতরাং জ্ঞান-বৈরাগ্যাদির সাধনে তাহাদের স্বাভাব্য নাই ; কিরূপে তাহারা তদ্রূপ সাধন করিবে ? তুমি অকুণ্ঠ-জ্ঞানৈশ্বর্যাদিগুণবৃত্ত ; তুমি যদি রূপা করিয়া সাধনাবিষয়ে জীবগণের কন্মজ্ঞানাদি-শক্তিকে উদ্বুদ্ধ করিয়া দাও, তাহা হইলে তোমার রূপায় এবং তোমারই শক্তির সাহায্যে তাহারা হয়ত মায়াবন্ধন হইতে মুক্ত হইতে পারে । বৈষ্ণবতোষণী বলিয়াছেন—শ্রীকৃষ্ণ যদি বলেন, “মায়া হইল আমার প্রাকৃত বৈভবের হেতু ; তাহার বিনাশে আমারই ক্ষতি ; সুতরাং কেন মায়াকে বিনষ্ট করিয়া আমি নিজের ক্ষতি করিব ?” তদুত্তরে শ্রুতিগণ বলিতেছেন—“তুমি আত্মনা সমবরুদ্ধসমস্তভগঃ—আত্মনা—তোমার স্বরূপভূত পরমানন্দদ্বারাই এবং সেই পরমানন্দ হইতে অভিন্ন তোমার স্বরূপ-শক্তিদ্বারাই সম্যকরূপে সমস্ত ঐশ্বর্যদ্বারা পরিপূর্ণ ।” ব্যঞ্জনা এই যে, “তোমার স্বরূপ-শক্তি এবং তোমার স্বরূপভূত পরমানন্দই তোমার সমগ্র ঐশ্বর্যের, সমগ্র বৈভবের মূল । মায়ার যে বৈভব, তাহাও তোমার স্বরূপশক্তির রূপাভেদেই, জড়মায়া নিজে কোনও বৈভবের হেতু হইতে পারে না । সুতরাং তোমার স্বরূপ-শক্তির তুলনায় জড়মায়া অতি তুচ্ছ ; তোমার সমস্ত বৈভবের একমাত্র হেতু তোমার স্বরূপ-শক্তি তো পরমানন্দধন-তোমাতে নিত্যই বর্তমান । তুচ্ছ মায়া না থাকিলেই বা তোমার কি আসে যায় ? নিরবচ্ছিন্নভাবে আনন্দদায়িকা তোমার স্বরূপশক্তি কোটিকামধেনুর তুল্য ; আর মায়া হইল একটা ছাগীর তুল্য । কোটিকামধেনুপতির ছাগীতে কি প্রয়োজন ? সুতরাং তুমি রূপা করিয়া মায়াকে নষ্ট কর ।” শ্রুতিগণের কথার উত্তরে শ্রীকৃষ্ণ যদি বলেন—“আচ্ছা, আমার যে এতাদৃশী স্বরূপশক্তি আছে, তাহার প্রমাণ কি ?” এই প্রশ্নের উত্তরেই যেন বলা হইতেছে—তুমি অগজগদোকসাং অখিলশক্ত্যববোধক (তোষণীকার অগজগদোকসাম্-শব্দকে অখিলশক্ত্যববোধক-শব্দের সঙ্গে যুক্ত করিয়া ব্যাখ্যা করিয়াছেন । অষ্ট টীকাকারগণ পূর্বোল্লিখিতরূপে অর্থাৎ অগজগদোকসাম্-এর সঙ্গে অজাম্-শব্দের যোগ করিয়া অর্থ করিয়াছেন )—অগানি সৰ্বদা স্থিরাণি বৈকুণ্ঠানি জগন্তি চ অস্থিরাণি ব্রহ্মাণ্ডানি ওকাংসি যেষাং তেষাং জীবানাং বা অখিলাঃ অপ্রাকৃত্যঃ প্রাকৃত্যঃ বা শক্তয়ঃ সন্তি হে তদববোধক তচ্ছক্তীনাংপি শক্তিহ্রদায়কেতি । অগ-শব্দের অর্থ গতিহীন, চিরস্থির, নিত্য ; এইরূপে অগ-শব্দে বৈকুণ্ঠাদি ভগবদ্ধামকে বুঝায় । আর জগৎ-শব্দে গতিশীল, অস্থির, অনিত্য বুঝায় । তাই জগৎ-শব্দে প্রাকৃত ব্রহ্মাণ্ডাদিকে বুঝায় । তাহা হইলে অগজগদোকসাম্-

এইমত সব ভক্তের কহি সে-সে গুণ ।  
 সবাকে বিদায় দিলা করি আলিঙ্গন ॥ ১৭৯  
 প্রভুর বিচ্ছেদে ভক্ত করয়ে ক্রন্দন ।  
 ভক্তের বিচ্ছেদে প্রভুর বিষয় হৈল মন ॥ ১৮০  
 গদাধর পণ্ডিত রহিলা প্রভুপাশে ।  
 যমেশ্বরে প্রভু তার করাইলা আবাসে ॥ ১৮১  
 পুরীগোসাঞি জগদানন্দ স্বরূপদামোদর ।

দামোদরপণ্ডিত আর গোবিন্দ কাশীশ্বর ॥ ১৮২  
 এইসব সঙ্গে প্রভু বৈসে নীলাচলে ।  
 জগন্নাথ-দর্শন নিত্য করে প্রাতঃকালে ॥ ১৮৩  
 একদিন প্রভু-পাশে আসি সার্বভৌম ।  
 ঘোড়হাত করি কিছু কৈল নিবেদন— ॥ ১৮৪  
 এবে সব বৈষ্ণব গোড়দেশে গেলা ।  
 এবে প্রভুর নিমন্ত্রণের অবসর হৈলা ॥ ১৮৫

গৌর-কৃপা-তরঙ্গিনী ঢাকা ।

শব্দের অর্থ হইল—নিত্য ভগবদ্ধামাদি এবং অনিত্য প্রাকৃত ব্রহ্মাণ্ডাদি শরীর হইল যে সমস্ত জীবের, তাহাদের । সে সমস্ত জীবের অখিল-শক্তির উদ্বোধক হইলেন শ্রীকৃষ্ণ । ভগবদ্ধামাদিতে যে সমস্ত জীব আছেন, তাঁহাদের সমস্ত অপ্রাকৃত শক্তির উদ্বোধক বা হেতু তো শ্রীকৃষ্ণের স্বরূপশক্তিই, যেহেতু সেখানে মায়ার গতি নাই, অধিকন্তু প্রাকৃত ব্রহ্মাণ্ডবাসী জীবসমূহের প্রাকৃত শক্তির উদ্বোধকও কৃষ্ণের চিদ্রূপা স্বরূপশক্তিই ; যেহেতু অচিদ্রূপা মায়ার তাদৃশ কোনও সামর্থ্যই নাই । সুতরাং স্বরূপশক্তিই শ্রীকৃষ্ণের সমস্ত বৈভবের হেতু, মায়া নহে । শ্রুতিদের কথা শুনিয়া শ্রীকৃষ্ণ যদি বলেন—“এ সমস্ত তো হইল তোমাদের যুক্তিমাত্র ; কিন্তু আমার স্বরূপশক্তিই যে আমার সমস্ত বৈভবের একমাত্র হেতু, স্বরূপ-শক্তি আছে বলিয়া আমি যে মায়াকে বিনষ্ট করিতে পারি, মায়াকে বিনষ্ট করিলেও যে আমার বৈভবের কোনও ক্ষতি হইবেনা, তাহার কোনও প্রত্যক্ষ প্রমাণ আছে কি ?” তদুত্তরেই যেন শ্রুতিগণ বিনীতভাবে বলিতেছেন—“প্রমাণ আছে, এই আমরাই তাহার প্রমাণ ; নিগমরূপে আমরাই তাহার সাক্ষী । শ্রুতিরূপে আমরাই প্রতিপন্ন করিয়া থাকি যে—যখন তুমি পুরুষরূপে মায়াতে শক্তিসঞ্চার করিয়া মায়ার সহিত সৃষ্টিকার্যরূপ লীলা করিয়া থাক, ঠিক সেই সময়েও নিত্য-সচ্চিদানন্দ-বিগ্রহে তোমার অপ্রাকৃত চিন্ময়ধামে তোমার স্বরূপ-শক্তির বিলাসীভূত নিত্যপরিকরদের সহিত তোমার আনন্দময়ী লীলায় বিলাসবান্ থাক । তোমার ধাম, তোমার পরিকর, তোমার লীলা—সমস্তই তোমার স্বরূপ-শক্তির বৈভব । আর, তোমার স্বরূপ-শক্তির কৃপাতেই তোমার সৃষ্টিলীলাতে মায়া তোমার সহায়িনী হইতে পারে ; তোমার স্বরূপ-শক্তির কৃপা পায় না বলিয়াই মহাপ্রলয়ে মায়া নিশ্চেষ্টা থাকে । সুতরাং তোমার স্বরূপ-শক্তিই তোমার সমস্ত বৈভবের হেতু ; মায়া না থাকিলেও তোমার কোনও হানি হইবেনা ; তাই মায়াকে বিনষ্ট কর ।” নিগমঃ—বেদ । ক্বচিৎ—কোনও সময়ে অর্থাৎ সৃষ্টাদি-সময়ে অজয়া—মায়ার সহিত চরতঃ—ক্রীড়াপরায়ণ ছিলে যখন তুমি অর্থাৎ মায়ার সহিত ক্রীড়ার সমকালেই আত্মনাচ—তোমার নিত্য-সচ্চিদানন্দবিগ্রহত্বপ্রযুক্ত একস্বরূপে তোমার চিচ্ছক্তির বিলাসভূত নিত্যপরিকরাদির সহিতও যখন ক্রীড়া করিতেছিলে—অর্থাৎ যখন তুমি তোমার নিত্যপরিকরদের সহিত নিতালীলা করার সময়েই অজ্ঞ স্বরূপে সৃষ্টাদি-সময়ে মায়ার সহিত ক্রীড়া করিতেছিলে, তখন বেদ তোমাকে অনুচরেৎ—“যতো বা ইমানি ভূতানি জায়ন্তে”, “যো ব্রহ্মাণং বিদধাতিপূর্বে যো বৈ বেদাংচ প্রহিণোতি তমৈ । তংহ দেবমায়বুদ্ধিপ্রকাশং মুমুকুর্কৈ শরণমহং প্রপদ্যে ।”—ইত্যাদি বাক্যে—তোমার যে তাদৃশী শক্তি আছে, তাহা প্রতিপাদন করিয়াছেন ।

ব্রহ্মাণ্ডসমূহকে অনায়াসে মায়াবদ্ধন হইতে মুক্ত করার শক্তি যে ভগবান্ শ্রীকৃষ্ণেরই আছে, তাহার প্রমাণ এই শ্লোক । জীবের কল্যাণের নিমিত্ত শ্রুতিগণের অপরিসীম উৎকণ্ঠার কথাও এই শ্লোক হইতে জানা যায় ।

১৭৯ । এই মত—১৬৯-১৭৮ পর্য্যায়োক্তি মত । সে-সে গুণ—যাহার যে গুণে প্রভু মুগ্ধ, সেই গুণের কথা ।

১৮১ । যমেশ্বরে—যমেশ্বরটোটা নামক স্থানে । আবাসে—বাসস্থান ; থাকিবার যায়গা ।

১৮৫ । অবসর—অবকাশ ; গোড়ের বৈষ্ণবগণ যখন নীলাচলে ছিলেন, তখন তাঁহারাই কেহ না কেহ প্রভুকে সর্বদা নিমন্ত্রণ করিতেন ; অপরের পক্ষে তখন নিমন্ত্রণ করা সম্ভব হইত না ।

এবে মোর ঘরে ভিক্ষা কর মাস-ভরি ।  
 প্রভু কহে—ধর্ম্য নহে, করিতে না পারি ॥ ১৮৬  
 সার্বভৌম কহে—ভিক্ষা কর বিশ দিন ।  
 প্রভু কহে—এহো নহে যতি-ধর্ম্যচিহ্ন ॥ ১৮৭  
 সার্বভৌম কহে—কর দিন পঞ্চদশ ।  
 প্রভু কহে—তোমার ভিক্ষা এক-দিবস ॥ ১৮৮  
 তবে সার্বভৌম প্রভুর চরণ ধরিয়া ।  
 ‘দশদিন কর’ কহে মিনতি করিয়া ॥ ১৮৯  
 প্রভু ক্রমে ক্রমে পঞ্চদিন ঘাটাইল ।  
 পঞ্চদিন তার ভিক্ষা নিয়ম করিল ॥ ১৯০  
 তবে সার্বভৌম করে আর নিবেদন—  
 তোমার সঙ্গে সন্ন্যাসী আছে দশজন ॥ ১৯১  
 পুরীগোসাঞির পঞ্চদিন ভিক্ষা মোর ঘরে ।  
 পূর্বের আমি করিয়াছি তোমার গোচরে ॥ ১৯২  
 দামোদরস্বরূপ হয় বান্ধব আমার ।  
 কভু তোমার সঙ্গে যাবে কভু একেশ্বর ॥ ১৯৩  
 আর অষ্ট সন্ন্যাসীর দুই দুই দিবসে ।

একেকদিন একেকজন—পূর্ণ হৈল মাসে ॥ ১৯৪  
 বহুত সন্ন্যাসী যদি আইসে এক ঠাঞি ।  
 সম্মান করিতে নারি, অপরাধ পাই ॥ ১৯৫  
 তুমি নিজ ছায়া-সঙ্গে আসিবে মোর ঘর ।  
 কভু সঙ্গে আসিবেন স্বরূপদামোদর ॥ ১৯৬  
 প্রভুর ইঙ্গিত পাঞা আনন্দিত মন ।  
 সেইদিন মহাপ্রভুর কৈল নিমন্ত্রণ ॥ ১৯৭  
 ষাঠীর মাতা নাম—ভট্টাচার্য্যের গৃহিণী ।  
 প্রভুর মহা ভক্ত তেঁহো স্নেহেতে জননী ॥ ১৯৮  
 ঘরে আসি ভট্টাচার্য্য তাঁরে অঞ্জা দিল ।  
 আনন্দে ষাঠীর মাতা পাক চড়াইল ॥ ১৯৯  
 ভট্টাচার্য্য-গৃহে সব দ্রব্য আছে ভরি ।  
 যেবা শাকফলাদিক আনাইল আহরি ॥ ২০০  
 আপনে ভট্টাচার্য্য করে পাকের সব কর্ম্ম ।  
 ষাঠীর মাতা বিচক্ষণা জানে পাকমর্ম্ম ॥ ২০১  
 পাকশালার দক্ষিণে দুই ভোগালয় ।  
 এক ঘরে শালগ্রামের ভোগসেবা হয় ॥ ২০২

গৌর-রূপা-তরঙ্গিনী টীকা ।

১৮৬। মাসভরি—মাস ভরিয়া প্রত্যহ । ধর্ম্য নহে—ক্রমাগত একমাস এক জনের গৃহে আহার করা সন্ন্যাস-ধর্ম্মের বিরোধী ।

১৮৭। নহে যতিধর্ম্য চিহ্ন—সন্ন্যাস-ধর্ম্মের লক্ষণ নহে ।

১৯০। ঘাটাইল—কমাইল ।

১৯২। পুরী গোসাঞি—পরমানন্দ পুরী ।

১৯৪। ত্রিশ দিনে মাস ; তন্মধ্যে মহাপ্রভুর পাঁচ দিন, পুরী গোস্বামীর পাঁচ দিন, আটজন সন্ন্যাসীর প্রত্যেকের দুই দিন করিয়া ষোল দিন—এই হইল মোট ছাব্বিশ দিন ; বাকী চারিদিনের মধ্যে দুই দিন ( কি ক্চিৎ তিন দিন ) একাদশী বাদ ; বাকী দুই দিন ( কি ক্চিৎ এক দিন ) একাকী-স্বরূপদামোদরের ; স্বরূপদামোদর মাঝে মাঝে প্রভুর সঙ্গেও যাইতেন । এই নিয়মে সার্বভৌমের গৃহে প্রভুর ও সন্ন্যাসীদের নিমন্ত্রণ হইত ।

১৯৫। সকল সন্ন্যাসীকে একই দিনে একত্রে নিমন্ত্রণ করা হয় নাই কেন, তাহার কারণ বলিতেছেন ।

১৯৬। নিজ ছায়া-সঙ্গে—একাকী ; নিজের ছায়া ব্যতীত তোমার সঙ্গে আর কেহ থাকিবে না ।

১৯৮। ষাঠী—সার্বভৌ-ভট্টাচার্য্যের কন্যা ।

২০০। যেবা শাকফলাদিক—যে সকল শাক বা ফলাদি ঘরে ছিল না । আহরি—আহারণ করিয় ; সংগ্রহ করিয়া ।

২০১। বিচক্ষণা—পাক-কার্য্যে নিপুণা ।

আর ঘর মহাপ্রভুর ভিক্ষার লাগিয়া ।  
 নিভূতে করিয়াছেন নূতন করিয়া ॥ ২০৩  
 বাহে এক দ্বার তার প্রভু প্রবেশিতে ।  
 পাকশালার এক দ্বার অন্ন পরিবেশিতে ॥ ২০৪  
 বত্রিশ-কলার এক আঙ্গটিয়া পাত ।  
 তিন-মান-তগুলের তাতে ধরে ভাত ॥ ২০৫  
 পীত স্নগন্ধি ঘূতে অন্ন সিক্ত কৈল ।  
 চারিদিগে পাতে ঘৃত বাহিয়া চলিল ॥ ২০৬  
 কেয়াপত্র কলার খোলা ডোঙ্গা সারিসারি ।  
 চারিদিগে ধরিয়াছে নানা ব্যঞ্জন ভরি ॥ ২০৭  
 দশ প্রকার শাক, নিম্ব-স্নকুতার ঝোল ।  
 মরিচের ঝাল, ছানাবড়া বড়ী ঘোল ॥ ২০৮  
 দুধ-তুসী, দুধকুয়াণ্ড, বেসারি, লাফরা ।  
 মোচাঘন্ট, মোচাভাজা বিবিধ শাকরা ॥ ২০৯  
 বৃদ্ধকুয়াণ্ডবড়ীর ব্যঞ্জন অপার ।  
 ফুলবড়ী ফলমূলে বিবিধ প্রকার ॥ ২১০  
 নব-নিম্বপত্রসহ ভূষ্ট বার্তাকী ।

ফুলবড়ী পটোলভাজা কুয়াণ্ড মানচাকী ॥ ২১১  
 ভূষ্ট-মাষ, মুদগসূপ অমৃতে নিন্দয় ।  
 মধুরান্ন বড়ান্নাদি অন্ন পাঁচ ছয় ॥ ২১২  
 মুদগবড়া মাষবড়া কলা বড়া মিষ্ট ।  
 ক্ষীরপুলী নারিকেলপুলী আর যত পিষ্ট ॥ ২১৩  
 কাজিবিড়া দুধচিড়া দুধলকলকী ।  
 আর যত পিঠা কৈল কহিতে না শকি ॥ ২১৪  
 ঘৃতসিক্ত পরমান্ন মৃৎকুণ্ডিকা ভরি ।  
 চাঁপাকলা ঘনদুধ আত্র তাই ধরি ॥ ২১৫  
 রসলা, মথিত দধি, সন্দেশ অপার ।  
 গোড়ে উৎকলে যত ভক্ষ্যের প্রকার ॥ ২১৬  
 শ্রদ্ধা করি ভট্টাচার্য্য সব করাইল ।  
 শুভ্রপীঠ-উপরে শুভ্র বসন পাতিল ॥ ২১৭  
 দুই পাশে স্নগন্ধি-শীতল-জল ঝারী ।  
 অন্নব্যঞ্জন-উপরি দেন তুলসীমঞ্জরী ॥ ২১৮  
 অমৃতগুটিকা পিঠাপান্ন আনাইল ।  
 জগন্নাথের প্রসাদ সব পৃথক্ ধরিল ॥ ২১৯

গোর-কৃপা-তরঙ্গিনী টীকা ।

- ২০৩। নিভূতে—নির্জনে; যেন প্রভু আহারে বসিলে কেহ না দেখে ।  
 ২০৪। সেই ঘরটির দুইটি দ্বার—একটি বাহিরের দিকে, এই দ্বার দিয়া প্রভু আহারের সময় নেই ঘরে প্রবেশ করেন; আর একটি পাক-ঘরের দিকে; এই দ্বার দিয়া অন্ন-ব্যঞ্জনাদি আনিয়া প্রভুকে পরিবেশন করা হয় ।  
 ২০৫। বত্রিশাকলার ইত্যাদি—২৩৩২-৪০ পয়সার টীকা দ্রষ্টব্য । মান—চৌষটি তোলায় একমান ।  
 তিনমান-তগুলের—১২২ তোলা ( অর্থাৎ প্রায় আড়াই সের ) চাউলের ।  
 ২০৭। কেয়াপত্র ইত্যাদি—কেয়াপত্রের ডোঙ্গা এবং কলার পোলের ডোঙ্গা ব্যঞ্জনপূর্ণ করিয়া পাতের চারিদিকে রাখা হইয়াছে ।  
 ২০৮। নিম্ব-স্নকুতার ঝোল—নিম্ব পাতা ও পাট পাতার ঝোল । বড়ীঘোল—ঘোলের মধ্যে বড়ি দিয়া প্রস্তুত এক রকম জিনিস ।  
 ২০৯। দুধ-তুসী—দুধে পাক করা লাউ । দুধকুয়াণ্ড—দুধে পাক করা কুমড়া । বেসারী—ঘন্ট তরকারী ।  
 ২১১। ভূষ্ট বার্তাকী—বেগুণ ভাজা ।  
 ২১২। ভূষ্ট মাষ—ভাজা মাষকলাই । মধুরান্ন—মিষ্ট অম্বল । বড়ান্ন—বড়াসংযুক্ত অম্বল ।  
 ২১৪। কাজিবিড়া—কাজিমিশ্রিত বড়া । দুধলকলকি—মিষ্ট ও দুধ যোগে পাককরা চসিপিঠা ।  
 ২১৭। শুভ্রপীঠ—সাদা বসিবার আসন ।  
 ২১৮। দুইটি ঝারির একটীতে পা-ধোয়ার জল, আর একটীতে আচমনের জল ।



হেনকালে মহাপ্রভু মধ্যাহ্ন করিয়া ।  
 একলে আইলা তাঁর হৃদয় জানিয়া ॥ ২২০  
 ভট্টাচার্য্য কৈল তবে পাদপ্রক্ষালন ।  
 ঘরের ভিতর গেলা প্রভু করিতে ভোজন ॥ ২২১  
 অন্নাদি দেখিয়া প্রভু বিস্মিত হইয়া ।  
 ভট্টাচার্য্যে কহেন কিছু ভঙ্গী করিয়া—॥ ২২২  
 অলৌকিক এই সব অন্নব্যঞ্জন ।  
 দুই প্রহর ভিতরে কৈছে হইল রন্ধন ? ২২৩  
 শত-চুলায় যদি শতজন পাক করে ।  
 তবু শীঘ্র এত ব্যঞ্জন রান্নিতে না পারে ॥ ২২৪  
 কৃষ্ণ ভোগ লাগাইয়াছ অনুমান করি ।  
 উপরে দেখিয়ে যাতে তুলসীমঞ্জরী ॥ ২২৫  
 ভাগ্যবান তুমি, সফল তোমার উদ্যোগ ।  
 রাধাকৃষ্ণ লাগাইয়াছ এতাদৃশ ভোগ ॥ ২২৬  
 অন্নের সৌরভ বর্ণ পরমমোহন ।  
 রাধাকৃষ্ণ সাক্ষাৎ ইহা করিয়াছেন ভোজন ॥ ২২৭  
 তোমার বহুত ভাগ্য, কত প্রশংসিব ।

আমি ভাগ্যবান ইহার অবশেষ পাব ॥ ২২৮  
 কৃষ্ণের আসন পীঠ রাখ উঠাইয়া ।  
 মোরে প্রসাদ দেহ ভিন্ন পাত্রেতে করিয়া ॥ ২২৯  
 ভট্টাচার্য্য কহে—প্রভু ! না কর বিস্ময় ।  
 যে খাইবে, তার শক্ত্যে ভোগ সিদ্ধ হয় ॥ ২৩০  
 না মোর উদ্যোগে, না গৃহিণীর রন্ধনে ।  
 যার শক্ত্যে ভোগ সিদ্ধ, সে-ই তাহা জানে ॥ ২৩১  
 এই ত আসনে বসি করই ভোজন ।  
 প্রভু কহে—পূজ্য এই কৃষ্ণের আসন ॥ ২৩২  
 ভট্ট কহে—অন্ন পীঠ সমান প্রসাদ ।  
 অন্ন খাইবে, পীঠে বসিতে কাঁহা অপরাধ ? ॥ ২৩৩  
 প্রভু কহে—ভাল বলিলে, শাস্ত্র-আজ্ঞা হয় ।  
 কৃষ্ণের সকল শেষ ভক্ত আস্বাদয় ॥ ২৩৪

তথাহি ( ১১।৬।৬৪ )—

ত্বয়োপযুক্তস্রগন্ধ-বাসোহলঙ্কারচর্চিতাঃ ।

উচ্ছিষ্টভোজিনো দাসাস্তব মায়াং জয়েম হি ॥ ৫

শ্লোকের সংস্কৃত টীকা ।

তাত্ত্বমশবুবেব প্রার্থয়ে নতু মায়াভয়াদিত্যাহ ত্বয়েতি । মায়াং জয়েমেতি সা যদ্ব্যম্মান প্রতি বিক্রাম্যন্তী  
 আয়াতি তর্হ্যেতৈরেবাত্তৈঃ প্রবলীভূয় তাং জয়েম নতু জ্ঞানাভিরিত্যর্থঃ । চক্রবর্তী । ৫

গৌর-কৃপা-তরঙ্গিণী টীকা ।

২২০ । তাঁর হৃদয় জানিয়া—সার্কভোমের মনের ভাব বুঝিয়া । প্রভু একাকী আসুন, ইহাই সার্কভোমের  
 ইচ্ছা । পূর্ববর্তী ১২ পয়ারের টীকা দ্রষ্টব্য ।

২২১ । পাদপ্রক্ষালন—প্রভুর পাদ প্রক্ষালন ।

২৩৩ । অন্ন পীঠ সমান প্রসাদ—যাহা কিছু ভগবান্কে নিবেদন করা হয়, তাহাই প্রসাদ ; সুতরাং  
 নিবেদিত অন্ন যেমন প্রসাদী, নিবেদিত আসনও তেমনি প্রসাদী ।

২৩৪ । সকল শেষ—প্রসাদী সকল রকম দ্রব্যই । এই পরায়োক্তির প্রমাণরূপে নিম্নে একটি শ্লোক  
 উদ্ধৃত হইয়াছে ।

শ্লো। ৫ । অম্বয় । ত্বয়া ( তোমাকর্তৃক ) উপযুক্ত-স্রগন্ধবাসোহলঙ্কারচর্চিতাঃ ( উপভুক্ত মালা, চন্দনাদি  
 গন্ধদ্রব্য, বস্ত্র ও অলঙ্কারাদি দ্বারা সজ্জিত হইয়া ) উচ্ছিষ্টভোজিনঃ ( তোমার উচ্ছিষ্টভোজী ) দাসাঃ ( দাস আমরা ) তব  
 ( তোমার ) মায়াং ( মায়াকে ) হি ( নিশ্চিতই ) জয়েম ( জয় করিতে সমর্থ হইব ) ।

অনুবাদ । উদ্ধব শ্রীকৃষ্ণকে বলিলেন—“তোমাকর্তৃক উপভুক্ত মালা, চন্দনাদিগন্ধদ্রব্য, বস্ত্র ও অলঙ্কারাদি  
 দ্বারা সজ্জিত হইয়া তোমার উচ্ছিষ্টভোজী দাস আমরা তোমার মায়াকে নিশ্চিতই জয় করিতে সমর্থ হইব । ৫

গৌর-রূপা-তরঙ্গিণী টীকা ।

শ্রীকৃষ্ণকর্তৃক উপযুক্ত-অগংগ-বাসোহলকারচর্চিতাঃ—উপভুক্ত অক্ ( মালা ), গন্ধ ( চন্দনাদি গন্ধদ্রব্য ), বাস ( বস্ত্র ) এবং অলঙ্কার দ্বারা চর্চিত ( সজ্জিত ) হওয়াই শীল বা অভ্যাস যাহাদের ; শ্রীকৃষ্ণের প্রতি অত্যধিক প্রীতিবশতঃ শ্রীকৃষ্ণপ্রসাদী মালাদি গ্রহণ করিয়া আনন্দ পায় যাহারা এবং উচ্ছিষ্টভোজিনঃ—শ্রীকৃষ্ণের উচ্ছিষ্ট ( ভুক্তাবশেষ ) ভোজন করিতেই অভ্যস্ত যাহারা ; শ্রীকৃষ্ণের প্রতি অত্যধিক প্রীতিবশতঃ তাঁহার ভুক্তাবশেষ গ্রহণেই আনন্দ পায় যাহারা ; প্রীত্যাধিক্যবশতঃ প্রসাদী মালাদি কি ভুক্তাবশেষাদি যাহারা কখনও পরিত্যাগ করিতে পারে না, সেই দাসাঃ—শ্রীকৃষ্ণের দাস বা ভক্তগণ ।

শ্রীকৃষ্ণের প্রতি অত্যন্ত প্রীতিবশতঃই শ্রীউদ্ধবাদি শ্রীকৃষ্ণের উপভুক্ত মালাচন্দনাদি গ্রহণ না করিয়া থাকিতে পারেন না—পরিত্যাগ করিতে পারেন না ; তাই তাঁহারা বলিতেছেন—“আমরা তোমার প্রসাদী মালাচন্দনাদি গ্রহণ করিবই, তোমার উচ্ছিষ্ট ভোজন করিবই ।” প্রসাদী মালাদি গ্রহণে মায়াকে জয় করা যায় সত্য ; কিন্তু মায়ার ভয়ে ভীত হইয়াই যে মায়াকে জয় করার অভিপ্রায়ে শ্রীউদ্ধবাদি শ্রীকৃষ্ণপ্রসাদী মালাদি গ্রহণ করিবার ইচ্ছা প্রকাশ করিয়াছেন, তাহা নহে ; শ্রীকৃষ্ণের প্রতি প্রীত্যাধিক্যবশতঃ তাঁহারা তৎসমস্ত ত্যাগ করিতে অসমর্থ বলিয়াই ঐরূপ বলিয়াছেন । তবে মায়া যদি তাঁহাদিগকে আক্রমণ করিতে আসে, তাহা হইলে শ্রীকৃষ্ণপ্রসাদী মালাচন্দনাদিরূপ অস্ত্র-শস্ত্রে বলীয়ান হইয়াই তাঁহারা মায়াকেও পরাজিত করিবেন—কিন্তু মায়া-পরাজয়ের নিমিত্ত তাঁহারা জ্ঞান-বৈরাগ্যাদির আশ্রয় লইবেন না । এইরূপই চক্রবর্তিপাদের টীকাহুয়ারী এই শ্লোকের তাৎপর্য ।

শ্রীকৃষ্ণপ্রসাদী মালাচন্দনাদি সমস্তই যে ভক্তের গ্রহণীয়, তাহার প্রমাণ এই শ্লোক ।

এই শ্লোকে পীঠ-( শ্রীকৃষ্ণে নিবেদিত আসন )-সম্বন্ধে কোনও উল্লেখ নাই । অথচ পূর্ববর্তী ২৩৪ পয়ারোক্ত “কৃষ্ণের সকল শেষ ভক্ত আশ্বাদয়”—বাক্যের প্রমাণরূপেই এই শ্লোক উদ্ধৃত হইয়াছে । যথায়ুক্ত ব্যবহারেই আশ্বাদন । শ্রীকৃষ্ণের প্রসাদী মালাদি অঙ্গে ধারণেই তাহাদের আশ্বাদন ; শ্রীকৃষ্ণের ভুক্তাবশেষ ( উচ্ছিষ্ট ) ভোজনেই তাহার আশ্বাদন । শ্রীকৃষ্ণের প্রসাদী আসন-সম্বন্ধেই সার্বভৌমের সঙ্গে প্রভুর কথাবার্তা চলিতেছিল ; সুতরাং এই আসনও প্রভু-প্রোক্ত “সকল শেষের” অন্তর্ভুক্ত । অথচ শ্লোকে আসনের কথা নাই ; প্রভুও আসন গ্রহণ করিলেন । সাধক-ভক্তদের মধ্যে দেখা যায়, তাঁহারা শ্রীকৃষ্ণের আসনে উপবেশন করেন না, শ্রীকৃষ্ণের শয্যায় শয়ন করেন না ; এ সমস্ত সাধকদের নমস্ত । শাস্ত্রপ্রমাণ উদ্ধৃত করিয়া শ্রীশ্রীহরিভক্তিবিলাস বলিয়াছেন—শ্রীগুরুদেবের নির্মালা, শয্যা, পাতুকা, আসন, ছায়া, স্নানোদকাদি লজ্বন করিবে না ( ১৫২, ৫৬ ) । লজ্বন করিলেই তৎসমস্ত বস্তুর উপর দিয়া চরণাদি অধমাক্ষ চালাইয়া নিতে হয় ; তাহা অপরাধজনক । গুরুর পাতুকাকে সাধকগণ পূজাই করেন, স্বীয় পাতুকাক্রমে ব্যবহার করেন না । ভগবন্নির্মালাও মস্তকে ধারণেরই বিধান । ভগবানের স্নানোদকও সাধক স্বীয় মস্তকেই ধারণ করেন, তদ্বারা নিজে স্নান করেন না । এ সমস্ত দ্রব্য হইল পূজ্য, নমস্ত ; এ সমস্ত বস্তুতে চরণাদি অধমাক্ষের স্পর্শ তাহাদের পূজ্যত্বের বিরোধী, তাই অপরাধজনক । শ্রীকৃষ্ণপ্রসাদী আসনও তদ্রূপ পূজনীয়, মস্তকে ধারণীয়, কখনও লজ্বনীয় নয় ; তাহাতে উপবেশন তো দূরের কথা । শ্রীকৃষ্ণচরণে অর্পিত পুষ্প বা শ্রীকৃষ্ণপ্রসাদী হুপূর কোনও সাধক স্বীয় চরণে ধারণ করেন না, মস্তকেই ধারণ করেন । শ্রীকৃষ্ণপ্রসাদী প্রত্যেক বস্তুরই ব্যবহার করিতে হইবে, সেই বস্তুর মর্যাদা এবং পূজনীয়ত্ব রক্ষা করিয়া । প্রভু হইলেন স্বয়ংভগবান্—স্বয়ং শ্রীকৃষ্ণ ; তাই তিনি নবদ্বীপে বিষ্ণুখট্টায়ও বসিয়াছিলেন ; তাঁহার অহুকরণে তাঁহার পার্শ্ব-ভক্তগণ কখনও বিষ্ণুখট্টায় বসেন নাট । বস্তুতঃ সার্বভৌম যে আসন পাতিয়াছিলেন, তাহা প্রভুর জন্তই অভিপ্রেত ছিল ; সার্বভৌম মুখে তাহা খুলিয়া না বলিলেও তাঁহার অন্তরের অভিপ্রায় তাহাই । অন্তর্ধ্যানী প্রভুও মুখে খুলিয়া না বলিলেও তাহা জানিতেন এবং তাহা জানিয়াই ভক্তবাঞ্ছা-কল্পতরু প্রভু ঐ আসন অঙ্গীকার করিয়া তাহাতে উপবেশন করিয়াছেন । শ্রীমদ্ভাগবতের শ্লোকের প্রমাণবলেই যে প্রভু আসনে বসিয়াছেন, তাহা মনে করা বোধ হয় সম্ভব হইবে না এবং প্রভুর এই আচরণের অহুকরণে সাধক-ভক্তদের পক্ষে শ্রীকৃষ্ণের আসনে উপবেশন করাও বোধ হয় সম্ভব হইবে না । ভগবানের

তথাপি এতেক অন্ন খাওন না যায় ।  
 ভট্ট কহে—জানি খাও যতেক যুয়ায় ॥ ২৩৫  
 নীলাচলে ভোজন তুমি কর বায়ান্ন বার ।  
 এক-এক ভোগের অন্ন শতশত-ভার ॥ ২৩৬

দ্বারকাতে ষোলসহস্র মহিষীমন্দিরে ।  
 অষ্টাদশ মাতা আর যাদবের ঘরে ॥ ২৩৭  
 ব্রজে জ্যেষ্ঠা-খুড়া-মামা-পিসাদি গোপগণ ।  
 মথীবৃন্দ সভার ঘরে দ্বিসন্ধ্যা ভোজন ॥ ২৩৮

গৌর-কৃপা-তরঙ্গিণী টীকা ।

আদেশই অনুসরণীয়, তাহার আচরণ ভক্তের পক্ষে অবিচারে অনুকরণীয় নহে ( ১৪৪-শ্লোকের টীকা দ্রষ্টব্য ) ।  
 এস্থলে “কৃষ্ণের সকল শেব ভক্ত আস্বাদয়”—ইহাই প্রভুর উক্তি । আসনও কৃষ্ণের অবশেষ ; নমস্কারাদি সংকারেই  
 আসনের আস্বাদন—উপবেশনে আস্বাদন নয়, উপবেশন হইবে কৃষ্ণ-কারণ্যের অনুকরণ ।

প্রশ্ন হইতে পারে—শ্রীকৃষ্ণের ভুক্তাবশেষ-ভোজনে জিহ্বার আস্বাদ পাওয়া যাইতে পারে; প্রসাদী  
 মাল্যচন্দনাদি-গ্রহণে স্বক্-দ্বারা শীতলত্ব, স্নিগ্ধত্ব এবং নাসিকা দ্বারা সৌগন্ধাদি আস্বাদিত হইতে পারে এবং প্রসাদী-  
 বস্ত্রালঙ্কারাদি ধারণেও স্বগিজ্রিয়ের আস্বাদন পাওয়া যাইতে পারে । নমস্কারাদি দ্বারা বা মস্তকে ধারণ দ্বারাও কি  
 তদ্রূপ স্বগিজ্রিয় দ্বারাই প্রসাদী আসনের আস্বাদন গ্রহণ করা হইবে? উত্তরে ইহাই বলা যায়—কেবলমাত্র  
 বহিরিজ্রিয়ের দ্বারা আস্বাদনই শ্রীকৃষ্ণ-প্রসাদের মুখ্য আস্বাদন নয়; অন্তরিজ্রিয়ের আস্বাদনই মুখ্য আস্বাদন ।  
 ভক্তিপূত চিত্তে শ্রীকৃষ্ণপ্রসাদ গ্রহণে ভক্তের চিত্তে যে ভক্তিরস উচ্ছলিত হইয়া উঠে, তাহার আস্বাদনই মুখ্য আস্বাদন ।  
 প্রসাদী বস্ত্রালঙ্কার-ধারণে বহিরিজ্রিয়ের তেমন কিছু আনন্দ নাই, আনন্দ আছে অন্তরিজ্রিয়ের—উচ্ছলিত ভক্তিরসের  
 আস্বাদন-জনিত আনন্দ । নমস্কার বা মস্তকে ধারণাদি দ্বারাও আসনের তদ্রূপই আস্বাদন । শ্রীকৃষ্ণ-রূপাদির বা  
 শ্রীকৃষ্ণ-নাম-কথাতির আস্বাদনও অন্তরিজ্রিয়কর্তৃকই আস্বাদন ।

উল্লিখিত শ্রীমদ্ভাগবত-শ্লোকে শুক ( মাল্য ), চন্দন, বাস ( বস্ত্র ) এবং অলঙ্কার দ্বারা “চর্চিত” হওয়ার কথা  
 আছে । চর্চিত-শব্দের অর্থে শ্রীধরস্বামিপাদ লিখিয়াছেন—অলঙ্কৃত । তাহাতে বুঝা গেল—শ্রীকৃষ্ণপ্রসাদী বস্ত্রদ্বারা  
 অলঙ্কৃত হওয়ার কথাই পাওয়া যায় । কিরূপে প্রসাদী বস্ত্রদ্বারা অলঙ্কৃত হওয়া যায়, তাহার নির্দেশও এই শ্রীগ্রন্থে  
 দৃষ্ট হয় । ২১৫২২ পয়ার হইতে জানা যায়, কৃষ্ণজন্মযাত্রা উপলক্ষ্যে তুলসী-পড়িছা জগন্নাথের প্রসাদী বস্ত্র আনিয়া  
 প্রভুর মস্তকে বান্ধিয়া দিয়াছিলেন, প্রভুর পার্শ্বদ্বন্দের মস্তকেও বান্ধিয়া দিয়াছিলেন । ৩১৩৪৮-৬০ পয়ার হইতে  
 জানা যায়, পণ্ডিত জগদানন্দের বৃন্দাবনে অবস্থান-কালে এক দিন শ্রীসনাতনগোস্বামী একখানি রক্তবস্ত্র মস্তকে  
 বান্ধিয়া পণ্ডিতের নিকট গিয়াছিলেন; পণ্ডিত তাহাকে প্রভুর প্রসাদী বস্ত্র মনে করিয়াছিলেন । এসমস্ত দৃষ্টান্ত  
 হইতে বুঝা যায়, প্রসাদীবস্ত্র মস্তকে ধারণ বা মালার আকারে কর্ণে ও বক্ষে ধারণই সম্ভব; এইরূপ ধারণেই বস্ত্রদ্বারা  
 ভূষিত হওয়া যায় । রাজা প্রতাপরুদ্রও শ্রীমন্ মহাপ্রভুর বহির্বিদ্যাস পূজা করিতেন ( ২১২১৩৫ ) । প্রসাদীবস্ত্র  
 সাধারণ বস্ত্রের ত্রায় পরিধানের কথা দৃষ্ট হয় না । শ্রীকৃষ্ণপ্রসাদী কোনও বস্ত্রই অধমাস্ত্রে ( নাভির নীচে ) ব্যবহার  
 করা বোধ হয় সম্ভব নয় । যাহাতে ভক্তির উন্মেষ এবং পুষ্টি সাধিত হইতে পারে, সেই ভাবে ব্যবহার করাই সম্ভব ।

২৩৫ । তথাপি—শাস্ত্রানুসারে শ্রীকৃষ্ণপ্রসাদী সমস্ত দ্রব্য ভক্তের গ্রহণীয় হইলেও । যুয়ায়—যোগ্য হয় ।  
 জানি খাও যতেক যুয়ায়—তুমি যাহা খাও, তাহার যে পরিমাণ হওয়া উচিত, তাহা আমি জানি । তোমার  
 যোগ্য খাওয়ার পরিমাণ আমি জানি । প্রভুর নিয়মিত খাওয়ার পরিমাণ কত, তাহা পরবর্তী ২৩৬-৩২ পয়ারে বলা  
 হইয়াছে ।

২৩৬ । নীলাচলে—নীলাচলে শ্রীজগন্নাথরূপে । নীলাচলে প্রত্যহ শ্রীজগন্নাথের বায়ান্ন বার ভোগ হয়;  
 প্রত্যেক বারে শত শত ভার অন্নের ভোগ দেওয়া হয় । শ্রীজগন্নাথরূপে তৎসমস্তই তুমি ( প্রভু ) গ্রহণ কর ।

২৩৭-৮ । দ্বারকাতে—দ্বারকায় শ্রীবাসুদেবরূপে । ব্রজে—ব্রজে শ্রীব্রজেন্দ্র-নন্দনরূপে ।

গোবর্দ্ধন-যজ্ঞে খাইলে অন্ন রাশি-রাশি ।

তার লেখে এই অন্ন নহে একগ্রাসী ॥ ২৩৯

তুমি ত ঈশ্বর, মুঞি ক্ষুদ্র কোন্ ছার ।

একগ্রাস মাধুকরী কর অঙ্গীকার ॥ ২৪০

গৌর-রূপা-তরঙ্গিণী টীকা ।

দ্বারকাতে তুমি বাসুদেবরূপে বিরাজিত ; সেস্থানে তোমার বোল হাজার মহিষী আছেন, আঠার জন মাতা আছেন, তাহা ছাড়া যাদবদের মধ্যে তোমার আত্মীয়-স্বজন অনেকই আছেন । আর ব্রজে তুমি ব্রজেন্দ্র-নন্দনরূপে বিরাজিত ; সেখানেও তোমার পিতা-মাতা আছেন, জ্যেষ্ঠা আছেন, খুড়া আছেন, মামা আছেন, পিসা আছেন, আরও অনেক আত্মীয়-স্বজন আছেন ; এতদ্ব্যতীত, তোমার প্রেয়সী গোপীবৃন্দও আছেন । দ্বারকায় এবং ব্রজে ইহাদের সকলের ঘরেই তো তুমি দ্বিসন্ধ্যা ( প্রত্যহ দুই বার করিয়া ) ভোজন করিয়া থাক ।

২৩৯ । নীলাচল, দ্বারকা ও ব্রজের কথা ছাড়িয়া দিলেও এক গোবর্দ্ধন-যজ্ঞে তুমি যত অন্ন গ্রহণ করিয়াছ, তাহার তুলনায় আমার এই কয়টি অন্নে তো তোমার এক গ্রাসও হইবে না ।

গোবর্দ্ধন-যজ্ঞ—ইন্দ্রপূজার পরিবর্তে শ্রীকৃষ্ণের পরামর্শমত ব্রজবাসিগণ যে গোবর্দ্ধনপূজা করিয়াছিলেন, তাহাকেই গোবর্দ্ধন-যজ্ঞ বলা হইয়াছে । ২।৪।৮৫ পয়ারের টীকা দ্রষ্টব্য ।

গোবর্দ্ধন-যজ্ঞোপলক্ষ্যে শ্রীকৃষ্ণ গোবর্দ্ধন-পর্বতের উপরে দ্বিতীয় এক পর্বতের ছায় বৃহদ্বপু ধারণ করিয়া—“আমি পঞ্চত, আমিই এতদ্দেশাধিপতি হইয়াছি, তোমাদিগের ভক্তিদ্বারা প্রসন্ন হইয়া অল্প প্রাহুভূত হইলাম, অতএব তোমরা স্ব-স্ব-অভিमत বর গ্রহণ কর”—এইরূপ বলিতে বলিতে দূরস্থ, নিকটস্থ, কিম্বা নন্দগ্রামাদিবর্ত্তি ব্রজবাসিজন কর্তৃক পরোক্ষে, অপরোক্ষে, কিম্বা ধ্যানদ্বারা অর্প্যমাণ নৈবেদ্যগুলি, সহস্র-কোটি-হস্তে তত্ত্বৎ-স্থল হইতে অতি দীর্ঘ ও ক্ষুদ্র হস্তসমূহদ্বারা গ্রহণপূর্বক আনন্দ-সহকারে ভোজন করিয়াছিলেন । “কৃষ্ণস্বত্বতমং রূপং গোপ-বিশম্ভং গতঃ । শৈলোহ্মীতি ক্রবন্ ভূরিবলিমা দদবৃহদ্বপুঃ ॥ শ্রী, ভা, ১০।২৪।৩৫ ॥” গোবর্দ্ধন-পূজার জন্ত সমবেত ব্রজবাসী গোপগণও পর্বতোপরি আবিভূত দিব্য-শ্রব্ধচন্দনাদিদ্বারা সজ্জিত এই পর্বতাকার রূপ দর্শন করিয়া অত্যন্ত দৃষ্ট হইয়াছিলেন । “তং গোপাঃ পর্বতাকারং দিব্যশ্রবণমুলেপনম্ । গিরিমূর্দ্ধি স্থিতং দৃষ্ট্বা দৃষ্টা জগ্মুঃ প্রধানতঃ ॥ শ্রী, ভা, ১০।২৪।৩৫-শ্লোকের বৃহদ্বৈষ্ণবতোষণী-টীকাধৃত হরিবংশ-বচন ।” কিন্তু এই পর্বতাকার বৃহদ্বপু যে শ্রীকৃষ্ণ, তাহা তাঁহারা জানিতে পারেন নাই । “অতঃ শ্রীকৃষ্ণোহ্যমিতি প্রত্যভিজ্ঞা গোপানাং নাজনীতি বোধিতঃ ॥—বৃহদ্বৈষ্ণব-তোষণী ।” গোপবর্গের মধ্যে শ্রীকৃষ্ণ পূর্ব হইতে যেই রূপে বর্ত্তমান ছিলেন, বৃহদ্বপুরূপে পূজোপকরণ-গ্রহণ-সময়েও তিনি তাঁহাদের মধ্যে সেই রূপেই বিদ্যমান ছিলেন । শ্রীকৃষ্ণের প্রতি ঐশ্বর্যজ্ঞানশূন্য শুদ্ধ-প্রেমবশতঃ তাঁহারা মনে করিয়াছিলেন,—তাঁহাদের আপন জন, তাঁহাদের প্রাণাপেক্ষাও প্রিয়তম, তাঁহাদের কানাই তাঁহাদের সঙ্গেই আছেন । বিরাট-কায় যিনি পর্বতোপরি অবস্থিত থাকিয়া পূজোপকরণ গ্রহণ করিতেছেন, তিনি স্বয়ং গোবর্দ্ধন-পর্বতই, তাঁহাদের প্রতি রূপা করিয়া সাক্ষাদভাবে তাঁহাদের পূজা গ্রহণ করিতেছেন ; ইহা ভাবিয়াই তাঁহারা দৃষ্ট হইয়াছিলেন । যাহাতে মাধুর্য্য ক্ষুণ্ণ হইতে পারে, এমন ভাবে ব্রজের ঐশ্বর্য্য কখনও আত্মপ্রকট করে না ।

যাহা হউক, উক্ত আলোচনা হইতে জানা গেল, গোবর্দ্ধন-যজ্ঞোপলক্ষ্যে শ্রীকৃষ্ণই পর্বতাকার বপু ধারণ করিয়া ব্রজবাসীদিগের প্রদত্ত “রাশি-রাশি অন্ন” খাইয়াছিলেন । সেই শ্রীকৃষ্ণই এক্ষণে শ্রীশ্রীগৌররূপে অবতীর্ণ হইয়াছেন বলিয়া সার্বভৌম তাঁহাকে লক্ষ্য করিয়া এই সকল কথা বলিয়াছেন ।

২৪০ । তুমি স্বয়ং ভগবান্ ; তোমার ভোজ্যদ্রব্যের পরিমাণ নির্ণয় করা যায় না ; আবার তুমি ইচ্ছা করিলে, দরিদ্রের প্রতি প্রসন্ন হইলে, অতি অল্প পরিমিত বস্তুতেও তৃপ্ত হইতে পার । আমি দরিদ্র, বেশীকিছু যোগাড় করিতে পারি নাই ; সামান্য এক গ্রাস অন্ন যোগাড় করিয়াছি ; মধুকর যেমন ফুলে যাহা কিছু মধু পায়, তাহাই গ্রহণ করে, তুমিও তদ্রূপ রূপা করিয়া আমার এই এক গ্রাস অন্নই গ্রহণ করিয়া আমাকে কৃতার্থ কর ।

এত শুনি হাসি প্রভু বসিলা ভোজনে ।  
 জগন্নাথ-প্রসাদ ভট্ট দেন হর্ষমনে ॥ ২৪১  
 হেনকালে অমোঘ-নামে ভট্টের জামাতা ।  
 কুলীন নিন্দক তেঁহো ষাঠীকণ্ঠার ভর্তা ॥ ২৪২  
 ভোজন দেখিতে চাহে, আসিতে না পারে ।  
 লাঠী হাথে ভট্টাচার্য্য আছেন দুয়ারে ॥ ২৪৩  
 তেঁহো যদি প্রসাদ দিতে হৈলা আনমন ।  
 অমোঘ আসি অন্ন দেখি করয়ে নিন্দন—॥ ২৪৪  
 এই অন্নে তৃপ্ত হয় দশ বার জন ।  
 একেলা সন্ন্যাসী করে এতেক ভোজন ॥ ২৪৫

শুনিতেই ভট্টাচার্য্য উলটি চাহিল ।  
 তার অবধান দেখি অমোঘ পলাইল ॥ ২৪৬  
 ভট্টাচার্য্য লাঠী লৈয়া মারিতে ধাইলা ।  
 পলাইলা অমোঘ, তার লাগ না পাইলা ॥ ২৪৭  
 তারে গালি-শাপ দিতে ভট্টাচার্য্য আইলা ।  
 নিন্দা শুনি মহাপ্রভু হাসিতে লাগিলা ॥ ২৪৮  
 শুনি ষাঠীর মাতা বুক-শিরে হাত মারে ।  
 ‘ষাঠী রাঁড়ী হোক’ ইহা বোলে বারে বারে ॥ ২৪৯  
 দৌহার দুঃখ দেখি প্রভু দৌহা প্রবোধিয়া ।  
 দৌহার ইচ্ছাতে ভোজন কৈল তুষ্ট হৈয়া ॥ ২৫০

গৌর-কৃপা-তরঙ্গিণী টীকা ।

২৪১ । জগন্নাথপ্রসাদ—শ্রীজগন্নাথের প্রসাদ । ভট্ট—সার্কভৌম ভট্টাচার্য্য ।

২৪২ । হেনকালে—সার্কভৌম যখন প্রভুকে জগন্নাথের প্রসাদ দিতেছিলেন, সেই সময়ে । ষাঠীকণ্ঠার ভর্তা—ষাঠীনারী সার্কভৌম-কণ্ঠার ভর্তা ( বা পতি ) ; ষাঠীর স্বামী ।

২৪৩ । অমোঘ যে নিন্দক, যে কোনও সময়ে যে কোনও লোকের নিন্দা করিয়া থাকে, তাহা সার্কভৌম জানিতেন ; প্রভুর ভোজনের দ্রব্যাদি দেখিতে পাইলে, পাছে সে আবার প্রভুর সাক্ষাতেই প্রভুর কোনও নিন্দা করিয়া বসে, এই আশঙ্কায় সার্কভৌম লাঠী হাতে লইয়া প্রভুর ভোগ-ঘরের দ্বারে বসিয়াছিলেন—উদ্বেগ, অমোঘকে আসিতে দেখিলেই—প্রয়োজন হইলে লাঠির সাহায্যেও—তাড়াইয়া দিবেন ।

২৪৪ । কিন্তু প্রভুকে অন্নব্যঞ্জনাদি পরিবেশনও সার্কভৌমকেই করিতে হয়—প্রভু সন্ন্যাসী বলিয়া জীলোক দর্শন করিবেন না, নচেৎ সার্কভৌমের গৃহিণীও পরিবেশন করিতে পারিতেন । যাহা হউক, প্রভুকে পরিবেশন করিবার কালে সার্কভৌম যখন অচমনস্ক হইলেন—যখন বাহিরের দিকে দৃষ্টি রাখার আর অবকাশ ছিল না—তখন সেই সুযোগে অমোঘ আসিয়া প্রভুর পাতের অন্নস্তুপ দেখিয়াই নিন্দা আরম্ভ করিয়া দিল ।

২৪৫ । কি বলিয়া অমোঘ প্রভুর নিন্দা করিল, তাহা বলিতেছেন ।

এই অন্নে ইত্যাদি—পাতে তিন মান চাউলের অন্ন ছিল ( পূর্ববর্তী ২০৫ পয়ার ) ।

২৪৬ । উলটি—ফিরিয়া । অবধান—মনোযোগ ; অমোঘের দিকে দৃষ্টি ।

২৪৯ । রাঁড়ী—বিধবা । অত্যন্ত দুঃখে বুক ও মাথায় চাপড়াইতে চাপড়াইতে সার্কভৌমের গৃহিণী বলিলেন—ষাঠী বিধবা হউক, অর্থাৎ অমোঘ মরুক, এমন অপদার্থ স্বামী থাকা অপেক্ষা না থাকাই ভাল । যার কাণ্ডাকাণ্ড জ্ঞান নাই, কোন্ সময়ে কাহার সহিত কিরূপ ব্যবহার করিতে হয়, তাহা যে জানে না, সর্বজনঘৃণিত নিন্দাকে যে ত্যাগ করিতে পারে না—যে অতিথির মর্যাদা জানে না, যে স্বয়ং ভগবান্ শ্রীমন্ মহাপ্রভুকেও নিন্দা করিতে পারে, তার মত পাষণ্ড স্বামী আমার মেয়ের থাকা অপেক্ষা না থাকাই ভাল ।

নিজের ছেলের কোনও দুর্ব্যবহারে অত্যন্ত দুঃখিত হইয়া মাতাও যেমন কোনও সাময়িক উত্তেজনার বশে ছেলেকে বলিয়া থাকেন—“তুই মর, তুই মর, হতভাগা, তুই মরিলেই আমার হাড় জুড়ায় ।” তদ্রূপ ভট্টাচার্য্য-গৃহিণীও অমোঘের দুর্ব্যবহারে অত্যন্ত উত্থিত হইয়া বলিয়াছেন—“অমোঘ মরুক, ষাঠী বিধবা হউক ।” ইহা সাময়িক-উত্তেজনার উক্তি । প্রকৃতপ্রস্তাবে, মাতা কখনও প্রাণের সহিত নিজের মেয়ের বৈধব্য কামনা করিতে পারেন না, ইহা অস্বাভাবিক ।

আচমন করাইয়া ভট্ট দিল মুখবাস ।  
 তুলসীমঞ্জরী লবঙ্গ এলাচী রসবাস ॥ ২৫১  
 সর্ববাস্তে পরাইল প্রভুর মাল্য চন্দন ।  
 দণ্ডবৎ হৈয়া কহে দৈন্তবচন—॥ ২৫২  
 নিন্দা করাইতে তোমা আনিবু নিজঘরে ।  
 এই অপরাধ প্রভু ! ক্ষমা কর মোরে ॥ ২৫৩  
 প্রভু কহে—নিন্দা নহে, সহজ কহিল ।  
 ইহাতে তোমার কিবা অপরাধ হৈল ? ॥ ২৫৪  
 এত বলি মহাপ্রভু চলিল ভবনে ।  
 ভট্টাচার্য্য তাঁহার ঘরে গেলা তাঁর সনে ॥ ২৫৫  
 প্রভুপায়ে পড়ি বহু আত্মনিন্দা কৈল ।  
 তারে শান্ত করি প্রভু ঘরে পাঠাইল ॥ ২৫৬  
 ঘরে আসি ভট্টাচার্য্য, যাঠীর মাতা সনে ।

আপনা নিন্দিয়া কিছু কহেন বচনে—॥ ২৫৭  
 চৈতন্যগোস্বামীর নিন্দা শুনিলা যাহা হৈতে ।  
 তারে বধ কৈলে হয় পাপ-প্রায়শ্চিত্তে ॥ ২৫৮  
 কিংবা নিজপ্রাণ যদি করি বিমোচন ।  
 দুই নহে যোগ্য, দুই শরীর ব্রাহ্মণ ॥ ২৫৯  
 পুন সেই নিন্দকের মুখ না দেখিব ।  
 পরিত্যাগ কৈল, তার নাম না লইব ॥ ২৬০  
 যাঠীকে কহ—তারে ছাড়ুক সে হৈল পতিত ।  
 পতিত হইলে ভর্তা ত্যজিতে উচিত ॥ ২৬১

তথাহি ( ভাঃ ৭।১।২৮ )—

সন্তুষ্টালোলুপা দক্ষা ধর্মজ্ঞা প্রিয়সত্যবাক্ ।  
 অপ্রমত্তা শুচিঃ স্নিগ্ধা পতিং স্বপতিতং ভজেৎ ॥ ৬

শ্লোকের সংস্কৃত টীকা ।

কিঞ্চ সন্তুষ্টা যথালোভেন তাবন্মাত্রেহপি ভোগেহলোলুপা দক্ষা অনলস্যা প্রিয়া সত্যচ বাক্ যশ্চাঃ সর্বত্রাপি অপ্রমত্তা  
 অবহিতা অপতিতং মহাপাতকশূন্যম্ । যথাহ যাজ্ঞবল্ক্যঃ । আ শুদ্ধেঃ সংপ্রতীক্ষো হি মহাপাতকদূষিত ইতি । স্বামী । ৬

গৌর-রূপা-তরঙ্গিণী টীকা ।

২৫১ । মুখবাস—মুখশুদ্ধির জন্ত গন্ধদ্রব্য । রসবাস—কবাবচিনি ।

২৫৪ । সহজ কহিল—অমোঘ প্রকৃত কথাই বলিয়াছে ; আমার পাতে যে অন্ন দিয়াছিলে, তাহাতে  
 বস্তুতঃই দশ বার জন লোকের পেট ভরিতে পারে ।

২৫৫ । তাঁহার ঘরে—প্রভুর বাসায় ।

২৫৬ । আত্মনিন্দা কৈল—প্রভুকে নিমন্ত্রণ করিয়া বাড়ীতে নিয়া নিন্দা শুনাইলেন বলিয়া সার্কর্ভৌম  
 নিজেকে অত্যন্ত ধিক্কার দিলেন ।

২৫৮ । মহাপ্রভুর প্রতি সার্কর্ভৌমের অত্যন্ত প্রীতি ; নিজের প্রাণ দিয়াও যদি প্রভুর প্রীতি-সম্পাদন করা  
 যায়, তাহা হইলে তিনি প্রাণ দিতেও প্রস্তুত ; সেই প্রভুকে নিজের ঘরে ডাকিয়া আনিয়া নিজের জামাতার মুখের  
 নিন্দা শুনাইলেন—ইহা মনে করিয়া তাঁহার যে দুঃখ হইয়াছিল, তাহারই আতিশয়ো সার্কর্ভৌম মনে করিলেন যে—  
 প্রভুর নিন্দাকারী অমোঘকে হত্যা করিতে পারিলেই, অথবা আত্মহত্যা করিতে পারিলেই তাঁহার দুঃখের কিঞ্চিৎ  
 উপশম হইত ।

২৫৯ । দুই—আত্মহত্যা ও অমোঘের হত্যা ।

২৬১ । তারে ছাড়ুক—অমোঘকে পরিত্যাগ করুক । সে হইল পতিত—স্বয়ং ভগবান্ মহাপ্রভুর নিন্দা  
 করায় অমোঘ পতিত হইয়াছে । ভগবানের সেবা করাই ব্রাহ্মণের স্বধর্ম ; ব্রাহ্মণ-সন্তান অমোঘ তাহা না করিয়া,  
 অধিকন্তু ভগবানের নিন্দা করিয়া স্বধর্ম হইতে স্থলিত হইয়াছে ।

পতিত হইলে ইত্যাদি—পতিত-স্বামীকে ত্যাগ করাই স্ত্রীলোকের কহব্য । এই উক্তির প্রমাণরূপে নিম্নে  
 একটা শ্লোক উদ্ধৃত হইয়াছে ।

শ্লো। ৬ । অম্বয় । সন্তুষ্টা ( যথালোভে সন্তুষ্টা ) আলোলুপা ( ভোগবিষয়ে লোভহীনা ) দক্ষা ( আলম্বহীনা )



সেই রাতে অমোঘ কাহাঁ পলাইয়া গেল ।

প্রাতঃকালে তারে বিসূচিকা ব্যাধি হৈল ॥ ২৬২

গৌর-কৃপা-তরঙ্গিণী টীকা ।

ধর্মজ্ঞা ( ধর্মজ্ঞা ) প্রিয়সত্যবাক্ ( প্রিয়বাদিনী ও সত্যবাদিনী ) অপ্রমত্তা ( সকল বিষয়ে অবহিতা ) শুচিঃ ( সর্বদা শুচি ) স্নিগ্ধা ( ও স্নিগ্ধা ) [ সতী ] ( হইয়া ) অপতিতং ( অপতিত—মহাপাতকশূচ ) পতিং ( পতিকে ) তু ( ই ) ভজেৎ ( ভজনা করিবে ) ।

**অনুবাদ ।** সাক্ষী নরী য ধর্ম-কথনে শ্রীনারদ বলিয়াছেন—সাক্ষীনারী “যথালভে সন্তুষ্টা হইবে, ভোগবিষয়ে লোভহীনা হইবে, সর্বদা আলস্যহীনা হইবে, ধর্মজ্ঞা হইবে, প্রিয়বাদিনী ও সত্যবাদিনী হইবে, সকল বিষয়ে অবহিতা ( সতর্ক ) হইবে এবং সর্বদা শুচি ও স্নিগ্ধা হইয়া অপতিত ( মহাপাতকশূচ ) পতিরই ভজনা করিবে ।” ৬

এই শ্লোকে বলা হইল—সাক্ষীনারী “অপতিত পতিরই” ভজন কারবেন । এই উক্তি হইতে অহুমান দ্বারাই বুঝিতে হয় যে, পতিত পতির ভজন করা সাক্ষী-নারীর কর্তব্য নহে । এই শেষোক্ত অহুমানলব্ধ বাক্য হইতে আবার অহুমানদ্বারা বুঝিতে হয় যে—পতিত পতিকে ত্যাগ করাই—সাক্ষী নারীর কর্তব্য । এইরূপে শ্রীমদভাগবতের উক্তি হইতে দুইবার অহুমান প্রয়োগের দ্বারাই এই শ্লোককে পূর্ববর্তী ২৬১ পয়ারের সমর্থক বলিয়া মনে করা যাইতে পারে ; সুতরাং উদ্ধৃত শ্লোক সাক্ষাদভাবে ২৬১ পয়ারের সমর্থক নহে, পরস্পরাক্রমই সমর্থক । এই শ্লোকের স্থলে এইরূপ পাঠান্তরও দৃষ্ট হয়—“তথাহি স্মৃতিবচনম্ । পতিঞ্চ পতিতং ভজেৎ । ইতি ।—পতিত পতিকে ত্যাগ করা উচিত ।” এই স্মৃতিবাক্য সাক্ষাদভাবেই ২৬১ পয়ারোক্তির সমর্থক ।

যাহা হউক, পতি-শব্দের অর্থ পালন-কর্তা । পত্নীকে পালন করাই পতির কর্তব্য । পালনেরও দুইটা অঙ্গ আছে—ব্যবহারিক এবং পারমার্থিক । দেহের পালন—দেহের পুষ্টি-বিধানাদি, সাজ-সজ্জাদি, দেহের ক্ষুধা মিটান হইল ব্যবহারিক পালন । আর দেহীর ( দেহের অভ্যন্তরে অবস্থিত জীবাত্তার ) পালনে, দেহীর ক্ষুধা-মিটানেই দেহীর পালন ; ইহাই হইল পারমার্থিক পালন । এই উভয়রূপ পালনেই পতিত্বের সার্থকতা । এই দুয়ের মধ্যে পারমার্থিক পালনেরই উৎকর্ষ ; কারণ, ইহাতেই জীবের স্বরূপানুবন্ধী কর্তব্যের জ্ঞান উন্মেষিত হইতে পারে । জীব স্বরূপতঃ কৃষ্ণদাস বলিয়া কৃষ্ণসেবার বাসনাই তাহার ক্ষুধা ; সেব্য-সেবক-ভাবের উন্মেষণে, সেবা-বাসনার সুরণে এবং পুষ্টিসাধনেই দেহীর ক্ষুধা মিটান সম্ভব ; তদ্বিষয়ে আনুকূল্যই হইল পতিকর্তৃক পত্নীর পারমার্থিক পালন । ইহা যে পতি না করেন বা করিতে না পারেন, পারমার্থিক দৃষ্টিতে তাঁহাকে পতি বলা যায় না । শ্রীকৃষ্ণসেবাই যখন জীবের স্বরূপানুবন্ধী কর্তব্য, তখন শ্রীকৃষ্ণসেবার বা সেই সেবাবাসনার প্রাতিকূল্য যে পতিদ্বারা হয়, সেই পতির পরিত্যাগে—কিষ্ণা যে পত্নীদ্বারাও তদ্রূপ প্রাতিকূল্য জন্মে, সেই পত্নীর পরিত্যাগে—কোনওরূপ পারমার্থিক প্রত্যবায়ের আশঙ্কা নাই, বরং মঙ্গলেরই সম্ভাবনা । আর, হিন্দুর বিবাহ-ব্যবস্থা কেবলমাত্র ব্যবহারিক ব্যাপারই নহে ; নারায়ণকে সাক্ষী করিয়া নারায়ণের সাক্ষাতে যে বিবাহ অস্থাপিত হয়, তাহার পটভূমিকায় রহিয়াছে পারমার্থিকতা ; ব্যবহারিকত্বের আবরণ উন্মোচিত হইয়া গেলে পারমার্থিকতা প্রকাশিত হওয়ার সম্ভাবনা আছে । পারমার্থিকতা প্রকাশিত হওয়ার সম্ভাবনাই যেস্থলে সমূলে বিনষ্ট হইয়া যায়, সেস্থলে কেবলমাত্র ব্যবহারিকতাদ্বারা বিবাহের তাৎপর্য রক্ষিত হইতে পারে না । সুতরাং কেবলমাত্র ব্যবহারিকতা রক্ষার উদ্দেশ্যে পতি-পত্নীর পরস্পর সংসর্গের মূল্য শাস্ত্রবিশ্বাসী নিষ্ঠাবান্ লোকের নিকটে নিতাস্ত অকিঞ্চিংকর, কেবল অকিঞ্চিংকরই নয়, দুর্লভ মানব-জন্মের পক্ষেও বিড়ম্বনামাত্র । অমোঘের সম্বন্ধে স্থায়ী কণ্ঠা যাঠীর ব্যবহার-বিষয়ে নৈষ্ঠিক ভক্ত সার্বভৌম যে ব্যবস্থা দিয়াছেন, তাহার পশ্চাতে এবং উদ্ধৃত শাস্ত্রবাক্যের পশ্চাতেও রহিয়াছে উল্লিখিতরূপ বিচার ; সুতরাং সার্বভৌমের আদেশ কেবলমাত্র সাময়িক উত্তেজনার ফল নহে ।

এই শ্লোক ২৬১ পয়ারোক্তির প্রমাণ ।

২৬২ । বিসূচিকা—ওলাউঠা ।

‘অমোঘ মরেন’ শুনি কহে ভট্টাচার্য্য—।  
সহায় হইয়া দৈব কৈল মোর কার্য্য ॥ ২৬৩

ঈশ্বরেতে অপরাধ ফলে ততক্ষণ ।  
এত বলি পড়ে দুই শাস্ত্রের বচন ॥ ২৬৪

তথাহি মহাভারতে বনপর্কণি ( ২৪:১।১৫ )—  
মহতা হি প্রযত্নেন হস্ত্যশ্বরথপত্তিভিঃ ।  
অস্মাভির্ষদহুষ্ঠেয়ং গন্ধর্বৈস্তদহুষ্ঠিতম্ ॥ ৭ ॥  
তথাহি ( ভাঃ ১০।৪।৪৬ )—  
আয়ুঃ শ্রিয়ং যশো ধর্ম্মং লোকানাশিষ এব চ ।  
হস্তি শ্রেয়াংসি সর্কানি পুংসো মহদতিক্রমঃ ॥ ৮

শ্লোকের সংস্কৃত টীকা ।

হস্ত্যশ্বরথপত্তিভিঃ করণভূতাভিঃ মহতা প্রযত্নেন অস্মাভির্ষদহুষ্ঠেয়ং যৎকরণীয়ং গন্ধর্বৈ স্তৎকৃতমিত্যর্থঃ ।  
চক্রবর্তী । ৭

লোকান্ ধর্ম্মসাধ্যস্বর্গাদীন আশিষঃ নিজবাহিতানি আয়ুরাদীনাং যথোক্তরং শ্রেষ্ঠং কিং পৃথক্ নির্দেশেন  
সর্কান্যপি শ্রেয়াংসি সাধ্যসাধনানি পুংসঃ সাধিতাশেষপুরুষার্থস্তাপি জনস্ত মহতাঃ শ্রীবৈষ্ণবানাং অতিক্রমঃ অভিতবঃ  
তেষু কশ্চিদপরাধোহপীতি বা । শ্রীসনাতন । ৮

গৌর-কৃপা-তরঙ্গিনী টীকা ।

২৬৩। সহায় হইয়া—দৈব সহায় হইয়া অমোঘের বধরূপ আমার অভিপ্রেত কার্য্য করিল। ইহাও  
সার্বভৌমের অত্যধিক দুঃখজনিত উক্তি ।

২৬৪। ঈশ্বরেতে অপরাধ—স্বয়ং ভগবান্ শ্রীমন্ মহাপ্রভুর নিন্দাতে যে অমোঘের অপরাধ হইয়াছে, সেই  
অপরাধের কথাই বলা হইতেছে। দুই শাস্ত্রের বচন—মহাভারত ও শ্রীমদ্ভাগবত এই দুই শাস্ত্রের শ্লোক ।  
অথবা, দুইটা শাস্ত্রবাক্য, দুইটা শ্লোক ।

শ্লো। ৭। অর্থ্য। হস্ত্যশ্বরথপত্তিভিঃ ( হস্তী, অশ্ব, রথ ও পদাতিকাদিদ্বারা ) মহতা ( অনেক ) প্রযত্নেন  
( যত্নে ) অস্মাভিঃ ( আমাদিগকর্তৃক ) যৎ ( যাহা ) অহুষ্ঠেয়ং ( অহুষ্ঠিত হইত ) গন্ধর্বৈঃ ( গন্ধর্বদিগকর্তৃক ) তৎ  
( তাহা ) অহুষ্ঠিতং ( অহুষ্ঠিত হইয়াছে ) ।

অনুবাদ । ভীম যুধিষ্ঠিরকে বলিলেন—“হস্তী, অশ্ব, রথ ও পদাতিকাদিদ্বারা মহা প্রযত্নে ( যুদ্ধাদি করিয়া )  
আমাদের যাহা করিতে হইত, গন্ধর্বগণই তাহা করিয়াছে ।” ৭

গন্ধর্বদিগের সহিত যুদ্ধে কর্ণ পরাজিত হইলে কৌরব-সেনাগণ ছত্রভঙ্গ হইয়া পলায়ন করিতে লাগিল ; কিন্তু  
দুর্যোধন তখনও যুদ্ধ করিতে লাগিলেন ; কিছুকাল পরে কিন্তু দুর্যোধনও গন্ধর্বদের হাতে বন্দী হইলেন ; তখন  
গন্ধর্বগণ উৎসাহিত হইয়া দুঃশাসনাদি ধার্ত্ত্যবৃত্তিগণকেও বন্দী করিল এবং রাজপত্নীগণকেও হস্তগত করিল । একরূপ  
দুরবস্থায় পড়িয়া দুর্যোধনের অমাত্যবর্গ দীনভাবে আসিয়া সাহায্যের জন্য যুধিষ্ঠিরের শরণাপন্ন হইলে, ভীমসেন উক্ত-  
শ্লোকোক্ত কথাগুলি বলিয়াছিলেন । দুর্যোধন ধর্ম্মাত্মা যুধিষ্ঠিরের এবং স্বয়ং শ্রীকৃষ্ণের অবমাননা করিয়াছিলেন  
বলিয়াই গন্ধর্বের হাতে তাঁহাকে এত লাঞ্ছনা ভোগ করিতে হইল, সগণে এত সহজে বন্দী হইতে হইল ; নচেৎ  
তাঁহাকে এই ভাবে বন্দী করিতে হইলে পাণ্ডবদিগকে অনেক যুদ্ধাদি করিতে হইত । ঈশ্বর-শ্রীকৃষ্ণে অপরাধ হওয়াতেই  
দুর্যোধনের এই দুর্দশা ।

“ঈশ্বরেতে অপরাধ”—ইত্যাদি ২৬৪ পয়ারোক্তির প্রমাণ এই শ্লোক ।

ঈশ্বরের নিকটে অপরাধের কথা তো দূরে, তাঁহার ভক্তের ( মহতের ) নিকটে অপরাধ হইলেও যে কত দুর্দশা  
হয়, তাহা পরবর্তী শ্লোকে দেখাইতেছেন ।

শ্লো। ৮। অর্থ্য। মহদতিক্রমঃ ( মহৎলোকের অবমাননা ) পুংসঃ ( লোকের ) আয়ুঃ ( আয়ু ) শ্রিয়ং  
( শ্রী ) যশঃ ( যশঃ ) ধর্ম্মং ( ধর্ম্ম ) লোকান্ ( ধর্ম্মসাধ্যস্বর্গাদিলোক ) আশিষঃ ( স্বীয় বাঞ্ছিত বিষয় ) এব চ ( এবং )  
সর্কানি ( সমস্ত ) শ্রেয়াংসি ( মঙ্গলকে ) হস্তি ( বিনষ্ট করে ) ।

গোপীনাথচার্য্য গেলা প্রভুর দর্শনে ।  
 প্রভু তাঁরে পুছিল ভট্টাচার্য্য-বিবরণে ॥ ২৬৫  
 আচার্য্য কহে—উপবাস কৈল দুইজনে ।  
 বিসূচিকা-ব্যাপ্তিতে অমোঘ ছাড়য়ে জীবনে ॥ ২৬৬  
 শুনি কৃপাময় প্রভু আইলা ধাইয়া ।  
 অমোঘেরে কহে তার বুকে হাথ দিয়া—॥ ২৬৭  
 সহজে নিশ্চল এই ব্রাহ্মণ-হৃদয় ।

কৃষ্ণের বসিতে এই যোগ্যস্থল হয় ॥ ২৬৮  
 মাৎস্য্য চণ্ডাল কেনে ইঁহা বসাইলে ?  
 পরমপবিত্র স্থান অপবিত্র কৈলে ? ॥ ২৬৯  
 সার্বভৌম সঙ্গে তোমার কলুষ হৈল ক্ষয় ।  
 কলুষ ঘুটিলে জীব কৃষ্ণনাম লয় ॥ ২৭০  
 উঠহ অমোঘ ! তুমি কহ কৃষ্ণনাম ।  
 অচিরে তোমাকে কৃপা করিবে ভগবান্ ॥ ২৭১

গৌর-কৃপা-তরঙ্গিণী টীকা ।

**অনুবাদ ।** শ্রীশুকদেব পরীক্ষিত্বকে বলিলেন—“মহৎলোকদিগের অবমাননায় লোকের আয়ুঃ, শ্রী, যশঃ, ধর্ম্ম, ধর্ম্মসাধ্য-স্বর্গাদিলোক, স্বীয় বাঞ্ছিত বিষয়, এবং সর্ববিধ কল্যাণ বিনষ্ট হইয়া যায় ।” ৮

**মহদতিক্রমঃ—**মহৎ-লোকদিগের অতিক্রম ( অর্থাৎ, অভিভব, অনাদর, অবমাননা বা মহৎ-লোকের নিকটে কোনও অপরাধ ) ।

ভগবানের ভক্ত মহৎ-লোকদিগের অবমাননাতেই যখন আয়ুঃ-ক্ষয়াদি হইতে পারে, তখন ভগবদবমাননায় যে হইবে, তাহাতে আর বিচিত্র কি ?

অমোঘ প্রভুর অবমাননা করাতেই তাহার আয়ুঃ-ক্ষয় হইয়াছে, বিসূচিকারোগে সে মৃত্যুমুখে পতিত হইতেছে—ইহাই এই শ্লোক হইতে বুঝা যাইতেছে ।

উক্ত শ্লোক দুইটি ২৬৪ পয়ারের প্রথমার্ধের প্রমাণ ।

২৬৫ । ভট্টাচার্য্য-বিবরণে—সার্বভৌমের সংবাদ ।

২৬৮-২৬৯ । সহজে—স্বভাবতঃই । ব্রাহ্মণ—যিনি ব্রহ্মকে জানেন, যাহার ভগবদহুভূতি জন্মিয়াছে, তিনিই প্রকৃত ব্রাহ্মণ । মাৎস্য্য—অপরের উৎকর্ষের অসহনকে মাৎস্য্য বলে । সার্বভৌম যে প্রভুকে অত্যন্ত আদর-যত্ন করিয়া খাওয়াইতেছিলেন, তাহা অমোঘের সহ হইতেছিল না ; ইহাতেই অমোঘের মাৎস্য্য প্রকাশ পাইয়াছে । যিনি প্রকৃত ব্রাহ্মণ, তাহার হৃদয়ে মাৎস্য্য থাকিতে পারে না ; কারণ, ভগবদহুভবের প্রভাবে তিনি পরম-উদারতা লাভ করিয়া থাকেন, কাহারও প্রতি হিংসা-দ্বेष-মৎসরতা তাহার উদারচিত্তে স্থান পাইতে পারে না । মাৎস্য্য চিত্তের হীনতারই পরিচায়ক ।

**মাৎস্য্য-চণ্ডাল—**মাৎস্য্যরূপ চণ্ডাল ( হীনবৃত্তি ) । প্রভু অমোঘকে বলিলেন—“অমোঘ ! ব্রাহ্মণবংশে তোমার জন্ম ; যিনি প্রকৃত ব্রাহ্মণ, তাহার চিত্ত স্বভাবতঃই নিশ্চল থাকে, হিংসা-বিদ্বेष-মৎসরতাদি তাহার পবিত্রচিত্তে স্থান পাইতে পারে না । তাই তাহার হৃদয় শ্রীকৃষ্ণের বিশ্রামের যোগ্যস্থান । এরূপ ব্রাহ্মণের বংশে জন্মিয়া তোমার হৃদয়ে তুমি কেন মাৎস্য্যকে স্থান দিলে ? যে হৃদয়কে পরম-পবিত্র করিয়া ব্রাহ্মণোচিত করা উচিত ছিল, তাহাকে মাৎস্য্যের সংশ্রবে অপবিত্র করিতে গেলে কেন ?”—এইরূপই এই পয়ারদ্বয়ের মর্ম্ম ।

ব্রাহ্মণবংশজাত অমোঘকে অসৎকর্ম্ম হইতে নিবৃত্ত এবং সৎকর্ম্মে প্রবৃত্ত করাইবার উদ্দেশ্যে, তাহার হৃদয়ে প্রকৃত ব্রাহ্মণের কর্তব্য সম্বন্ধে একটা ধারণা জন্মাইবার উদ্দেশ্যে, তাহার চিত্তে ব্রাহ্মণোচিত আত্মসম্মান-জ্ঞান উদ্বুদ্ধ করাইবার উদ্দেশ্যে—ব্রাহ্মণোচিত কার্য্যে তাহাকে উৎসাহিত করিবার উদ্দেশ্যেই প্রভু তাহাকে লক্ষ্য করিয়া বলিয়াছেন—“সহজে নিশ্চল” ইত্যাদি ।

২৭০ । সার্বভৌম-সঙ্গে—সার্বভৌমের দ্বায় পরম ভক্তের সঙ্গপ্রভাবে । কলুষ—পাপ ।

শুনি ‘কৃষ্ণকৃষ্ণ’ বলি অমোঘ উঠিলা ।  
 প্রেমোন্মাদে মত্ত হৈয়া নাচিতে লাগিলা ॥ ২৭২  
 কম্পাশ্রু পুলক স্বেদ স্তম্ভ স্বরভঙ্গ ।  
 প্রভু হাসে দেখি তার প্রেমের তরঙ্গ ॥ ২৭৩  
 প্রভুর চরণে ধরি করয়ে বিনয়—।  
 অপরাধ ক্ষম মোর প্রভু দয়াময় ॥ ২৭৪  
 এই ছার মুখে তোমার করিল নিন্দনে ।  
 এত বলি আপন গালে চড়ায় আপনে ॥ ২৭৫  
 চড়াইতে চড়াইতে গাল ফুলাইল ।  
 হাথে ধরি গোপীনাথচার্য্য নিষেধিল ॥ ২৭৬  
 প্রভু আশ্বাসন করে স্পর্শি তার গাত্র—।  
 সার্বভৌম-সম্বন্ধে তুমি মোর স্নেহপাত্র ॥ ২৭৭  
 সার্বভৌম-গৃহে দাস-দাসী যে কুকুর ।  
 সেহো মোর প্রিয় অন্তজন রহু দূর ॥ ২৭৮  
 অপরাধ নাহি, সদা লহ কৃষ্ণনাম ।  
 এত বলি প্রভু আইলা সার্বভৌম-স্থান ॥ ২৭৯  
 প্রভু দেখি সার্বভৌম ধরিলা চরণে ।  
 প্রভু তাঁরে আলিঙ্গিয়া বসিলা আসনে ॥ ২৮০  
 প্রভু কহে—অমোঘ শিশু, কিবা তার দোষ ?

কেনে উপবাস কর কেনে তারে রোষ ? ॥ ২৮১  
 উঠ স্নান করি দেখ জগন্নাথ-মুখ ।  
 শীঘ্র আসি ভোজন কর, তবে মোর সুখ ॥ ২৮২  
 তাবৎ রহিব আমি এথাই বসিয়া ।  
 যাবৎ না খাইবে তুমি প্রসাদ আসিয়া ॥ ২৮৩  
 প্রভু-পাদ ধরি ভট্ট কহিতে লাগিলা ।  
 মরিত অমোঘ, তারে কেনে জীয়াইলা ? ॥ ২৮৪  
 প্রভু কহেন—অমোঘ হয় তোমার বালক ।  
 বালক-দোষ না লয় পিতা—যাহাতে পালক ॥ ২৮৫  
 এবে বৈষ্ণব হৈল, তার গেল অপরাধ ।  
 তাহার উপরে এবে করহ প্রসাদ ॥ ২৮৬  
 ভট্ট কহে চল প্রভু ! ঈশ্বর-দর্শনে ।  
 স্নান করি তাহাঁ মুণ্ডি আসিছোঁ এখনে ॥ ২৮৭  
 প্রভু কহে—গোপীনাথ ইহাঁই রহিবা ।  
 ঐহো প্রসাদ পাইলে বার্তা আমারে কহিবা ॥ ২৮৮  
 এত বলি প্রভু গেলা ঈশ্বর-দর্শনে ।  
 ভট্ট স্নান দর্শন করি করিল ভোজনে ॥ ২৮৯  
 সেই অমোঘ হৈল প্রভুর ভক্ত একান্ত ।  
 প্রেমে নৃত্য কৃষ্ণনাম লয় মহাশান্ত ॥ ২৯০

গৌর-রূপা-তরঙ্গিণী টীকা ।

২৭২ । অমোঘের বুকে হাত দিয়া প্রভু তাঁহার অচিন্ত্যশক্তির প্রভাবে অমোঘের চিন্তের সমস্ত মলিনতা এবং অনর্থ দূরীভূত করিয়া দিলেন এবং কৃষ্ণনাম করার উপদেশের সঙ্গে সঙ্গে প্রভু অমোঘের চিন্তে প্রেমভক্তি সঞ্চারিত করিয়া দিলেন ( ১৮২৭ পয়ারের টীকা দ্রষ্টব্য ) ; তাই অমোঘ “কৃষ্ণ কৃষ্ণ” বলিতে বলিতে উঠিয়া প্রেমোন্মাদে মত্ত হইয়া নৃত্য করিতে লাগিলেন ।

প্রভুর রূপায় অমোঘের বিশ্বচিকা-ব্যাধিও তৎক্ষণাৎই দূরীভূত হইয়াছিল ।

২৭৭-২৭৮ । প্রভু অমোঘকে এত রূপা কেন করিলেন, তাহার হেতু বলিতেছেন । সার্বভৌম প্রভুর অত্যন্ত প্রিয়ভক্ত ; আর অমোঘ হইল সার্বভৌমের জামাতা ; তাই অমোঘও প্রভুর স্নেহের পাত্র ; এজন্যই তাহার প্রতি প্রভুর এত রূপা ।

২৮৫ । যাহাতে পালক—পালনকর্তা বলিয়া ; পালনকর্তা হইয়া বালক-পাল্যের দোষ গ্রহণ করিতে নাই ।

২৮৬ । বৈষ্ণব হৈল—কৃষ্ণনাম গ্রহণ করাতে অমোঘ এখন বৈষ্ণব হইয়াছে । প্রসাদ—অমুগ্রহ ।

২৮৭ । চল—যাও । তাহাঁ—শ্রীজগন্নাথ-মন্দিরে । সার্বভৌম বলিলেন—“প্রভু, তুমি শ্রীমন্দিরে যাইয়া জগন্নাথ-দর্শন কর গিয়া ; আমিও স্নান করিয়া সেখানে যাইতেছি ।”

২৯০ । “প্রেমে নৃত্য”-স্থলে “প্রেমে মত্ত” পাঠান্তরও দৃষ্ট হয় ।

ঐছে চিত্র লীলা করে শচীর নন্দন ।  
 যেই দেখে শুনে তার বিস্ময় হয় মন ॥ ২৯১  
 ঐছে ভট্টগৃহে করে ভোজন-বিলাস ।  
 তার মধ্যে নানা চিত্র চরিত্র প্রকাশ ॥ ২৯২  
 সার্বভৌম-ঘরে এই ভোজন-চরিত্র ।  
 সার্বভৌম-প্রেম যাহা হইল বিদিত ॥ ২৯৩  
 ষাঠীর মাতার প্রেম, আর প্রভুর প্রসাদ ।  
 ভক্ত-সম্বন্ধে যাহা ক্ষমিলা অপরাধ ॥ ২৯৪

শ্রদ্ধা করি এই লীলা শুনে যেইজন ।  
 অচিরতে পায় সেই চৈতন্যচরণ ॥ ২৯৫  
 শ্রীকৃপ-রঘুনাথ-পদে যার আশ ।  
 চৈতন্যচরিতামৃত কহে কৃষ্ণদাস ॥ ২৯৬  
 ইতি শ্রীচৈতন্যচরিতামৃতে মধ্যখণ্ডে সার্ক-  
 ভৌমগৃহে ভোজনবিলাসো নাম  
 পঞ্চদশপরিচ্ছেদঃ ॥

গৌর-কৃপা-তরঙ্গিণী টীকা ।

২৯১ । চিত্র—বিচিত্র ।

২৯৩ । ভোজন-চরিত্র—প্রভুর ভোজন লীলা । যাহা—যে ভোজন-লীলায় বা যে ভোজন-লীলার উপলক্ষ্যে সার্কভৌমের গৌর-প্রীতির মাহাত্ম্য জানা গেল ।

২৯৪ । ভক্তসম্বন্ধে ইত্যাদি—( সার্কভৌমের ছায় ) ভক্তের সহিত সংস্ক ছিল বলিয়া যে ভোজন-লীলায় প্রভু অমোঘের অপরাধ ক্ষমা করিলেন ।

—০—